




ԳՐԱԿԱՆ, ԲԱՂԱԲԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՉՈՐՍԵՐՈՐԴ ՏԱՐԻ

1909

№ 3

ՄԱՐՏ

Թ Ի Ֆ Լ Ի Ս

ԷԼԵԲՏՐՈՂԱՐԺ ՏՊԱՐԱՆ ՕՐ. Ն. ԱՂԱՆԵԱՆՅԻ, ՊՕԼԻՑ 7

1909

ԲՈՎԱՆԴԱՆՈՒԹԻՒՆ

Ղօշավանքի գմբէթի առաստաղ. Պատկեր:	
Միալնութեան խոհեր. բանաստ. Յարութիւն Պետ-	
րոսեան	3
Տ. Գրիգոր Դ. Տղայ. Մ. Ա. Օ.	4
Աստուած. բանաստեղծ. Խենթ.	23
Քօսա-դաղ լերան վիան Խանգաղէ	26
Տէր-Գաբրիէլ Պատկանեանցը Երուանդ Շահագիգ.	38
Ժողովրդի մէջ. Բողեգէրի. Թարգմ. Օր. Ն. Աղա-	
նեանց.	51
Մուրացանի յիշատակին. Մ. Ենգիբարեան	67

ՄԱՏԵՆԱԽՕՍԱԿԱՆ

1. Մանկական գրականութիւն:—2. Մատենախօսու-	
թիւն. Գ. Ենգիբարեանի:—3. Կրօնների պատ-	
մութիւն. Եր. վարդ.: Պարոյր	68

ԱՄՍՈՒԱՅ ՏԵՍՈՒԹԻՒՆ

Վեհ. Տ. Տ. Մատթէոս II Կաթողիկոսի հաստատութիւնը:—	
Եւրոպան թիւրքիայում: Նուբիլան:—Դարձեալ ճե-	
մարան:—Լուրեր:—Հաշիւ հանգ. Սարգիս ան. Զալա-	
լեանի կտակաւանդեալ գումարի:	74

ԽՐԲԱԳՐՈՒԹԵԱՆ ՊԱՏԱՍԽԱՆՆԵՐ

ՅԱՅՏԱՐԱՐՈՒԹԻՒՆՆԵՐ

Մամուլի տակ է և շուտով լոյս կը տեսնի

Գ. Գալսեանի Հրատ.

Հ. Բ Օ Կ Լ

ԱՆԳԼԻԱՅԻ

ՔԱՂԱՔԱԿՐԹՈՒԹԵԱՆ

ՊԱՏՄՈՒԹԻՒՆԸ



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՉՈՐՍԵՐՈՐԴ ՏԱՐԻ

1909

№ 3

ՄԱՐՏ

Թ Ի Յ Լ Ի Ս

ԷԼԵՏՐՈՆԱԴ ՏՊԱՐԱՆ ՕՐ. Ն. ԱՂԱՆԵԱՆՈՒ, ՊՕԼԻՑ 7

1909



ԵԼԵԲՏՐ. Ն. ԱՂԱՆԵԱՆԻ

ԼՈՒՍ. Թ. ԹՈՐՈՄԱՆԵԱՆ

ՂՈՅԱՎԱՆՔԻ ԳՄԲԵԹԻ ԱՌԱՍՏԱՂ

ՄԻԱՅՆՈՒԹԵԱՆ ԽՈՀԵՐ

Երկինք, գետինք մթնով բոնած,
Քամին շաչում, շառաչում.
Ու ես մենակ, հոգիս յուզուած,
Սիրսս անյոյս հառաչում...

Ա՜խ, երկնքի բարդ-բարդ ամպեր,
Երնէկ լինիմ ես կայծակ,
Ուժգին թռիչքով չափեմ եթեր,
Դաւժ ու հովիտ ընդարձակ.

Երնէկ պայթեմ ինչպէս ամպրոպ,
Շանթեր տեղամ դէպի ցած.
Մարդիկ սարսած, սրտատրոփ
Նայեն երկինք զայրացած:

Ու ես վերից սամ ամբոխին
Պատգամն անեղ եւ ըմբոս.
«Զարիքն է՝ ձեր բոնած ուղին.
«Ապաշաւա՛նք, կամ կորուս...»

ՅԱՐՈՒԹԻՒՆ ՊԵՏՐՈՍԵԱՆ

Տ. ԳՐԻԳՈՐ Դ. ՏՂԱՅ

55. Պահլաւունեաց տան մեծագոյն փառքն եկեղեցականութիւնն էր եղած, և զարմանք չէ, որ ազգատոհմին ընտրեալագոյն անհատներն կրօնաւորական կամ եկեղեցական կենաց չը նուիրուէին: Վկայասէրէն յետոյ տեսանք նորա երկու քնոորդիները, Բարսեղ կաթողիկոս և Գրիգոր եպիսկոպոս, ասոնց ալ յաջորեցին երկու քնոթողներ Պահլաւունի և Շնորհալի կաթողիկոսներ: Վերջինները չէին դադրեցուցած եկեղեցական ժառանգութիւնը իրենց ազգատոհմին մէջ. և յառաջ քաշած էին իրենց եղբօր՝ Վասիլ զօրավարի որդին: Դժուարին է ճշտել թէ ուստի է սորա Գրիգոր անունը, յաւազանէ թէ ի ձեռնադրութենէ. նոյնպէս դժուարին է որոշել Տղայ մականունին ծագումը, զի տղայ չէր երբ կաթողիկոսական աթոռը բարձրացաւ: Յարմարագոյն էր Տղայ մականունանել Պահլաւունին կամ Քարավէժը, որոնք տղայական հասակի մէջ կաթողիկոսացան: Սոյն Գրիգորին տղայ չլինելը այնչափ յայտնի է, որ ոմանք կարծեցին թէ ամուսնացեալ ևս էր, և թէ Ռուբինեան Մլեհի կինը՝ Իւր դուստրն էր: Բայց հաւանագոյն է որ Գրիգոր վանական եղած է, իսկ Մլեհի կինը կը լինի Գրիգորի քոյրը և Վասիլ զօրավարին աղջիկը: Գրիգորի անունը եպիսկոպոսութեան ատեն կը յիշուի Թէորիանոսի վիճաբանութեան մէջ (Կալանոս. Պատմ. 261) իբրև Հոռոմոց հաւանողներուն ամէնէն եռանդունը: Իսկ Շնորհալիի մահուան ատեն աթոռէն բացակայ կը գտնուի Կիլիկիոյ մէջ, անշուշտ խաղաղարարութեան և այցելութեան պաշտօնով զրկուած, ինչպէս գացած էր Շնորհալին ալ Պահլաւունիին հրամանով: Ըստ կերպարանին վեհ և փառաւոր կը նկարագրուի, նման հօրեղբօրն Պահլաւունի Գրիգորի,

խսկ հոգևոր ուսմանց մէջ յառաջագէտ լինելը կը տեսնուի իւր թղթակցութիւններէն և գործերէն, ինչպէս պիտի պատմենք: Իսկ վարչական հանճարով և գործունեայ եռանդով բնաւ իւր հօրեղբայրներէն ստորին չէր մնար. միայն միութեան գործին մէջ՝ առաջին զգուշաւորութիւնը վերջէն բուռն փափագի փոխարկելով, առիթ տուաւ Արևելեայց հետ վէճի բռնուելու: Այդ մասին իրմէ բուռն գործիչ մը ունէր իւր մօտ, այն է Ներսէս Լամբրոնացին, և գուցէ շատ բանի մէջ այս վերջինին խորհուրդներն էին որ Գրիգոր Տղայն կը բորբոքէին:

56. Միութեան խնդիրը՝ թէնիւթովը կարևոր, և թէ Տղային ընդարձակ մասնակցութեամբ նշանաւոր լինելուն, անտի կը սկըսեմք մեր պատմութիւնը: Գրիգորի ընտրութիւնը դժուարութեան չէր հանդիպած, թէ ազգատոհմովը և թէ ձիրքերովը արժանաւոր էր, և թէ Շնորհալիէն յատկապէս յանձնարարուած էր իբր իւր յաջորդը (Սմբատ 102): Ժողովուրդը և եկեղեցականք համահաճութեամբ խնդրեցին և եպիսկոպոսունք յօժարութեամբ օծեցին և նստուցին իւր հօրեղբայրներուն ե իւր նախնիքներուն աթոռը: Որչափ ալ չուզենք Թէորիանոսի հաւատալ և Գրիգորը ջիւր հոռոմացեալ մը կարծել, բայց պէտք է միշտ ընդունել թէ միութեանական ձգտումը, որ սկսած էր իւր հօրեղբայրներէն մէկին ժամանակ, և հօրեղբայրներէն միւսին ժամանակ աճած էր, ևս քանզևս զօրացաւ Գրիգորի ժամանակը: Այսու հանդերձ նորընտիր կաթողիկոսը իւրովի քայլ մը չըրաւ: Շնորհալին ետ դարձուցեր էր Թէորիանոսը, և խոստացեալ ժողովը չէր հրաւիրած, այլ միայն միտքերը իմանալու համար պատուիրակ մը ղրկած էր Արևելեայց, և մանաւանդ գայթակղած էր ինն գլխոց համար, զորս երբէք չէր կրնար ճանաչել իբր միութեան ծրագիր մը: Գրիգոր Տղայն ալ հաւատարիմ այդ սկզբունքներուն, կը սպասէր մինչև որ նոր ձայն մը ելլէր Յունաց կողմանէ: Մանուէլ կայսր, որ Շնորհալիին մահուանէ ետքը բոլոր յոյսը Տղային վրայ դրած էր, նորա ընտրութենէն գոհ մնաց, և աւելի քաջալերելու համար շնորհաւորական գիր մը գրեց, և դարձեալ նոյն Թէորիանոսը պատգամաւոր նշանակեց, որուն կրնամք ընկեր ենթադրել Ութմանն ալ, թէպէտ անունը յիշուած չէ: Նամակին իմաստն էր, որ սկսեալն ի նախնոյն եւ յերանելի հօրէն, այսինքն է ի Շնորհալոյն, կատարուի եղբորորդոյն ձեռքով: Այդ գիրը մարթ է դնել Շնորհալոյն մահուան յաջորդ տարին (1174):

57. Թէորիանոս ճանալայ ելաւ, այլ Հռոմկայ չկրցաւ հասնել. Յունաց և Սելճուկեանց պատերազմները խափանեցին Փոքր Ասիոյ ուղևորութիւնը. վախցաւ յառաջել, նամակը պարզ սուր-

հանդակով Հոռմկլայ զրկեց, և ինքն Կոստանդնուպօլիս դարձաւ: Գրիգոր խորախորհուրդ մտածեց կացութեան վրայ: Միութեան գործը փափագելի էր, սակայն դժուարութիւնները միևնոյն էին: Ինն գլուխներու ծրագիրը փոխուած չէր, իսկ Ստեփանոս վարդապետ, որ Շնորհալիէն պատգամաւոր զրկուած էր Արևելեայց, դարձած էր և ծանուցած, թէ Արևելեայք սկզբամբ միութենէ չեն խորշեր, այլ ինն գլուխները չեն ընդուներ: Միևնոյն հիման վրայ պատասխանեց Գրիգոր Մանուէլ կայսեր, սորա նամակէն իրր տարի մը ետքը (1175): Միութիւնը, ըսաւ, մեք ալ կուզենք. սակայն ինն գլուխներու հիման վրայ միութիւն գործագրել հնար չէ. Թեմուաջուցանիլ խնդրեմք ի նախակարգեալ զլիտոց: Միանգամայն գիտնալով որ Մանուէլ պատերազմի պատճառով Կոստանդնուպօլսէ ելած է, հրաւիրեց որ անձամբ գայ և ժողովին առնններ լինի: Պահանջեց որ մենակ հաւատոյ դաւանութեան կէտը լինի միութեան հիմը, և այն ալ յարկնման այն հաւատոյ սահմանին, զոր երանելի հայրապետն մեր սուրբն Ներսէս Շնորհալին, իւր միշտ կենդանի խօսքերով անգամ մը գծած էր: Նամակը տանելու համար ալ, փոխանակ իրենցմէ պատգամաւոր մը ընտրելու, նախադասեց յոյն քահանայ մը Կոստանդին անուն, որ նոյն իսկ կաթողիկոսին ուսուցիչն էր եղած, և Հայոց եկեղեցւոյն վարդապետութեանց ծանօթ էր և նպաստաւոր: Այդպիսի անձի մը խօսքը հարկաւ աւելի զօրաւոր պիտի լինէր Մանուէլի առջև, քան թէ որևէ հայ վարդապետի մը խօսքը: Այդ առթիւ կուզէ որ նոյն Կոստանդինը Հերուպօլսոյ Եփրատացւոց (Մէնպիճ) արքեպիսկոպոս ձեռնադրուի Անտիոքայ յոյն պատրիարքին ձեռամբ, որ իւր աթոռին Լատիններէն զրաւուելուն համար Կոստանդնուպօլիս կը մնայր: Կոստանդինի ձեռնադրութեամբ, Գրիգոր թէ իւր ուսուցիչը պատուած պիտի ըլլար, և թէ նպաստաւոր յոյն արքեպիսկոպոս մը զրացի պիտի ունենար:

58. Կոստանդին քահանայ պատահեցաւ Մանուէլի պատերազմի դաշտին վրայ (1175): Մանուէլ ուրախացաւ Հայոց պատաստականութեան վրայ, թէպէտ անոնց տրամադրութիւնը բոլորովին իւր ուզածին պէս չէր: Այլ որովհետև ինքն պատերազմի մէջ էր, Կոստանդինը Կոստանդնուպօլիս զրկեց, սպասել մինչև ինքն դառնայ: Միւս տարւոյն նոր կիրակէին (1176 ապրիլ 11) արևի ամբողջական խաւարում եղաւ, որ չարագուշակ նկատուեցաւ, և հինգ ամիս ետքը (1176 սեպտեմբեր) Մանուէլ չարաչար յաղթուեցաւ Իկոնիոյ Բըլըճ Ասլան սուլտանէն Մելիտինէի պատերազմին մէջ. և պարտաւորուեցաւ հաշտութիւն կնքել ծանր պայմաններով, և միայն Խաչափայտը և Աստուածածնայ պատկերը

կտ առնելով Կոստանդնուպոլիս զարձաւ, ուր կը սպասէր տաւա-
ւին Կոստանդին պատգամաւորը: Այս միջոցին, որ տարիէ մը
աւելի տեւեց, Գրիգոր կաթողիկոս նոր գործ մը չկատարեց միու-
թեան նկատմամբ, որ ըսել է թէ յուսադիր ակնկալութեամբ կը
սպասէր կայսեր պատասխանին: Ճիշտ այս պահին նոր անձ մը
կ'երևի գործին վրայ, հասակաւ տաւաւին երիտասարդ, այլ կա-
րողութեամբ կաթարելոց հաւասար: Սա ինքն է երիտասարդ ե-
պիսկոպոսն Ներսէս, իւր աւագանի անունով Սմբատ, կաթողի-
կոսին Շահան հօրեղբոր թոռը, Լամբրոնի Օշին իշխանին և Շահանի
Շահանդուխտ դստեր որդին: Մօր կողմանէ միայն Պահլաւունեաց
սերունդ էր, այլ եկեղեցական կոչմամբ բուն Պահլաւունեաց նշա-
նաւորներուն հետեող: Սմբատ, 1153-ին ծնած, տասնութեց տա-
րեկան եղած ատեն (1169), իւր հաւեղբոր Շնորհալին ձեռքով
կուսակրօն քահանայ էր ձեռնադրուած, և նորա Ներսէս անունը
առած, Պահլաւունեաց քահանայապետական տան սովորութեան
համեմատ, որ տղայութենէ եկեղեցական աստիճաններու կը բարձ-
րանային, ինչպէս թագազարմեր պատանեկութենէ զինուորական
աստիճաններ կը ստանան: Այդ սովորութեան միակ արդարացումը՝
ձեռնադրեալներուն իրենց սուրբ կոչումը անպատիւ չըրած ըլ-
լալն է: Քահանայութեան օրէն Ներսէս աբեղայ սկսաւ իւր գոր-
ծունէութիւնը Շնորհալոյն ձեռքին ներքեւ, և երբ Գրիգոր Տղայի
կաթողիկոս եղաւ (1173), աւելի ևս ընդարձակուեցաւ իւր գործը,
և քիչ ետքը հազիւ 23 տարեկան (1175) Տարսոնի և Լամբրոնի
արքեպիսկոպոս օծուեցաւ, ի միասին ունենալով Սկիւռայ վան-
քին առաջնորդութիւնը, զոր իւր հայրն էր շինած: Գրիգոր Տղայի
առաջին քայլին, այսինքն է Մանուէլի նամակին պատասխանին
ատեն, արդէն Լամբրոնացին եպիսկոպոս էր, և կաթողիկոսին
խորհրդակիցն ու գործակիցը լինել սկսած էր:

59. Մանուէլ կայսեր Պօլիս դառնալուն պէս սկսաւ միու-
թեան խնդիրով զբաղիլ, իրեն խորհրդակից ունենալով Կոստանդ-
նուպոլսոյ Միքայէլ պատրիարքը, և լսելով Կոստանդին յոյն քա-
հանային վստահեցուցիչ տեղեկութիւնները: Մանուէլի տրամա-
դրութիւնը հակեցան փոքրիշատէ Հայոց կաթողիկոսին ուղղու-
թեան, և թելադրութեամբ Կոստանդին պատգամաւորին ինն
գլուխներէն հօթը, որք բոլորովին ծիսական կամ վարչական էին,
լուծութեան մէջ թողուեցան, և մնացին միայն երկուք, որք կը պա-
րունակէին քաղկեդոնական խնդիրը և ընութեանց դաւանութիւ-
նը: Մանուէլ պատասխանեց կաթողիկոսին իբր տարիուկէս յե-
տոյ (1177 յունուար): Նամակը կը խօսէր միայն ընութեանց խն-
դրոյն վրայ, կընդունէր որ Հայոց միտքը ուղղափառ է (Ընդհ. 174).

այլ կը խնդրէր որ ոչ միայն մտօք, այլ և բանիւք համաձայն լինին երկու եկեղեցիք. հետեւաբար կառավարէր որ կաթողիկոսն և ամենայն եպիսկոպոսունք Հայոց, ժողովով հաւատոյ դաւանութիւնը ստորագրեն, և կաթողիկոսն հանդերձ մեծապատիւ քահանայապետօք Կոստանդնուպոլիս երթայ փութապէս եւ կանխաւ, մի գուցէ ինքն մեռնի և միութիւնը չկատարուի (Ընդհ. 175): Միքայէլ պատրիարք Կոստանդնուպոլսոյ և Կիւրեղ պատրիարք Անտիօքայ և տասնութը մետրոպոլիտք իրենց ստորագրութեամբ երկրորդ թուղթ մըն ալ ուղղեցին կաթողիկոսին, յորում կըսեն թէ ծանաթ զծեր ուղղափառութիւնդ (Ընդհ. 176), այլ միանգամայն կը պնդեն թէ սրկու քնութիւն բացատրութիւնը պէտք է ընդունուի Հայոց կողմանէ: Սոքա ևս կը լսեն ինն գլուխներէն ծիսական և վարչական նկատուածներուն վրայ: Այդ գիրերը յանձնուեցան Կոստանդին յոյն արքեպիսկոպոսին Հերապոլսոյ, որ էր նոյն ինքն պատգամաւոր Կոստանդին քահանայն, և Յունաց կողմանէ նոր պատգամաւոր մը չնշանակուեցաւ, և չենք գիտեր թէ ինչ եղած էին Թէորիանոս և Ութման սովորական պատգամաւորները: Նամակները հասան Հայոց ձեռք նոյն տարւոյն մէջ (1177), և շատ յաջող տպաւորութիւն գործեցին:

60. Յունաց գիշողութիւնը և ծիսական կէտերը մէկդի թողուլը Գրիգոր կաթողիկոսին և Լամբրոնացւոյն կողմանէ այնչափ գնահատուեցան, որ իրենք ալ կարծես պարտաւորութիւն զգացին, փնացեալ առաջարկներուն մէջ Յոյները գոհացնել և ցանկացեալ միութիւնը գլուխ հանել: Առ այս պէտք էր ժողով գումարել. և իրօք ալ նոյն տարին (1177) կաթողիկոսին կողմանէ հրաւիրագիր ուղղուեցաւ ընդհանուր ազգին, որպէս զի ամեն եպիսկոպոսներ և վարդապետներ հաւաքուին ի Հոռովկայ, և երկու եկեղեցիներու միութիւնը կնքեն: Ձեռուընիս չկայ կաթողիկոսին հրաւիրագիրը որ կարող լինինք գայն ուսումնասիրել. բայց կարևոր թղթակցութիւն մը տեղի ունեցած է այդ միջոցին Արևելեայց և Կիլիկեցւոց միջև, որուն հաւաքածոյն շատ լոյս պիտի սփռէր դարուս պատմութեան վրայ, եթէ պահուած և հրատարակուած լինէր: Անցողաբար յիշեմ, թէ Էջմիածնի մատենադարանին մէջ այսպիսի հաւաքածոյի մը հանդիպած եմ, այլ դժբաղդաբար զննելու և ուսումնասիրելու պատեհը ունեցած չեմ: Ընդհանուր կերպով գիտեմք, թէ սոյն միջոցին ընտանի վէճ մը սկսած է յուզուիլ Արևելեայց և Կիլիկեցւոց մէջ, և վէճին նիւթը եղած է միաբանութեան խնդիրը, որուն ինքզինքնին յոյժ պատրաստական կը ցուցնէին Կիլիկեցիք, իրենց պարագլուխ ունենալով Ներսէս Լամբրոնացի Տարսոնի արքեպիսկոպոսը, մինչ խստիւ

կը հակառակէին Արևելեայք, որոց գլուխն էր Գրիգոր Տուտէորդի Սանահնի առաջնորդը:

61. Վէճին դուռ բացաւ Գրիգոր Տղայի հրաւիրագիրը: Կերևի թէ կարի որոշիչ ձևով գրուած էր այն, որ եթէ եպիսկոպոսաց և վարդապետաց մի մասին վրայ կրնար լաւ տպաւորութիւն թողուլ, միւս մասին կարծել տուաւ թէ կաթողիկոսը պատրաստուած է Յոյներուն յարիւ և Յունաց պայմաններուն համաձայնիլ: Հակառակող եղան գլխաւորապէս Սանահնի և Հաղբատի վանքերուն վարդապետները: Այս երկու վանքերը իրարու հանդէպ շինուած էին Ուտէացւոց աշխարհին մէջ Սաւորդաց կամ Սեւաւորդեաց Զորոյգետին վրայ. և այդ պատճառով հակառակորդներ երբեմն Սանահնեցիք և Հաղբատացիք, և երբեմն ալ պարզապէս Զորոյգետացիք կը կոչուին: Զորոյգետացւոց խումբին հետ էին նաև Գուգարաց և Սիւնեաց և Այրարատայ գլխաւոր վանքերուն վարդապետները, որք միահամուռ Հիւսիսային կողմանց վարդապետք (Տղայ 53), կամ Արևելեայ վարդապետք ալ կոչուած են: Այդ խումբին գլխաւոր գրողն էր Գրիգոր Տուտէորդի, այլ իբր պետ կը նկատուէր Բարսեղ Անեցի, եպիսկոպոս Անույ, իւր բարձրագոյն աստիճանին համար: Ասոնցմէ ետքը կուգային Դաւիթ Քոբարեցի, Իգնատիոս Հաղբատացի, Վարդան Հաղբատացի, Մխիթար Խոռակերտցի և ուրիշ վարդապետներ: Այդ խումբին կողմէն զգուշութեան նամակ մը ուղղուեցաւ կաթողիկոսին հեռացնելով զայն Յունաց յարաբերութիւններէն և կասկածաւոր ցուցնելով Յունաց ընթացքը, և յանդիմանելով քաղկեդոնական ուղղութեան սխալները, յորոց արդէն պաշտօնապէս հեռացած էր Հայոց եկեղեցին, և բաւական դարերէ ի վեր դատուած լինելով յունականէն, հարկ չէր այլ ևս անոնց մօտենալ և Բաղկեդոնը և Լևոնի տոմարը և Յունաց պայմանները յանձն առնուլ: Կրկին էին այդ նամակները, մին ընդհանրութեան կողմանէ գրուած և աւելի մեղմ ոճով. իսկ երկրորդը յատկապէս գրուած Տուտէորդույ կողմանէ՝ սատուիկ ու երգիծական ոճով (Տղայ. 52): Այդ երկու նամակներուն ալ պատճէնները չունինք, և Տղային պատասխաններէն քաղելով կիմանանք, թէ Յունաց դաւանութիւնը իբր նետատրականութիւն կը դատապարտուէր, Բաղկեդոնի ժողովը և Լևոնի տոմարը իբր սխալ կը ցուցուէին. ներկայ ժամանակը իբր միութեան անյարմար, և միութեան յոյսն իսկ իբր կեղաւարձ կը յայտնուէր: Նոյն ինքն Հայոց կաթողիկոսական աթոռին կործանումը կը գուշակուէր այդ գործով, և Գրիգոր կաթողիկոս իբրև անուղիղ սկզբունքներէ յորդորեալ կամբաստանուէր իւր միութենական ձգտումներուն մէջ: Կերևի թէ այդ նամակներուն

մէջ տակաւին Լամբրոնացիին դէմ յատուկ զայցոյթ մը չկայ: Ինչ որ յետոյ ճշմարտութեամբ, զի 25 տարեկան եպիսկոպոսը տակաւին կարեւորութիւն չէր ստացած Արեւելեայ առջև:

62. Տղայն կարի յուզուեցաւ այդ նամակներէն, ինչպէս կը տեսնուի իւր պատասխաններէն, զորս ունինք. և որք կծու և երգիծական և նախատական ձեւերով լեցուն են: Եթէ եպերեկի են Տուտէորդին և իւրքն, որք խիստ կերպով կը գրեն կաթողիկոսին, ոչ նուազ մեղադրելի է և կաթողիկոսն, որ իւր վեհափառ բարձրութեան մէջ վրիժառու կերպով և ծաղրածու ոճով գրելու կը զիջանի: Այլ ըստ մեզ, այս գրութեանց մէջ պէտք է տեսնել աւելի՝ հրաքորբոր մանուկ եպիսկոպոսին՝ Լամբրոնացւոյն ոգին ու գրիչը, որ կաթողիկոսին ազգականն ու խորհրդականն էր, գուցէ և գրութեանց քարտուղարը: Գրիգորի նամակներն ալ կրկին են, մինն ընդհանուր առ Հիւսիսային վարդապետս, և միւսն մասնաւոր առ Տուտէորդի վարդապետն: Երկուքին պարունակութիւնն ալ իրարմէ քիչ կը տարբերի. ընդհանուր նամակին սկզբնաւորութիւնը քիչ մը աւելի հանդարտ է, բայց յետոյ այն ալ կը բորբոքի և միւս նամակին կը հաւասարի:

63. Ի բաց թողլով այն կշտամբողական և երգիծական մասերը, որք փաստաբանութեան ոյժ չեն աւելցնէր, քաղեմք միայն գլխաւոր իմաստները: Նախ կը տեսնեմք որ Տղայն՝ Արեւելեայց նամակները հաղորդած է իւր մօտ եկող եպիսկոպոսներուն, և անոնց խորհրդով կը պատասխանէ (Տղայ 53), թէ միութեան գործը ինքն սկսած չէ, այլ իւր հօրեղբայրներէն պատրաստ գտած է, և առ այս վկայ կը կոչէ Վարդան Հաղբատացին (Տղայ 57): Կը յիշէ թէ միութեան սկզբունքը Արեւելեայք ալ ընդունած էին. և Ստեփանոս նուիրակին ձեռք ծանուցած (Տղայ 77): Ասոր վրայ Յոյներ իրենց ինն գլուխները առաջարկեցին, յորոց ութը հատը կը յիշէ հետեւալ կերպով և կարգով. 1. Երկու բնութեան և կամաց և ներգործութեան բացատրութիւն. 2. Քաղկեդոնի ժողովի խնդիր. 3. Խմորուն հաց և ջրախառն բաժակ. 4. Միւռոնի նիւթ. 5. Սուրբ Աստուածի խաչնցարը. 6. Առաջաւորաց պահքը, 7. Կաթողիկոսի հաստատութիւնը կայսրէն առնուլ. 8. Ծնունդը ի միասին տօնել (Տղայ 59): Առաջաւորաց պահքին խնդիրը նոր է այստեղ, իսկ ընդհակառակն չեն յիշուած, Դէոսկորոսի և այլոց նզովքը, և քահանայից և ժողովրդեան եկեղեցւոյ մէջ մնալը պաշտամանց ժամանակ: Թերեւս ցուցակը յետոյ փոխուած է, կամ թէ Թերեւս շտապով այլընդայլոյ յիշուեցան: Տղայն կըսէ, թէ ինքն այդ ամէն պայմանները մերժեց, և վերջապէս յաջողեցաւ խոստովանել տալ Յունաց, թէ Հայոց հաւատքն ու գաւառութիւնը ուղ-

դաժառ է, և բոլոր ծիսական պաշտամունքը ուղիղ են, և այս-
կերպով Յոյնները բոլոր իրենց առաջարկութիւնները ետ առին—
«Զամենայն խնդիրս լուծին և զհայցուածս իրենանց» (Տղայ 58), Կը փնայ-
միայն երկու բնութիւն ըսելու խնդիրը, զոր Արեւելեայք բացար-
ձակապէս իբրև նեոստորական կը հռչակէին (Տղայ 58), Այստեղ
կաթողիկոսը կը սկսի պաշտպանել թէ այս բացառութիւնը կըր-
նայ գործածուիլ ուղիղ միտքով, կը ծաղրէ «երկաթնակ» անունը,
իբր «ընակիլ» արմատէն ծագած ենթադրելով (Տղայ 22), և կը
յանդիմանէ որ իրուր Դէոսկորոսի Աղեքսանդրացւոյն և Տիմոթէո-
սի և Պետրոսի Անտիոքացւոց պաշտպանութիւն կ'ընեն. և Եւտի-
քէսի և Նեստորի վարդապետութեանց վրայ կը վիճեն: Ասոնք
Հայաստանցի չէին, կ'ըսէ, որ ձեզմէ վկայութիւն ուզենք, յոյն
էին և Յունաց ըսածին պէտք է հաւատանք: Հին վարդապետաց,
Աթանասի և Կիւրլի, Բարսղի և Աստուածաբանի և Ոսկեբերանի
և այլոց վկայութիւնները կը յարգէ, զորս Արեւելեայք ալ կը յար-
գեն: Այսու հանգերձ կուզէ որ Լուսաւորչայ, Ներսէսի և Սահակի
հաւատքն ու քարոզութիւնն ընդունուին (Տղայ 59), և օտարաց
վրայ վէճ չլինի մեր մէջ. «ԶՔաղկեդոն ոչ գիտեմ, և ոչ զԼեոն ձա-
նաչեմ, զօրէջն նոցա ոչ գիտեմ, և զատող մեղաց նոցա ոչ լինիմ» (Տղայ
50): Եկեղեցեաց միութեան գաղափարը կը բարձրացնէ, և զա-
նազան ազգաց զատաւոր եկեղեցի կարծուիլը կը մերժէ, զի Քրիս-
տոս մի է, իւր հաւատքն ալ մի, իւր եկեղեցին ալ մի, Հայն ու
Յոյնը, Փրանկն ու Ասորին՝ զատաւոր եկեղեցիներ չեն կըսէ: Այլ
միանգամայն Յունաց եկեղեցւոյն վիճակը իբր բարեկարգ կը
նկարագրէ, իսկ Հայոց եկեղեցին անպտղութեան դատապարտուած
կը կարծէ (Տղայ 87):

64. Արեւելեայց հակառակութիւնը ուշացուց ժողովին հաւա-
քումը. նամակներն ու պատասխանները միևնոյն տարւոյ մէջ
պէտք է գնիլ, որ է Մանուէլի նամակին և ժողովի հրաւիրագի-
րին միւս տարին (1178): Այդ միջոցին եղած գէպերը բոլորովին
կը լռէ միաբանական թղթակցութեանց հաւաքածոյին հեղինակը
(ընդհ. 180), զոր Լամբրոնացին կը կարծեմք մեք ալ շատերուն
հետ: Այդ լուռութեան ալ պատճառ կը կարծեմք միշտ, դժուարու-
թեանց բարձուելով ժողովին գումարման յաջողելը, և միաբանու-
թեան գործին որոշուիլը նոյն ժողովին մէջ, որով վիրաւորիչ և
աւելորդ կը լինէր այլևս նախընթաց վէճերը յիշել, և Արեւելեայց
վրայ մեղադրանքներ բարդել: Կաթողիկոսական նամակները լու-
ազդեցութիւն գործեցին, թէպէտ Արեւելեայց նախանձայոյդ մասը
շուտով չգիշաւ, և Զորոյգետացի վարդապետներ Տուտէորդիի
գլխաւորութեամբ շարունակեցին վտանգ և փնաս տեսնել Յոյնե-

ըրուն մօտենալուն մէջ, այլ թեմակալ եպիսկոպոսներէն ոմանք խաղաղութեան գաղափարը ընդգրկեցին, և խնդացին մանաւանդ լսելով որ Յոյները յետս կեցած են իրենց պահանջութիւններէն և խնդիրը մնացած է դաւանական բացատրութեան մը վրայ: Այդ պատճառով յօժարեցան ժողովի գալ Ստեփանոս կաթողիկոս Աղուանից, Բարսեղ արքեպիսկոպոս Անւոյ, Սահակ արքեպիսկոպոս Երուսաղէմի, Բարսեղ արքեպիսկոպոս Տփղիսու, Ստեփանոս արքեպիսկոպոս Սիւնեաց, և այլ ևս տասն եպիսկոպոսներ Արևելեան նահանգներէն:

65. Ժողովը գումարուեցաւ միւս տարին ի Հոռմկլայ, և բացուեցաւ նոյն իսկ Զատիկն օրը (1179 ապրիլ 1): Ներկայ էին Գրիգոր կաթողիկոս, Գրիգոր արքեպիսկոպոս Անտիոքայ, Ներսէս արքեպիսկոպոս Տարսոնի, Ստեփանոս արքեպիսկոպոս Եդեսիոյ, Յովնանէս արքեպիսկոպոս Կեսարիոյ, և այլևս 13 եպիսկոպոսներ Կիլիկիայէ, իսկ Արևելեայց կողմանէ վերոյիշեալ 15 եպիսկոպոսներ, ընդամէնն 33 ժողովականք: Սովորաբար կ'ենթադրուի թէ այդ ժողովին մէջն է, որ Համբրոնացին, տակաւին 26 տարեկան, այլ իբր Տարսոնի արքեպիսկոպոս ժողովոյ Վեցերորդ աթոռը գրաւած, արտասանած լինի այն ճարտարարուեստ ատենաբանութիւնը, որ ծանօթ է ազգին մէջ: Սակայն ատենաբանութեան մակագիրը յայտնապէս Տարսոնի ժողովը կը յիշէ, և ոչ թէ Հոռմկլայի ժողովը, և Տարսոն ալ այն ատեն դեռ Յունաց ձեռքն էր տակաւին: Դարձեալ նոյն մակագիրին մէջ կը յիշուի Քրիստոսապսակ արքայն Հայոց Լեոն (Տղայ 93), որ այս թուականին (1179) իշխան իսկ չէր, այլ միայն օգնական իւր եղբոր Ռուբէնի. և 20 տարի ետքը ստացաւ արքայական անունն ու պսակը: Ծառին պարունակութեան մէջ ալ ծիսական խնդրոց նկատմամբ յայտնի խօսքեր կան, և Հայոց ծէսերուն պաշտպանութենէն ետքը՝ վասն սիրոյ զիջանելու և Յունաց յարմարելու առաջարկութիւն կը լինի բացորոշակի: Արդ այս պարագայն չյարմարի ինչ Յունաց առաջարկներուն, ինչ Արևելեայց թղթակցութեան, և ինչ ժողովական թղթոյն որ յետոյ գրուեցաւ: Տեսութիւնքս բաւական են ցուցնել թէ այն ատենաբանութիւնը Հոռմկլայու ժողովին համար պատրաստուած չէ. այլ թէ ուր և իբր գրուեցուած է պատմութեան կարգին կը թողունք:

66. Ժողովական գործողութեանց ոչ տեղութիւնը գիտենք, և ոչ մանրամասնութիւնները: Զատկական տօնախմբութեանց աւարտելէն յետոյ սկսան զննութիւնք և վիճաբանութիւնք, որոնց կը մասնակցէին նաև ասորի եպիսկոպոսներ (Ընդհ. 180), և ի հարկէ գործակից էր նաև Կոստանդին յոյն եպիսկոպոսն Հերա-

պոլսոյ, նախ Հայոց և այժմ Յունաց պատգամաւորը: Արեւելիայց ներկայութիւնը, որոց գլուխը կը գտնուէր Բարսեղ Անեցիին, պէտք էր աշխատաւի ընէր բանակցութիւնները, և եթէ վերջի վերջոյ համաձայնեցան, և միեւնոյն ժողովական թղթոյն վրայ ձեռնագրեցին 18 արեւմտեայ և 15 արեւելեայ նշանաւոր եպիսկոպոսներ, իհարկէ չկրցան նոյն ժամայն այդ համաձայնութիւնը կազմել, և ամիսներ անցան մինչև որ գործը այդ կէտին կրցաւ հասնել: Ըստ այսմ կը կարծեմք թէ մինչև նոյն տարւոյ աշունը (1179) երկարաձգուած է Հռոմկլայի ժողովը, որոյ արդիւնքն եղան երկու ժողովական թուղթեր, մին առ Մանուէլ կայսր, և միւսն առ Թէոդորոս պատրիարք Կոստանդնուպոլսոյ, որովհետեւ Միքայէլ վախճանած էր նոյն իսկ իւր նամակին տարին (1177), և միւս տարին (1178) վախճանած էր նորա անմիջական յաջորդն Քարիտոն, և վերջնոյս յաջորդած էր յիշեալ Թէոդորոս, կամ ըստ այլոց Թէոդոս պատրիարք: Երկու նամակներն ալ թուական չեն կրեր, որ կարող լինինք ժողովին տևողութիւնը ճշտել: Ցանկալի էր միանգամայն գիտնալ թէ ինչպէ՞ս կրցան վերջապէս արեւմտեայ և արեւելեայ Հայեր իրարու համաձայնիլ. և թէ ո՞ր գերագոյն պատճառ կրցաւ ազդել երկու կողմերուն վրայ, որ գոնէ Յունաց մօտենալու և եկեղեցեաց միութիւնը կազմելու գաղափարը յաղթանակէ: Նամակները միջասահման հն երկու ծայրայեղ կարծիքներու մէջ. Արեւելեայք կը զիջանին և Յունաց կը մօտենան, Արեւմտեայք կը զիջանին և Յունաց պահանջած բացատրութենէն կը հրաժարին:

67. Հաւատոյ թուղթն առ Մանուէլ կայսր գրուած է Դրիգոր կաթողիկոսի և իրեն հետ եղող ժողովին կողմանէ (Ընդհ. 181): Սկիզբը հաստատուած են Շնորհալիի կանխաւ գրած հաւատոյ գիրերը, և միայն իբր երկրորդեալ յայտարարութիւն կը գրուի ներկայ թուղթը (Ընդհ. 182): Ետեէն կը յիշուին յունական ժողովներ՝ զորս Հայք կ'ընդունին, և են. 1. Նիկիոյ, 2. Կոստանդնուպոլսոյ, 3. Եփեսոսի, 4. Անկիւրիոյ, 5. Կեսարիոյ, 6. Նէոկեսարիոյ, 7. Գանգրայ, 8. Լաւողիկեայ, և 9. Սարգիկեայ. և անուղղակի կերպով մէկդի կը թողուի Քաղկեդոնի ժողովը: Յետոյ կը նշուին հերիսիով տապետները. 1. Արիոս, 2. Մակեդոն, 3. Պօղոս Սամոսացի, 4. Նեստոր, 5. Եւտիքէս, որ զմիութիւն աստուածութեան և մարմնոյ շփոթմամբ դաւանէր, և ոչ յատկութեամբ ի հայեցողութիւն բնութեանցն (Ընդհ. 184): Այս կտորներուն ետեւէն կուգայ հաւատոյ դաւանութիւն մը Ս. Գրոց և Ս. Հարց վկայութիւններով, որ կը ցուցնեն ի Քրիստոս զմիութիւն աստուածութեան և մարդկութեան, անշփոթ և կատարեալ, և ըմբերանն զշփոթողս:

ըստ միատորութեան և զբաժանողս ըստ յատկութեանն (Ընդհ. 189): Այդ բացատրութիւններէն կ'եզրակացուի թէ ոչ ի վերայ միոյ ընունենան ասացան բանքս սրբոց հարցն, այլ ի վերայ երկուց միացելոց (Ընդհ. 189), այլ, անմիջապէս կ'աւելցուի. Ոչ թէ այլ ներգործութիւն էր աստուածութեանն որիշ ի մարմնոյն, և այլ մարմնոյն ուրիշ յաստուածութեանն: Այդ է հաւանոյ թղթոյն յանակագոյն բացատրութիւնը, զոր կը դաւանին պարզապէս ձայնակցելով նրբոց Հարց, որք աւանդեցին սրբոյ եկեղեցւոյ զուղղափառ հաւատոյ դաւանութիւնն (Ընդհ. 190), և կը կնքեն այս խօսքերով. «Ի վերայ այսր վերապատուեմք զնոր աստուածիմաստ ուղղափառ խոստովանութիւնն, զոր ընկալաք ի համադումար մեր ժողովս ընթերցալ՝ սրբոց հարցն ձայնակից գտաք» (Ընդհ. 191): Կայսեր գրուած թղթոյն համեմատ է պատրիարքաց և եպիսկոպոսաց ուղղուած թուղթն ալ. յորում ամէնէն զիջողական բացատրութիւնն է. Արդ խոստովանիմք համաձայն ձեզ ի Քրիստոսի անձառ միութեան երկու ընունեան տեսութիւն (Ընդհ. 196): Մնացեալք սիրոյ և միութեան գովեստներ են, և ի Գրիստոս միութեան բարձրացումն: Այս է Հռոմկլայի ժողովական գրոյն իմաստը:

68. Պատմական գործողութեանց շարունակութիւնը տալէ առաջ, պէտք է նկատի առնուլ այն ժողովական թղթոյն արժէքը: Հռովմէականք կարի վստահութեամբ կը հիմնուին սոյն թղթոյն վրայ, և անով կ'ուզեն հաստատել թէ հայ եկեղեցին հռովմէադաւան կամ կաթոլիկ եղած է, և թէ ինչ որ այդ ժողովէն յառաջ կամ յետոյ ընդունուած է, սխալ է, և այդ ժողովն է միայն ճշմարիտ և օրինաւոր և ուղղափառ և սուրբ: Սակայն նոքա՝ որ այսպէս թեթեւ կերպով բազմաթիւ ժողովներու ոյժը կը կարծեն ոչնչացնել. պիտի չկարենան ի հարկէ այդ մի ժողովը պաշտպանել, որոյ ժողովականաց թիւը 33 է աւելի չէ, մինչ հարիւրով և հազարով կը համարուին ուրիշ ժողովներու անդամները: Երկրորդ պէտք է նկատի առնուլ, թէ Հռովկլայու ժողովը ոչ թէ Հռոմայ, այլ Հռոմոց աթոռին հետ միութեան կապը հաստատել փորձեց, այն միջոցին՝ յորում Լատիններ և Յոյներ միութիւն չունէին. և զիրար իբրեւ հերձուածող և հերետիկոս կը մերժէին, և Յունաց եկեղեցին չէր ընդունէր պապութեան, եւ յորդոյ բղիժման, առանձնական դատաստանին, քաւարանին և այլ դաւանութիւնները, զորս Հռոմայ եկեղեցին անհրաժեշտաբար կը պահանջէր: Ժիշտ այդ միջոցին (1168) Մանուէլի ժամանակ, անգամ մըն ալ Յունաց և Լատինաց միութեան նոր փորձ մը եղած էր, և Յոյներ բացէրաց մերժած էին Լատիններուն դաւանութիւնը, և Հռոմ դարձեալ նորոգած էր Յունաց դէմ նզովքները: Ի՞նչ օգուտ ուրեմն Լատինաց, եթէ Յոյնք և Հայք միութիւն հաստատէին: Եւ ոչ իսկ հնար է

կարծել թէ Հայք Յունաց միջնորդութեամբ Լատինաց կը դիմէին զի ժողովական թուղթը՝ Կոնստանդնուպոլսոյ աթոռը կ'ըմբռնէ յունական կերպով և կը յայտարարէ, թէ նա զնախաձեռնութիւն տնդերաց յաջորդեաց ատուածային ընտրութեամբ (Ընդհ. 194): Հոովմէական պապութիւնը իւր կարծեցեալ իշխանութիւնը աւելի բացայայտ կերպով չբացատրելու իսկ մերայնոց բացատրութիւնը լոկ քաղաքավարական է այստեղ, ինչպէս ուրիշ նմանօրինակ պարագայից մէջ ալ:

69. Վերջապէս ժողովական գիրերը նկատի առնելով կը դիտենք, թէ անոնց մէջ կը պակսին այն ամէն պայմաններ, որք Յունաց հետ կատարեալ միութիւն և դաւանական նոյնութիւն ցուցնելու համար հարկաւոր էին: Կը պակսի Քաղկեդոնի ժողովիս ընդունելութիւնը, կը պակսի Լեոնի տոմարին ուղղադաւանութեան յայտարարութիւնը, կը պակսի Դէսոկորոսի նզովքը, կը պակսի մի ընումին բացատրութեան մերժումը, կը պակսի երկու ընումին ընդունելու յստակ և անպատրուակ բացատրութիւնը: Ասոնց հետ կը պակսին այն ամէն ծիսական և կանոնական կէտերը, զորս Յոյք կանուխ պահանջած էին, և զորս յետոյ ալ կրկին և կրկին պահանջեցին: Եթէ Յունաց դաւանութիւնը իբր ուղղափառ կ'ընդունուի, այդ կը նշանակէ միայն թէ հնար է առնոց նետատրականութիւն ընդունելու երկու ընումին բառը գործածել, ինչպէս իրենց համար ալ կը պնդէին թէ առանց ևտիքական լինելու մի ընումին բացատրութիւնը կը գործածեն, և զայս կանխաւ խորհելու և յայտներ էր Շնորհալին ալ: Եթէ Եւտիքէսը կը նզովեն, այդ նոր չէ, զի Հայք շատ կանուխէն Եւտիքէսը նզոված են, վասն շփոթեալ խառնման ընութեանց, որուն դէմ իրենք անշփոթ միութիւն մը ընդունած են, և Դէսոկորոս Աղեքսանդրացին այդ դրութեան պաշտպան ճանչցած են, իբր յաջորդ Աթանասի և Կիւրղի Աղեքսանդրացոց: Երկու թուղթերուն մէջ ալ բոլոր յառաջ բերուած փաստեր և վկայութիւններ կը դիտեն միայն ի Քրիստոս միութիւնը հաստատելու, որ իրենց ըսածն է, և ոչ թէ ի Քրիստոս երկուքութիւն մը ցուցնել, որ Յունաց ըսածն է: Եւ ուր երկուքութեան ակնարկ կայ, կը դիտուի միայն ներքին երևութականաց կարծիքը, որ մարմինն առերևոյթ ըսելով, միայն աստուածային ընութիւն կ'ընդունէին ի Քրիստոս: Վերջապէս ի Քրիստոսի անձառ միութեան երկու ընումնանց տեսութիւն բացատրութիւնը, որ երկու նամակներուն մէջ ամէնէն զիջողական խօսքն է, պարզապէս երկու ընումին ըսել չէ, ըստ յունական բանաձևին. այլ մի յերկուց կամ միաւորեալ մի ըստ բանաձևին Հայոց:

70. Եւ իրօք ալ ուրիշ կերպով հնար չէր որ վերջնաւոր Հոովմ-

կլայու ժողովը, որ կարծես թէ երկուց կողմանց պայմանաւորեալ բանակցութիւնն էր, քան թէ բուն եկեղեցական ժողով: Արեւելայք 5 մեծ և 10 ուրիշ եպիսկոպոսներ եկած էին, և Կիլիկեցիներէն ալ գրեթէ համաչափ թուով ընդ ամէնն 18 անձինք կը գտնուէին ժողովին մասնակցող, մինչ զժուար չէր Կիլիկեցւոց 40 կամ 50 եպիսկոպոսներով ներկայանալ, եթէ ուղէին բազմութեամբ ձայն ունենալ: Դարձեալ, Արեւելայք հակառակած էին սկիզբէն, և կաթողիկոսն ալ հակառակած էր անոնց, և երկուստեք ծանր թուղթեր գրած էին: Եթէ նոյն ոճով յառաջէին, ծանր էր կացութիւնը, և հարկաւ գտնուեցան երկու կողմէն խոհեմ միջնորդներ, որք կրցան սիրտերը հանդարտել, և փոխանակ թուղթերով մաքառելու, բերանացի տեսութեամբ զիրար հասկնալ: Բարսեղ Անեցիին ներկայութիւնը շատ նշանաւոր է, ինչպէս նաև նշանակութիւն ունի որ Ձորոյգետացի վարդապետներէն ոչ ոք ժողովին եկած է, ոչ Տուտէորդին, ոչ Քոբարեցին, և ոչ իսկ Վարդան Հաղբատեցին: Հռոմկլայու ժողովն ուրեմն, բնաւ նոր կացութիւն մը չստեղծեց, ծիսական և կանոնական առաջարկները բացէքաց մերժեց, Հայոց եկեղեցւոյ դիրքը չայլայլեց, հաւատոյ դաւանութեան մէջ նոր բացատրութիւն չմուծեց, այլ միայն հաճեցաւ ընդունել թէ Յոյնք կրնան նեստորական չնկատուիլ, ինչպէս և պահանջեց որ Հայք ևս իրական չնկատուին: Այդ պայմաններու վրայ կազմուեցան ժողովական թուղթերը, որոց ներքև ի միասին ձեռնագրեցին, նախ երկու կողմերուն մեծ աթոռակալները, աթոռներու աւագութեան կարգով: 1. Կաթողիկոսն, 2. Աղուանից կաթողիկոսը, 3. Անի, 4. Անտիոք, 5. Երուսաղէմ, 6. Տարսոն, 7. Եդեսիա, 8. Տփղիս, 9. Սիւնիք, 10. Կեսարիա, և անոնցմէ ետքը՝ առաջ 10 Արեւելայ եպիսկոպոսներ, և յետոյ 12 Կիլիկեցի եպիսկոպոսներ:

71. Հռոմկլայի ժողովական թղթոյն մի նոր և ընդարձակագոյն օրինակը տեսնուեցաւ վերջերս հրատարակուած (Արարատ. 1893 յունուար), որ թէպէտ հրատարակողէն Գրիգոր Պահլաւունւոյ կը վերագրուի, սակայն Գրիգոր Տղայի լինելը յայտնի է ամէն պարագաներէ, և մանաւանդ ժողովական թուղթին հետ բաղդատութենէ: Այս օրինակն ալ միևնոյն կարգով կը յառաջէ. նախ Մանուէլի գովեստներ, յետոյ Քրիստոսի մարգեղութեան վրայ դաւանական բացատրութիւն, յետոյ ընկալեալ ժողովներու յիշատակութիւն, որք են 1. Նիկիոյ, 2. Անկիւրիոյ, 3. Կեսարիոյ, 4. Նեոկեսարիոյ, 5. Գանգրայ, 6. Անտիոքայ, 7. Լաւողիկեայ, 8. Սարգիկեայ, 9. Կոստանդնուպոլսոյ և 10. Եփեսոսի: Յետոյ նգովեալ հերիսիովտապետներ, որք են, 1. Ընդհանուր կերպով ամէնքը, 2. Արիոս, 3. Մակեդոն, 4. Պօղոս Սամոստացի, 5. Փլաքիա-

նոս, 6. Ապողինար, 7. Նեստոր, 8. Թէոդորոս, Դիոդորոս, Իբաս, Ափսկիրոս և Բարծուհմա, 9. Վաղմնաթանոս, 10. Յւտիքէս Կիլիկեցի: Ասանցմէ ետքը կայ ընդարձակ քաղուած վկայութեանց Ս. Հարց, որք կը դիտեն անշփոթ միութիւնը հաստատել: Ի վերջոյ կուգան Քաղկեդոնի ժողովոյն վրայ նայուած մը, որուն համար կըսեն, թ' մերոց ոմանց չունիմք ասո ինչ դնել բանս, ոչ բարի և ոչ չար, այլ ի լրոյ և ի գիրոցն Յունաց՝ Քաղկեդոնի դէմ գրուցուածնիւր քաղելով կը յաւելուն, որ Թէ յայէս իցէ, ասեմք Թէ ոչ իբրեւ զթմաստունս խորհեցան: Այդ խօսքը, և վերև Փլաբիանոսը ընդ հերետիկոսս նդովելը, բաւական են ցուցնել այդ գրութեան ալ հակաքաղկեդոնական ուղղութիւնը: Մարթ է կարծել, թէ ժողովական թղթոյն այդ ընդարձակագիտն ձևը պատրաստուած էր Արմենիայց կողմանէ, և թէ յետոյ տակաւիկ ևս մեղմուելով վերջնական և պաշտօնական ձևը առաւ, ինչպէս որ տեսանք: Այդ խորհրդածութիւնն ու բաղդատութիւնն ալ կը հաւաստեն թէ Հռոմկլայոս ժողովը ոչ իւրք այլայլեց Հայոց եկեղեցւոյն իսկական և ծանօթ դիրքը, այլ առանց քաղկեդոնիկ լինելու հաճեցաւ քաղկեդոնիկները արգարացնել: Այդ ալ համաձայն է այն ներողամիտ սկզբանց, որք մեր եկեղեցւոյն նկարագիրը կը կազմեն:

72. Սակայն այդչափն ալ գործադրութիւն չունեցաւ, և ամարդիւն մի գործ մնաց: Հռոմկլայի ժողովը իւր եկեղեցւոյն համար հաւատոյ վճիռ արձակել չէր դիտեր, այլ լոկ երկու ազգերու և երկու եկեղեցիներու միութեան և հաշտութեան համար ծրագիր մը պատրաստել, որ այն ատեն միայն ոյժ պիտի ունենայր, երբ Յոյներ ալ նոյն ծրագիրը ընդունէին, և յետոյ երկու կողմեր մէկտեղ հաւաքուելով կամ համաձայնելով նոյն գիրը ստորագրէին: Աներկբայ էր, որ Յոյնք լոկ սիրտերը շահելու և ժամանակ վաստկելու համար զիջողութեամբ ձևեր յայտնած էին լռութեամբ միայն, և ի դէպ պահու նորէն իրենց նախկին պահանջները պիտի նորոգէին, կամ թէ լաւ ևս, փոխանակ համագումար զիջողութիւններ պահանջելու, զայնս միառմի կորզել պիտի ջանային: Սակայն գործը այնտեղ ալ չհասաւ: Գրիգոր կաթողիկոս մեծայոյս էր, թէ իւր ժողովական գիրը ընդունելութիւն պիտի գտնէր Մանուէլէ և Յոյներէն, ուստի ժողովական թուղթը ստիպմամբ փութաց յղել Կոստանդնուպոլիս յառուկ սուրհանդակով, որ չեմք գիտեր թէ եպիսկոպոս մըն էր կամ թէ լոկ պալատական իշխանաւոր մը: Սուրհանդակին մեկնելը մարթ է դնել ժողովոյն յաջորդող ձմեռուան: Սուրհանդակը մինչև Կեսարիա հասաւ, այլ անկէ անդին չկրցաւ երթալ վասն խռովութեան ծանապարհի (Ընդհ. 200), և բաւական սպասելէ յետոյ պարտաւոր

բուեցաւ. Հոռովկայ դառնալ, և մինչ կաթողիկոսը կը ջանար ուրիշ կերպով և ուրիշ ճանապով և ապահով եղանակաւ ժողովական թուղթը Կոստանդնուպոլիս հասցնել, և ահա լուր եկաւ թէ Մանուէլ կայսր վախճանած է (1180 սեպտեմբեր 27), և թէ անոր յաջորդած է Ալեքսիս որդին. տակաւին 12 տարեկան մանուկ մը. Մանուէլի վրայ մեծ գովեստներ կը գրէ միութեան նամականիին ծանօթութեանց հեղինակը, և այդ գովեստներուն ամէնուն կողմանէ ընդունուած լինելուն նշանն է Մանուէլի անունին յայսմաւորքի մէջ ալ անցնելը (յունիս 22):

73. Միութեան գործին շարունակութիւնը ընդհատուեցաւ Մանուէլի մահովը, որ Յունաց կողմէն ամենայն ուժգնութեամբ այդ փափագը կը մղէր: Ծանօթութեանց հեղինակը երեք տարի ետքը (1183) գրելով կըսէ. թէ Մանուէլի որդւոյն մանկութեան պատճառով խռովութիւնք սկսան և օրըստօրէ կ'աճեն, և թէ վերջանալուն իսկ յոյս չկայ: Իրօք ալ նոյն տարին Ալեքսիս տակաւին 15 տարեկան սպանուեցաւ, և սպանողն Անդրոնիկոս կայսր հռչակուեցաւ, սակայն ինքն ալ երկու տարի ետքը (1185) Իսահակ Անգեղոսէ գահընկէց եղաւ և ժողովրդական վրէժխնդրութեամբ սպանուեցաւ: Այդ միջոցին անհնար էր որեւէ միութեան խնդիր յուզել Կոստանդնուպոլսոյ արքունեաց հետ. այսու հանդերձ Գրիգոր կաթողիկոս և Լամբրոնացին չէին դադրել նոյն խորհուրդը մշակել, և միութիւնը յաջողեցնելու համար նոր միջոցներ որոնել: Միութեան խնդրոյն մէջ հրկուքին ալ նպատակն էր Հայերը հանել իրենց կողիացեալ զիրքէն, և քրիստոնէութեան մեծ ճիւղերուն հետ կապակցութեան մէջ դնել: Մէկ կողմէն յունական կայսրութիւնը և միւս կողմէն Խաչակրաց զօրութիւնը իրենց աչքին մեծ կերակային, և ընդհակառակն Հայերը իրենց սակաւութեան մէջ՝ անգօր և տկար, այլև իրանց խրթնացեալ կացութեան մէջ՝ անկարգ և անբարեկարգ, մինչ միւս քրիստոնէից վիճակը նախանձելի և կանոնաւոր կը տեսնէին: Այդ բոլուն փափագը, զոր ունէին Գրիգոր և Ներսէս, զիրենք կը բորբոքէր և երբ գործը Յունաց կողմէն անյոյս զիրք մը առաւ, իրենց եռանդը, փոխանակ մարելու և ջնջուելու, ուղղութիւն փոխեց և նոյնչափ և աւելի ուժգնութեամբ սկսաւ միութեան նոր տեղ մը որոնել, և հետամուտ եղաւ Լաթինաց հետ համաձայնելու, որ գործոյն երկրորդ և աւելի վտանգաւոր կերպարանն եղաւ, և որ ստուգիւ յապագային ևսքանգևս աճեցաւ և զօրացաւ:

74. Այդ փոփոխութեան պատճառներէն մին ալ քաղաքական պայմանն էր: Տարսոն Յունաց ձեռքն էր երբ Տարսոնի հրաբորքը արքեպիսկոպոսը Յունաց հետ միութեան հետամուտ էր, և

Հոռմկլայի ժողովը կը գումարուէր: Անկէ երկու տարի ետքը (1182), Ռուբէն իշխան Տարսոնը Յոյներէն առաւ, և կարծես թէ այդ ծանր եկաւ Լամբրոնացիներուն, և այդ պատճառով Հեթում իշխան, Ներսէս եպիսկոպոսին եղբայրը, գժտեցաւ Ռուբէնի հետ: Ռուբէն պատերազմի ելաւ, Լամբրոնը պաշարեց, և Լամբրոնացիք Անտիոքի լատին իշխանին օգնութեան դիմեցին, որ նենգութեամբ Ռուբէնը ձերբակալեց (1183): Լեոն, Ռուբէնի եղբայրը, զօրքերուն գլուխն անցաւ, Լամբրոնի իշխանը հաշտութիւն խնդրելու ստիպեց, եղբայրը գերութենէ ազատեց և իւր իշխանութեան մէջ վերահաստատեց: Հոռմկլայի կաթողիկոսը և Սսոյ և Լամբրոնի և Անտիոքի իշխանները այդ առթիւ խաղաղութիւն ըրին իրարու մէջ, և յարաբերութիւնք սկսան մտերմանալ և բարեկամութեան հաստատութիւնը՝ իւր ընդարձակութիւնը գտաւ միութեան գաղափարին մէջ: Այդ նպատակով վերոյիշեալ դիպուածոց յաջորդ տարին (1184), Գրիգոր կաթողիկոսի և Լուկիոս Գ. պապին մէջ թղթակցութիւնք սկսան: Տարի մը ևս յետոյ (1185) Ռուբինեան բոլորովին տկարանալով իշխանութենէ հրաժարեցաւ. և թողուց զայն իւր Լեոն եղբօր, որ արտաքին յարաբերութեանց գաղափարին ջերմ կուսակից էր, և որ այդ ճամպով թագաւորական անուն և պսակ ալ ստանալու հասաւ: Գրիգորի առ Լուկիոս գրած նամակին պատճէնը չունիմք, և եթէ միտ դնենք Վարդան պատմիչին, Գրիգոր կը խնդրէր պապէն, որ Յունաց կողմանէ յարուցուած հալածանաց զաղարման համար միջնորդէ, զի Իսահակ Անգեղոս ոչ թէ Մանուէլի նման բանակցութեամբ միութիւն կուզէր հաստատել, այլ իւր իշխանութեան մէջ եղող Հայերը բռնի յունականութեան կը ստիպէր, և 3 եպիսկոպոս և 1600 քահանայ ի մի հաւաքելով նեղութեամբ կը բռնադատէր (Վարդ. 134): Նամակին տանողն էր Գրիգոր հայ եպիսկոպոս Փիլիպպոսի (Փիլիպէ), թերևս յաջորդն Յովհաննէս Ութմանի, զի նա ալ Փիլիպպոսի լատին առաջնորդ էր (Ընդհ. 144), իսկ նամակի ներկայացումը տեղի ունեցաւ ի վերոնա:

75. Լուկիոսի առ Գրիգոր պատասխանին նկատմամբ Լամբրոնացին և Վարդան տարբեր ծանօթութիւններ կուտան: Լամբրոնացին է՝ որ նամակը (1184 ղեկտեմբեր 3) լատիններէնէ թարգմանեց, և այդ թարգմանութենէն կը տեսնեմք, թէ Լուկիոս նախ կը բարձրացնէ Հոռմայ աթոռոյն իշխանութիւնը, յետոյ կը ակսի ծիսական փոփոխութիւններ պահանջել Հայերէն, որք են 1. Բաժակին ջուր խառնել. 2. Ծնունդը զատաբար տօնել ի 25 ղեկտեմբերի, 3. Միւռոնը իւրաքանչիւր տարի աւագ հինգշաբթի օրը օրհնել. 4. Եպիսկոպոսաց ձեռնադրութիւնը կիրակի, իսկ քա-

հանայից, և սարկաւազաց և դպրաց ձեռնադրութիւնները տարին չորս անգամ չորս եղանակներու պահքերուն շաբաթ օրերը կատարել: Այդ նամակին հետ ընծաներ ալ կային. եսիփորոն մը լատինական որ է պալլիոս, և խօյր մը եպիսկոպոսական արածայր, և զիրք կարգաց եկեղեցւոյ որ է ծխարան, զոր թարգմանեց ինքն կամբրոնացին հրամանաւ կաթողիկոսին (Չամչ. Գ. 144): Իսկ Վարդան կըսէ թէ պապը նախ Գրիգոր եպիսկոպոսը պատուեց և զգեցոյց նմա զիւր քահանայապետական զգեստն, որ է եպիսկոպոսական զգեստ, ապա ժողովի գումարեց «զկայսրն Ալամանաց, և զթագաւորն Անկլիզաց և զթագաւորն Փրանցիսայ, և զպատրիարքն Ալամանաց, և զարհիւսկոպոս Սպանիոյ, և զարքեպիսկոպոսն Ս. Յակոբայ, և զմեծ արքեպիսկոպոսն Միլանայ, և զպատրիարքն Երուսաղէմի... և ի խորհուրդ մտեալ նոքօք զրեաց գիր հրամանաւ սուրբ առաքելոց ի նոցա երեսաց, եթէ Հայոց պատրիարքն յանկոյս ծովու իշխանութիւն կալցի ի վերայ Հայոց և Յունաց և ամենայն ազգաց, որպէս մեք յայսմ կողմանէ երկնաւոր և երկրաւոր քանակօք»: Իսկ զրկուած ընծաներն ըստ Վարդանայ են, վակաս, պսակ, կօշիկ և մատանի, որ պիտի լինէին ի նշան իշխանութեան յաւիտեանս յաւիտենից (Վարդ. 134): Վարդանայ այդ տողերը կը յիշեցնեն Դաշանց թղթոյն ոճը. և անկէ աւելի հաւատալի չեն. իսկ մեզ մտածել կուտան, թէ ի՞նչ տեսակ ակնակալութիւններ սկսեր էին տածել մերայինք Լատինաց վրայ, և ինչչափ մեծ էր խաչակրաց ըրած ազդեցութիւնը արեւելքին վրայ:

76. Այսու հանդերձ Լատինք ալ Հայերը կը շողոքորթէին անոնց նիզակակցութիւնը ապահովելու համար: Սալահետտին սկսեր էր զօրանալ այն միջոցին. քիչ ետքը Երուսաղէմը զրաւեց (1187), և Կղեմէս Գ. պապ նոր խաչակրութիւն մը հրատարակեց և միանգամայն զրեց առ Գրիգոր կաթողիկոս (1189 մայիս 29), որպէս զի Հայեր խաչակրաց օգնեն և իրենք ալ զինուին սուրբ տեղեաց ազատութեան համար: Նոյն ոճով զրեց Կղեմէս նաև Լեոն իշխանի, որ անմիջապէս սկսաւ պատրաստութիւններ կատարել: Երբ Փրետերիկոս կայսր մօտեցաւ, Լեոն իրեն մօտ հաւաքեց կաթողիկոսը, Լամբրոնացին, և գլխաւոր վարդապետները և իշխանները, և մինչ տակաւին կայսրը Կեսարիա էր, պաշարներ զրկեց անոր, և Փրետերիկոս շատ ուրախացաւ, վասն զի շատ նեղուած էր սովէն և Յունաց և Այլազգեաց տուած ձանձրութիւններէն: Խոստացաւ որ փոխարէն՝ Լեոնի թագաւորութիւն շնորհէ. և այդ ուրախութեամբ կրկնապատկեցին Հայերն իրենց անձնուէր ծառայութիւնները: Լեոն իշխան, Գրիգոր կաթողիկոս, Ներսէս Լամբրոնացին, Յովհաննէս եպիսկոպոս Սսոյ, Գէորգ Սկեւ-

ռացի և այլք Տարսնէ ելան, որ երթան և կայսրը դիմաւորեն, այլ նա դժբաղդաբար Կիւղնոսի մէջ խեղդուեցաւ, և դիմաւորողներ տխրութեամբ Տարսն վերադարձան: Սակայն չգաղընցան օգնել Լատինաց որչափ կրնային, և միանգամայն մտերմութիւնը շատցնել: Յուսացին որ Կոնրատոս, կայսեր որդին, հօրը խոստումը կատարէ և Լեոնի արքունական թագ շնորհէ, մինչև իսկ Լամբրոնացին թագադրութեան կարգը լատիններէն հայերէնի թարգմանեց, սակայն կայսրորդին ալ մեռաւ, Գերմանացիք ցըրուեցան, և Հայոց սրտին մէջ ծագած փափագը անկատար մնաց: Այլ Լեոն չյուսահատեցաւ, և շարունակեց Լատինաց հետ լաւ յարաբերութիւն պահել ապագայ շնորհաց ակնկալութեամբ:

77. Այդ ամէն յարաբերութիւնը Հայոց ընդ Լատինաց, շատ վատ տպաւորութիւններ ազդած էին Արևելեայց վրայ: Ասոնք, Հռոմկլայի ժողովին առաջուց հակառակելէն ետքը, հազիւ ուրեմն հաւանած էին կէսառկէս ձեռով գործին մէջէն ելնել. իսկ երբ Հռոմկլայի որոշումը ապարդիւն մնաց, Արևելեայք ուրախութեամբ իբր յաջողութիւն մը նկատած էին զայն, և անհա, հազիւ մէկ հարուածէն ազատած, չէին կրնար լաւ աչքով նկատել երկրորդը: Լատինաց հետ մերձաւորութիւնը, աւելի մեծ տխրութեամբ կը դիտէին, զի գիտէին թէ աւելի ևս հեռու են անոնք Հայոց ուղղութենէն, և աւելի յառաջացած են իրենց բռնադատիչ պահանջմանց մէջ: Գրիգոր Տուտէորդին և Դաւիթ Բոքարեցին, Ձորոյգետացի վանականներուն առաջնորդները, և իրենց հետ նաև Բարսեղ Անեցի, որ լաւ տպաւորութիւններով զարձած չէր Հռոմկլայէ, սկսան ձայն բարձրացնել եղելութեանց դէմ, և իրենց հակառակութեանց մեծ առարկաներէն մին ալ եղած էր Լամբրոնացին Ներսէս, զի գիտէին թէ գլխաւորապէս նորա թելադրութեամբ կը գործէր կաթողիկոսը: Ոմանք այդ միջոցին կը դնեն Տուտէորդւոյն և Արևելեայց նամակներուն գրութիւնը և կաթողիկոսին պատասխանները, զորս վերև քաղեցինք: Որչափ ալ ինչ ինչ պաշտպաններ, զորօրինակ Լատինաց խօսքը, հռովմէական խնդիրները, և այլն, հաւանական ցուցնեն այն նամակներուն այս միջոցին գրուած լինելը, սակայն ըստ մեզ աւելի որոշիչ է նկատել, թէ կաթողիկոսն այս նամակներուն մէջ չյիշեր Հռոմկլայի ժողովը և այնտեղ կազմուած համաձայնութիւնը, զոր չէր լռէր, եթէ ժողովէն յետոյ գրած լինէր այն նամակները: Մանաւանդ թէ նոյն նամակին մէջ ժողովը իբր գումարուելիք կենթադրէ, և միայն Արևելեայները ժողովի հրաւիրած լինելը կը յիշէ. և ոչ աւելի (Տղայ 76): Այս պարագայն ըստ մեզ որոշիչ պէտք է նկատուի

նոյն նամակներուն թուականը ճշտելու այն կերպով, որ մեր ար նշանակեցինք:

78. Գրիգոր Տղայ կաթողիկոսի վերջին տարիները ուրիշ նկատողութեան արժանի դիպուած չեն ներկայել: Իւր մահը տեղի ունեցաւ խաղաղութեամբ 20 տարի կաթողիկոսութենէ ետքը, Հռոմկլայի կաթողիկոսարանին մէջ (1193 Մայիս 18), ուր ինքն նոր և փառաւոր կաթողիկէ եկեղեցի մըն ալ շինած էր, կամ ըստ այլոց Իրազարկի վանքին մէջ: Իւր կեանքին բոլոր գործունէութիւնը սպառեցաւ միութեան խնդրով, զոր պատրաստ գտաւ աթոռ ելած միջոցին, և շփոթ վիճակի մէջ թողուց գերեզման իջած ժամանակ: Նախ եօթը տարի (1173—1180) ամենայն եռանդեամբ շարունակեց Յունաց հետ բանակցութիւնները, մինչև որ Մանուէլ մեծաւ, Յոյնք շփոթութեան մատնուեցան. և Հայերը բռնութեամբ իրենց կողմը ձգելու աշխատել սկսան: Անկէ ետքը սկսան փոփոխուիլ Գրիգորի միութենական ձգտումները, մինչև որ վերջապէս Լատինաց հետ բանակցութեան նմտաւ, և ինը տարի ալ (1184—1193) այդ բանակցութիւնները շարունակուեցան առանց վերջնական ձև մը առնելու: Գրիգոր Տղայէ ժառանգութիւն մնաց Լատինաց հետ միութեան գաղափարը, թէպէտ հնարաւոր բան մը չէր, մանաւանդ թէ անհնար էր որ Լատինաց կողմէն միութիւն կատարուէր, առանց Հայերը բոլորովին իրենց նմանցնելու, պայման մը՝ որ Հայոց եկեղեցւոյ կործանում ըսել էր: Գրիգոր Տղայի անձնաւորութեան վրայ արդէն գաղափարնիս յայտնած ենք. չենք կրնար համակերպիլ նորա բռնոն միութենական ձգտմանց, և ոչ ալ կրնանք իւր նամակներուն ոճին զովաբանն ըլլալ. այսու հանդերձ չեմք կարող ուրանալ իւր անձնական արժանիքը, զորս աւելի փայլեցուցած պիտի լինէր, եթէ իւր հօրեղբայրներուն, Պահլաւունւոյն և Շնորհալւոյն, խոհական չափաւորութենէն երբէք չհեռանար, թէպէտ և, ինչպէս բացատրեցինք, Հայաստանհայց եկեղեցւոյ ուղղափառութիւնն խախտած կամ յունական կամ հռոմէական եկեղեցիներու դաւանութեանց ընդունող եղած չէ:

Մ. Ա. Օ.



Ա Ս Տ Ո Ւ Ա Ծ

Ես ապրում էի... կեանքի երազը
 Այրող իմ սրտում սլանում էի
 Հեռու և հեռու... Ես դիտում էի...
 Եւ գրկում էի ողջ տիեզերքը
 Անկզբ, անծայր... և ժպտում էի.
 Մարդկային մտքի տենչերը բոլոր
 — Դարերով ապրած, դարեր ամբարուած
 Եռում էր իմ մէջ... իսկ ես մի հզօր,
 Անսահման հզօր և կարող Աստուած
 Շօշափում էի այրող կարիքի
 — Անսկիզբ կեանքի յոյզերը բոլոր.
 Եւ ողջը, ողջը ինձ ստիպում էր
 Միայն ստեղծել... և ստեղծեցի:

Բայց անցան դարեր... Օ՜ ես սարսեցի
 Արարածների, արնոտ սրտերի,
 Այլանդակ կրքի, նհնգ ոգիների,
 Եւ անէծքների դաժան պատկերից...

Ուզեցի նորից

Մի չնչին խօսքով ողջը խորտակել,
 Եւ նորից... նորից, մի նոր սկզբից
 Մի հիանալի սուրբ կեանք ստեղծել,
 Ուր և չլինէր— ոչ անէծք, ոչ փառք,
 Ոչ ծառայ, ոչ տէր, ոչ վիշտ, ոչ զրկանք,
 Ոչ երանութիւն, ոչ բաղդ, ոչ դժբաղդ,
 Մի խօսքով անբիծ, անարատ մի կեանք,
 Ողջը միմիայն— յոյս, հաւատ և սէր...

Բայց յանկարծ սարսեց դժոխքը ահեղ,
 Խաւարը եռաց, փրփրաց ուժգին,
 Եւ չարն ու բարին, ողջը միատեղ
 Կանգնեցին իսկոյն աչքիս առաջին:

Եւ ստուերախիտ դարաւոր կաղնին,
Որ հով է սփռում անհուն երջանիկ
Բնութեան գրկում լուռ երազողին:
Սուրբ է և կանաչ և արօտ և դաշտ:
Ուր հազարերանգ ծաղիկներ կան շատ.
Ուր թռչունների անհոգ ծլւլոց,
Արարածների բառաչ ու մայուն,
Մեղմիկ զեփիւղի անուշ պլսլոց
Ուր կեանքն է եռում յոյսերով անհուն:

Սուրբ է և մարդը յոյգերով արբած.
Երբ ոյժ է մղում փաւարի ընդդէմ,
Երբ յոյսը իրեն վրայ անկասկած
Դժոխքի գրկում—տենչում է Եդեմ.
Երբ լոկ իր սրտում, իր հոգու խորքում
Պտրում է և կեանք և սէր և աշխարհ,
Եւ բիւր տենչերին մի դրախտ անծայր:

Մինչ սուրբ է մրրիկ, և կայծ և որոտ,
Որ խափանում է կրկիւղը կարօտ.
Սուրբ է և կռուի այն ոյժը հզօր,
Որ խորտակում է—դաժան և անզօր
Արարածներին,—որոնք անիմաստ
Զուր տեղ են բռնում—ընտրած շարքերում,
Որոնք դարերով—ազատ ու պատրաստ
Կեանք են վայելում, կեանքն ապականում:

Օ՜ վերջապէս, սուրբ է բոլորը,
Ինչ որ շնչում է, ապրում է մի օր,
Ախ այն բոլորը, անվերջ բոլորը,
Որոնք ապրելու տենչ ունին հզօր...
Թող նորից եռայ տարերքն աշխարհի,
Եւ նորից ապրի: Ինչ կայ—թող մնայ...
Եւ. թող բոլորը—քնքոյշ ու վայրի
Երազեն անվերջ—յոյս ու ապագայ:

—Եւ ես ասացի. այո՛, թող մնայ,
Եւ ողջը աճի, ազատ բազմանայ:

ՔՕՍԱ-ԴԱՂ ԼԵՐԱՆ ՎԿԱՆ

(Թորքահայ գաղթականների կեանքից)

I

Արշալոյսը բացւում էր: Վաղորդեան աղջամուղջը աննշմարելի կերպով ասես հալւում, անհետանում էր, իր թևերի տակից մէկ-մէկ երևցնելով Տըրխ գիւղի սար ու ձորը, դաշտ ու արտորայքը, քար ու թուփը, որոնք հետզհետէ երևան էին գալիս և իրանց քնաթաթախ դէմքով ցցւում առաջիդ ու, կարծես, մինչև գետին խոնարհելով՝ բարի առաւօտ մաղթում. ապա, ուղղուելով, երկարացնում իրանց հասակը ու քո հրամանիդ սպասում:

Կեանքը արագ-արագ սփռւում էր ամեն տեղ. գիշերային խաւարի չար ոգին հալածւում, փախչում, անհետանում էր և ամեն ինչ արթնանում, ոտքի էր կանգնում և իր սովորական դերի մէջ մտնում. այլ ևս չը կային խաւարային շրջիկ, նենգամիտ ոգիներ. ամեն տեղ չքանում էին նրանց նոյնքան նենգամիտ, ծուռ ու մուռ շարժումները, նրանց ահ ու սարսափ տարածող ուրուականը: Դեռ մի երկու ժամ առաջ քեզանից ոչ հեռու կանգնած ուռենին, որը քեզ վրայահ ու դող էր սփռում, հանդարտ շալով, շարժում էր իր տերևները և քթի տակին ծիծաղում քո երկչոտութեան, թուլասրտութեան վրայ: Եւ այսպէս, սատանայ, դե, գայլ ու արջ թուացող իրերը մէկ-մէկ դուրս էին պրծնում խաւարի գրկից և մանր ու բարակ շարժումներով իրանց աչքերը տրորում: Դեռ արեւը չէր դուրս եկել տօնելու իր յաղթանակը. դեռ գիշերային աղջամուղջը տենդային կռիւ էր մղում նրա հետ և ջանքեր գործ դնում՝ նրա ճանապարհը կտրելու. սակայն միայն խիտ մացառներում և ձորերի խուլ խոռոչներում էր փոքր ինչ աչքի ընկնում նրա սրտամաշ գոյութիւնը:

Հազարաւոր կենդանիներ՝ ասես բնագոյմամբ զգալով երկրի-
թափուհու այդ յաղթութիւնը, սկսեցին իրանց ձայներով ողջու-
նել նրան իր տարած յաղթանակը և պատրաստուեցին գործի-
կաչելու: Միայն Տըրխցի գեղջուկն էր, որ դեռ չէր համարձակ-
ուում իր դռան ճռուցով մասնակցել բնութեան այդ համերգին.
առօրեայ ահաբեկող երկիւղը վաղուց մեռցրել, գերեզման էր տա-
րել նրա մէջ վստահութեան, համարձակութեան զգացմունքը:
Բայց և այնպէս նա էլ էր զարթնել և դեռ իր ազբատիկ անկող-
նում պարկած՝ զրոյց անում իր թշուառ ամուսնու հետ և այդ
օրուայ անելիքի մասին խորհրդածում: Վերջապէս, նա էլ սկսեց
հագնուել և, կժից մի աման ջուր վերցնելով, դուրս եկաւ դուռը,
երեսը լուաց, իր հնամաշ չուսի փէշով սրբեց ու, դէպի աղօթա-
րան դառնալով, խաչակնքեց երեսը և իր ամենօրեայ աղօթքը
մըմնջաց: Նա էլ կամաց-կամաց դաշտը դուրս եկաւ իր հզ ու
գոմշուկով դաշտը հերկելու:

Արեւը դուրս եկաւ: Ամեն ինչ գործի կաւաւ: Տըրխ գիւղը ամ-
բողջապէս ծածկուեց ծուխերի քսւլաններով. հայ գեղջուհին թոն-
րի կողքին նստած՝ զոգնոցի շարժումներով սկսեց աւելի ևս բոր-
բոքել աթարի կրակը: Կեանքը ոտքի էր կանգնել ամեն տեղ.
միայն մի տան երգիկից ոչ ծուխ էր բարձրանում և ոչ դուռը
բացուում: Դռան փարթամ կերտուածքից և բազի մեծութիւնից
երևում էր, որ այդ տունը ունեցել է իր փառաւոր անցեալը և
գիւղի աչքի ընկնող տներից մէկն է եղել երբեմն: Սակայն ինչ-
ինչ փոթորիկների և անողոր ճակատագրի հարուածից, ըստ ե-
րևոյթին, այդ շէնքը զրկուել է իր մի ժամանակ պանծալի դրու-
թիւնից: Նրա տէրը այժմ մի պառաւ էր մնացել իր մատաղահաս
աղջիկ թոռան հետ, որոնք օրուայ այդ պահուն դեռ նոր էին
ոտքի կանգնում. նրանց հանգիստը խանդարել էին այդ գիշերը
նրանց բարեկամ այցելուները: Խրճիթի վերի մասում երկու հնա-
մաշ անկողնի մէջ իրարից ոչ հեռու դեռ պարկած էին երկու
հոգի և, ինչպէս երևում էր, կենդանութեան ոչ մի նշոյլ ցոյց չէին
տալիս. երկուսն էլ դեռ նոր էին մտել կեանքի դեռափթիթ այն
շրջանը, որը խոստանում էր ամեն բան:

Ուշ գիշերին նրանց բերին այդտեղ իրանց խորհրդաւոր ըն-
կերները և անյայտացան իսկոյն: Պառկածներից մէկը յան-
կարժ սկսեց ծանր տնքալ և խռխրուացնել. տան մատաղահաս
աղջիկն իսկոյն մօտ վազեց, քնքշութեամբ ուղղեց նրա զլխատա-
կի բարձը և մնաց նստած զլխավերեւ:

Պառկածը ծանր վիրաւորուած էր. նա զառանցանքների աշ-
խարհումն էր գտնուում. այդ թշուառ... զոհը... իմս էէ... բռնու-

թիւն էք... գործ դնում... տեսնենք, ո՞վ... ո՞վ կը խլի նրան... կրկնում էր նա: Ապա յանկարծ աչքերը լայն բաց անկում, սկսեց նայել իր գլխավերև նստած աղջկան և կարծես ճանաչեց:

— Սօնա, այդ ո՞ւր ես, ո՞հ, իմ կեանք, այդ դու ես... Ինչո՞ւ ենք մենք այստեղ, ո՞ւր է դրօզչի Տրաթլամէն, այն հրէշը, — ծանր կերպով հարցրեց վիրաւորը:

— Սօնան հրէս կողքիդ պառկած, քնած է. Տրաթլամէն այլ ևս չը կայ, մի մտածէր. ամեն բան լաւ է. իսկ ես Սալվին եմ. ճիշտ է, ես շատ նման եմ քո Սօնային, դու սխալուած չես: Ձեզ Յարութն է բերել, որին դուք Արթօ էք ասում և որը ինձ ազատեց Ուսօ-բէկից:

— Սալվին... հա, հա Արթօն... ամի... Հիւանդը լոեց և դարձեալ զառանցանքների մէջ ընկաւ: Երկու օր էր, ինչ նրանց մի կերպ այդտեղ էին հասցրել: Դրանք իրանց սիրահարութեամբ զրգուել էին չար մարդկանցը, որոնք և վիրաւորել էին այդ անմեղ սիրահարներին, որոնց Արթօն իր ընկերների հետ Տըրխ էր փախցրել, յոյս ունենալով դեռ կեանք պարգևել նրանց: Այն եղերական օրից երեք-չորս օր էր անցել, և այդ մի քանի օրուայ մէջ նրանք համարեա ոչինչ չէին կերել: Խնամողները միայն ստէպ-ստէպ մի քանի կաթիլ կաթ կամ ջուր էին կաթեցնում նրանց պապանձուած շրթունքներին թէ քաղցը, թէ ծարաւը յագեցնելու: Վիրաւորներից մէկը՝ Վահէն, դարձեալ աչքերը բաց արեց. այս անգամ տան պառաւն էլ մօտ եկաւ ուրախացած և, ձեռքը սիրալիր մօր պէս նրա ճակատին դնելով, հանգիստ կերպով հարցրեց.

— Ի՞նչպէս ես քեզ զգում, Վահէ ջան:

— Ի՞նչպէս... կրկնեց նրա հարցը կցկտուր կերպով Վահէն, — Ի՞նչպէս... Ինչո՞ւ Սօնան չի զարթնում... ես... ես... ճ... լաւ եմ... ինձ ոչինչ չի եղել... այժմ ես, ես, ճ... կը լսեմ Արթօյին. ճ, ի՞նչ օրի ենք հասել... Ապա գլուխը շուռ տուեց դէպի Սօնան և երկմր, շատ երկմր նրա դալկացած դէմքին նայեց, յետոյ, կարծես անցեալի դառն պատկերները իրանց եղերական իրողութեան հետ մտաբերեց և, ժողովելով բոլոր ոյժերը, վեր ցատկեց դէպի Սօնայի կողմը, բարձր ճչալով, — Սօնա, ա՛յ Սօնա, վեր, վեր, մեզ այլ ևս ո՞վ կը բաժանի — մենք միասին ենք: Սակայն իսկոյն թուլացած վայր ընկաւ. դեռ երեկ գիշեր նրանից ճանապարհին այնքան արիւն էր գնացել, որ համարեա ուժասպառ էր եղել. այժմ էլ ցատկելու ժամանակ վիրաւորն արձաւորեց և արիւնը դարձեալ հոսել սկսեց վէրքից:

Սալվին և իր տատը զգուշութեամբ կապեցին նրա վէրքը:

Նրանք անհամբեր Արթօն էին սպասում, որը, այդ դժբաղդ սիրահարներին նրանց յանձնել, շտապել էր հէքիմի ետեւից իր ընկերներին հետ միասին: Արթօն մի քանի շաբաթ առաջ ազատել էր Սալվիէին քուրդ բեկերի ճանկերից: Վէրքերը ճանապարհին մի կերպ կապել էր նա, ուստի անհրաժեշտ էր հէքիմի օգնութիւն:

Վերջապէս, Արթօն հեքիմի հետ վերադարձաւ: Տեսնելով պարկաճներին, հէքիմը ցնցուեց. մի քանի ամիս էր, ինչ նա բաժանուել էր Վահէից, իր սիրելի ընկերից, և, առանձնանալով այդ կողմերը, պարապում էր իր արհեստով: Սա, նկատելով Վահէի այդ ողբերգական դրութիւնը, արտասուել սկսեց, ապա մօտ դալով, բռնեց նրա զարկերակը ու գլուխը թափ տուեց: Արթօյի օգնութեամբ նա վերքը բաց արեց, ուշի ուշով զննեց և դառն հոգոց քաշելով, քթի տակին կրկնեց մի քանի անգամ.— «արիւն շատ է գնացել. բացի այդ վէրքը ինքնըստինքեան շատ վտանգաւոր է».— և սկսեց վէրքը լուանալ, մաքրել զանազան կեղտոտութիւններից ու կապել: Միևնոյնը արեց Սօնայի հետ. սակայն սրա մասին բացասական կարծիք յայտնեց— «ես յոյս չունեմ, որ այս թշուառ զոհը նորից կեանք ստանայ. ոտքի կանգնի. ինչ էլ որ լինի, ես պիտի մնամ այստեղ և ամեն կարելին անեմ, գուցէ մի անյայտ ձեռք օգնութեան դայ այս անբաղդ զոհերին»:

Հէքիմը օրական մի քանի անգամ այցելում էր իր բարեկամ հիւանդներին և հարազատ մօր պէս ոչինչ չէր խնայում այդ թշուառներին: Շնորհիւ նրա տոկուն և խելացի հոգացողութեան, Վահէն օրէցօր սկսեց դէպի լաւը գնալ այնպէս, որ նրան շրջապատողները յաճախ ուրախութեամբ կրկնում էին՝ «յոյս ունինք Վահէին դարձեալ առողջացած տեսնել և նա զոհ չի գնայ տիրող տգէտ պայմաններին»: Եւ իրօք, որքան թշուառ զոհեր են գերեզման իջնում տիրող պայմանների շնորհիւ այն մթնոլորտներում, ուր ամեն բան դեռ բարձրիցն է կախուած համարում, ուր դեռ թագաւորում է «առանց Տիրոջ կամքի ծառի տերէն էլ չի պոկ գալիս»-ի դառն հասկացողութիւնը: Եւ դեռ, գուցէ, շատ և շատ տարիներ սահնակ երկրիս վրայով, չկարողանալով վախճան պատրաստել այդպիսի կսկծեցուցիչ հետեանքներ ունեցող հասկացողութիւնների համար:

Սակայն միխթարական էլ Վահէի ներկան, նրա վէրքը այժմ վտանգ չէր սպառնում կեանքին. ամենքը համոզուած էին, որ նա շնորհիւ իր հէքիմ ընկերին էր կեանք ստացել:

Այդպէս չեղաւ Սօնայի ճակատագիրը. նա սկսեցաւ այդ անբաղդ աղջկայ համար և իր սև գոյներով գերեզման պատ-

դաստեղծ նրան: Հէքիմի ճիգ ու ջանքերը ապարդիւն անցան: Անհուն կսկծի հարուածի տակ այդ տաքարիւն աղջիկը անխնայ էր գործ դրել դաշոյնի մեխուսն, որից ոչ մի միջոց փրկել չը կարողացաւ նրան: Այո, անխնայ էր դործ դրած դաշոյնի հարուածը, և այդպէս սնխնայ միայն անկեղծ սիրահարներ վարուել գիտեն. նրանց երեւակայութեան մէջ միայն երկու ծայրեր գոյութիւն ունեն, երկու ծայրեր միայն տեղ բռնած ունին՝ սիրել անսահման սիրով, ատել նողկանքի անհուն դառնութեամբ. ապրել միայն սիրելիի համար, մեռնել դարձեալ միայն նրա համար: Այդպիսիներից էր և Սօնան: Արդէն ութերորդ օրն էր, ինչ հէքիմը Տըրխ գիւղումն էր. այդ օր նա վաղ առաւօտեանից ոտքը չէր հեռացրել Սօնայի մօտից, այլ ամեն կերպ աշխատում էր մեղմել նրա տանջանքները, որոնք հետզհետէ թուլանում էին: Սօնան մեռնում էր. նա վերջին անգամ բաց արեց իր չքնաղ աչքերը, այս ու այն կողմը նայեց, կցկտուր կերպով արտասանեց մի քանի անուններ և գլուխը դնելով Սալվիի ծնկների վրայ, որ նրանից նոյնպէս չէր հեռանում այդ օր, և ցոյց տալով իր զրպանը, խնդրեց միջի թղթի ծրարը Վահէին յանձնել, երբ նա կը վերադառնայ: Հէքիմը նրան համոզել էր, որ Վահէն առողջացել և գնացել է նոր բժիշկ հրաւիրելու. այն ինչ նա նրանց առաջին օրուանից առանձին-առանձին սենեակներումն էր պահում:

II

Կէս գիշեր էր: Լուսինը վաղուց անհետացել էր երկնակամարի վրայից: Գիշերային անթափանցելի աղջամուղջը լռեւեայն իր թևերի տակն էր առել Մասիսի շրջակայքը: Ամեն ինչ սև ու խաւար էր. ամեն ինչ ծածկուած գիշերային մութ սաւանով: Ոչ մի բան ազատ չէր խաւարի ընդհանուր տիրապետութիւնից: Ամեն արարած, կարծես, աղջամղջի ընդհանուր թագաւորութիւնը աւելի զօրեղացնելու, հզօր դարձնելու համար՝ փակել էր վաղուց իր աչքերը և անտարբեր կերպով մշտում, խոմփացնում էր:

Դուրսը կեանք ասած բան, կարծես, վաղուց անհետացել էր երկրի երեսից. ոչ մի շարժում, ոչ մի ձայն-ձայտուն չը կար, միայն ստէպ-ստէպ լսում էին ծառերի սօսափիւնը, խշշոցը, որոնք իրանց տերևների այդ միակերպ ողբերգութեամբ ասես բողբոլում էին աղջամղջի անողորձ և սրտամաշ տիրապետութեան դէմ:

Հեռու արևելքում մի ինչ որ բան մարուող, հանգչող աստղերի պէս փայլում, կարմիր բոցեր էր արձակում, ապա կորչում, անհետանում էր՝ տիրող խաւարի մէջ: Դա հանգչող աստղ չէր.

երկինքը մթին էր տալիս. սև-սև բարակ թուխպերը վաղուց ծածկել էին նրա երեսը, աստղերը չը կային:

Գ. գիւղի բանտի լապտերն էր, որ դրան ցցուած սեան վրայ ամրացրած, այս կողմ այն կողմ արձակելով իր աղօտ լոյսը, ասես կուռում էր գիշերային չար ոգիների հետ և աշխատում պատռել խաւարի դաժան երեսը:

Լոռութիւնը թագաւորում էր և բանտի շրջակայքում, որը մերթ ընդհատուում էր գիշերապահի ոտքերի թրմփոցներով, որը բանտի պատի տակ հրացանն ուսին դրած՝ հանդարտ և համաչափ քայլերով երթևեկում էր, աչքերը շուտ շուտ այս ու այն կէտին ուղղելով, երբեմն էլ փոքր ինչ կանգ առնում, ականջ դնում այս ու այն շշուկին և, բերանը լայն բաց անելով, օրօշտում ու նորից շարժում իր քայլերը:

Նրանից ոչ հեռու երևում էր մի սև ահագին զանգուած, որի երկարութեամբ միշտ երթևեկում էր գիշերապահը. դա բանտն էր: Այստեղ վաղուց արդէն տիրում էր գերեզմանային լուռութիւն. կալանաւորներն այս ու այն անկիւնում կուչ եկած, դառը հոգսերի տակ ճնշուած՝ նիհիւում էին: Որը վաղը պիտի կախաղան բարձրանար, որը դատի պիտի կանչուէր, որի դատաւճիռը արդէն կարգացուած էր քսոյրի տաժանակիր աշխատանքների հնթարկութեամբ: Բայց որքան արդարացի էր այդ. շատերը կրում էին այդ սոսկալի տանջանքները, պատիժները լոկ պատրաստուած վկաների սուտ ցուցումներով. շատերը չէին կարողացել ժամանակին տեսնուել սրա-նրա հետ և բերանները իւզել, որ մեղադրական արձանագրութիւնները խիստ և չարագուշակ չը կազմուին: Ինչևիցէ, նրանք անողոր բաղդի հարուածներին թողած իրանց տուն-տեղը, սիրելիները՝ այսօր հեծում էին բանտի մութ խորշերում: Այդպէս է մարդկանց ճակատագիրը, որը գիտէ իր անհուն քաղցրութեամբ շոյել մարդկանց և բաղդի գազաթնակէտին հասցնելով ովսանանք կարգալ տալ. գիտէ և այդ վիթխարի բարձրութիւնից ցած գլորել իր գոհերին այն անյատակ վիհը, խորխորատը, ուր թագաւորում է արցունքների, տանջանքների, լաց ու հեծածանքի քարասիրտ իշխանութիւնը: Իսկ եթէ դրանց վրայ աւելանում են բանտ ու կապանքներ, ուր ազատութիւնը իւրաքանչիւր քայլափոխում սրբապղծւում է, ուր անհատը զերկւում է ամեն մի բարոյական սկզբունք կրող իրաւունքից, այն ժամանակ սև ճակատագրի դաւաճանութեան պատկերը կատարեալ կարելի է համարել...

Բանտէր... իրքան սրտամաշ է այդ անունը. իրքան քարասիրտ է ձեր միջավայր կազմող մթնոլորտը, և իրքան խուլ հա-

ռաչանքներ են լսուել ձեր անողոք յարկի տակ: Բանտեր... որ-
քան անմեղ զոհեր էք դուք յաւիտենականութեան գիրկը գլորել
և ի՞նչ արցունքների, վիշտ ու տառապանքի սկզբնապատճառ
դարձել: Դուք ձեր թունալից մթնոլորտում սնուցել էք սկսած
սար ու ձոր դողացող աշխարհակալներից մինչև վերջին
փշրանքի կարօտ մուրացկանին: Դուք ձեր զաղրելի տանջանքնե-
րին ենթարկել էք արդարութեան աւետարան քարոզող պետերին:
Քանի-քանի դարեր են սահել յաւիտենականութեան գիրկը, բայց
դուք դարձեալ նոյնն էք: Ունդացել էք արդեօք դուք ուն-
ուղղիչ դեր մարդկայնութեան ընդհանուր զարգացման և քաղա-
քակրթութեան պատմութեան էջերում: Եղել են արդեօք որևէ
բարեփոխում և կուտուրական սկզբունք տարածող ձեզ թողած
հետքերը ազգերի և մարդկութեան պատմութեան մէջ.— Ո՛չ, ո՛չ,
չեն եղել: Ուարուսիկ է ձեր գոյութիւնը. ծով ու ովկիաններ կը
կազմէին ձեր քամած արցունքները. սուգ ու շիւան են ձեր թո-
ղած հետքերը: Եւ գուցէ նոյնը մնաք դուք, քանի որ ձեզ չեն փո-
խարինել որոշ սկզբունք կրող տներ...

Գիշերապահը ինչ որ փսփսոց լսեց բանտի լուսամտից
ու այն կողմը առաջ գնաց: Լուսամտից ոչ հեռու նստել էր մի
տարիքաւոր կալանաւոր և սաղմոսն առաջը դրած՝ կամացուկ կար-
դում-աղօթում էր: Նա աչքերը երկինք բարձրացնելով, մրմնջաց.
— Տէր, հան ի բանտէ զանձն իմ, գոհանամ զանուանէ քումմէ...
Գիշերապահը նայեց նրան ու վերադարձաւ. առաջին անգամ չէր
նա նրան տեսնում այդ դրութեան մէջ: Ապա կալանաւորը, վեր-
ջացնելով իր առօրեայ աղօթքը, յենուեց ձեռքի վրայ և սկսեց
դուրս նայել լուսամտից: Այնտեղ ամեն ինչ մութ ու խաւար էր,
ինչպէս իր վիրաւոր սիրտը. ոչինչ չէր երևում, և նա շարունա-
կում էր նայել: Նա ընկղմուել էր մտատանջութեան մէջ և իր
փառաւոր անցեալն էր մտաբերում ու դառն վշտի տակ արցունք-
ներ թափում: Նա յիշեց իր հոյակապ պալատները, որոնք մի ժա-
մանակ մայրաքաղաքի զարդն ու պճրանքն էին կազմում. յիշեց,
թէ որտեղից այժմ ուր է հասել. յիշեց, թէ որքան անգուլթ է
վարուել իր հետ անողոք ճակատագիրը: Նա աւելի ևս հեռու ան-
ցաւ, երբ ինքն այդ մայրաքաղաքի աչքի ընկնող և առաջնակարգ
վաճառականների շարքում պատկառելի տեղ ունէր բռնած և մի-
լիօնների հետ էր խաղում: Յիշեց և դառն ախ քաշեց, որ այդ
բոլորը կորել են անդառնալի: Ո՛րպիսի փոփոխութիւն, որպիսի
անողոք հարուած... Իսկ այդքան անփոխարինելի կորուստից յե-
տոյ վիճակուած են իրան բանտ ու կապանք... Նիւթականի
կորուստը նրան այնքան վիշտ չէր պատճառում: Մի քանի ամ-

սուայ մէջ ինչ-ինչ անյաշող հանգամանքներ միմեանց հետեից զրկեցին նրան իր նիւթական բարձրութիւնից, և նա վերադարձաւ իր հայրենի Բ. քաղաքը, ուր աշխատում էր փոքր ինչ ապահովել իր և ընտանիքի նիւթական գիւրութիւնը: Նա շուտով հիմնեց ներկարարի գործարան քաղաքի ծայրում և իրան երջանիկ էր համարում, որ մի կերպ կարողացաւ ապահովել իր գրութիւնը: Սակայն այստեղ էլ նրան բազում հալածեց: Զուր չէ ասում քրդական առածը թէ՛ ժխէր դա բըռէզ, շառ դա բըռէզ... (խէրն էլ իրար հետեից կը գայ, շառն էլ): Միևնոյնը կատարուեց և նրա հետ: Շուտով մայրաքաղաքից վերադարձաւ այդտեղ Տրաթլամէի որդի Վռամը և հօր թողած կտակի համաձայն՝ սկսեց բողոք-բողոքի հետեից ցալ պատշաճաւոր իշխանութեան, թէ իր տները շատ հեռու չեն այդ գործարանից, ուստի ներկերի վատ ազդեցութիւնը զանազան հիւանդութիւններ է պատճառում թէ իրան և թէ իր ընտանիքին և օրէնքի համաձայն պահանջում էր քանդել գործարանը: Իսկ գործարանի տիրոջ բարեկամներն սկսեցին օրինաւոր փաստեր բերել, որ գործարանը գտնւում է որոշ հեռաւորութեան վրայ, այդ պատճառով չի կարող ոչ մի ֆլաաս տալ բողոքատուին: Թէև այս վերջինները տարան յաղթանակը, սակայն ամեն տեղ հալածուած այդ հարուստը անչափ վիրաւորուած համարեց իրան, որ զրկուելով ամեն ինչից, այժմ իր հայրենի քաղաքումն էլ մի անկիւն չեն ուզում տալ իրան, այն էլ ո՞վ չէ ուզում,—նա, որը իր շնորհիւն է մտել բարձրագոյն դպրոց, աւարտել և այժմ տղայական կապրիզներով բռնկուած, հալածում է իր մի ժամանակ բարերարին: Ուստի և լցուած վշտի անհուն դառնութեամբ դէպի մարդկանց այդչափ լպիրշ ապերախութիւնը, որ պարզ տեսաւ Վռամի մէջ և որ այնքան զգուշի ձևով արտայայտուեց իր դէմ, վճռեց իր հայրենի նուիրական վայրիցն էլ հեռանալ: Այդքան ծանր էր ազդել նրա վրայ ապերախութեան զգացմունքը, և այդ միայն եղաւ պատճառ, որ նա գլուխն առաւ ու հեռացաւ այդտեղից, աւերելով գործարանը, որը ճիշտ որ ոչ մի ֆլաաս չէր տալիս Վռամին: Թափառելով երկրէ-երկիր, այդ հալածական անբաղդը վերջապէս բնակութիւն հաստատեց մի պղնձհանքի շրջակայքում, Գ... գիւղի մէջ, ձեռք բերելով այդ պղնձհանքի կառավարչի պաշտօնը, ուր և մնաց մինչև եկաւ մի այլ ձախորդութիւն լցնելու նրա անբաղդութեան բաժակը, և նա կալանաւորուեց ու նետուեց Գ... գիւղի բանտը, ուր և ամեն գիշեր արտասուքի հետ լսում էր նրա աղօթքը.—Տէր, հանի բանտէ... Իբրև պղնձհանքի կառավարիչ, նա պատասխանատու էր այնտեղ պատահելիք ամեն ինչի: Մի օր պղնձհանքի գործա-

րանից գողացել էին մի պատկառելի գումար: Կասկածը ծանրացաւ մի տաճկահայ բանուորի վրայ, և նա առանց քննութեան պղնձհանքի բանտը նետուեց, ուր և յուսահատութեան միջոցին, թէ ինչից զրգուած՝ խեղդամահ եղաւ, թէ խեղդամահ արին նրան: Այդ բանը մութը մնաց. ուստի կառավարութիւնը, տեսնելով այդտեղ օրէնքի խախտում և ինքնահաճ վարմունք այլոց կեանքի դէմ, յանցաւոր ճանաչեց կառավարչին և բանտարկեց նրան:

—Ո՛հ, իմ այս անբաղդութեան պատճառը Վոամը եղաւ,— կրկնում էր յաճախ դժբաղդ կալանաւորը,—եթէ նա չը յուսահատեցնէր ինձ, ես ընդ միշտ հաստատուած կը լինէի իմ հայրենի քաղաքում, ուր և գնացի մինչև կեանքիս վերջին օրերը ապրելու. բայց նա, այն իժի ծնունդը, մոռացաւ ամեն բան, մոռացաւ այն ամեն բարիքը, որոնց ես չը խնայեցի նրան և իր հօրը, և իր ապերախտ վարուեցողութեամբ հեռացրեց ինձ իմ սիրած վայրերից և այստեղ հասցրեց: Նա իր անզգամ հօր կտակն է կատարում. իժից իժ է ծնուելու: Անողորմ Բրուտոս, դու յանդգնեցիր ձեռք բարձրացնել քո բարերարի վրայ: Մի՞թէ մոռացար, երբ տրեխները հագիդ, խաչագոյ հօրդ փէշերից բռնած՝ մի առաւօտ հօրդ խաչագոյութեան սայլակով իմ դռանը կանգնեցիք: Ես պատասպարեցի ձեզ, ձեզ հետ եղած յանձնարարական նամակին ոյժ տուեցի իմ անթիւ. բարեկամների միջոցով, առանց որոց այդ նամակն ո՛վ գիտէ ինչի հարկաւոր լինէր: Այո՛, ես այստեղ ընկայ, այնտեղ զարնուեցի և յանուն վեհ զգացմունքի, վեհ գաղափարի քեզ բարձրագոյն դպրոցի հիմնարկութեան մէջ սառ դարձրի, հովանաւորեցի, որ ապագայում քո լրբութեան անարգ գաւազանը իմ վրայ փորձէս. քեզ նետ դարձրեցի, որ քո սլաքները դէպի սիրտս ուղղէիր, հա՛: Անաստուած. արդեօք ի՞նչ է լինելու քո վերջը...

Մինչ սա այսպէս մտածում էր, յանկարծ գիւղից ոչ հեռու ճանապարհի վրայ երևացին մի խումբ ձիաւորներ: Ոմբի առաջից հանդարտ գնում էր նրա հրամանատարը: Ահա՛, նրանք հասան գիւղի այգիներին և խմբապետի հրամանի համաձայն վայր իջան ձիերից և անյայտացան այգիներում տիրող խաւարի մէջ: Քիչ յետոյ այնտեղից դուրս եկաւ մի կարճահասակ մարդ երեք ընկերների հետ և բոլորը միասին ուղևորուեցին դէպի Գ... գիւղի բանտը:

—Տղերքը չեն քնել, մի՛ վախէք, ես նրանց խստիւ պատուիրեցի դգոյշ լինել և մեզ սպասել ու ձիերին լաւ կշտացնել, որ հարողանանք մինչ առաւօտ բաւականին ճանապարհ կտրել. իմ թաւալանս չի խրխնջալ. ես նրան լաւ եմ պատուիրել: Եթէ նա

դուռ մնայ, բոլոր միւս ձիերը կը հետեւն նրա օրինակին, առաջին անգամ չէ այս,— փսփսում էր իր ընկերներին կարճահասակը:

Վերջապէս, նրանք մօտեցան բանտին և կանգ առան: Կարճահասակը մօտեցաւ գիշերապահին և ինչոր հասկացրեց նրան: Գիշերապահը սկզբում գլուխը բացասական շարժեց, բայց երբ նրա կարճահասակ խօսակիցը բաց արեց իր համոզեցուցիչ լեզուն և ցոյց տուեց նրան իր ձեռքում եղած թղթադրամները, նա մեղմացաւ և համաձայնուեց նրա հետ: Շուտով գիշերապահի թոյլտուութեամբ կարճահասակը մօտեցաւ բանտի լուսամուտին և թրջակացրեց, իսկ նրա ընկերները բարձրացան բանտի տանիքը:

Կալանաւորը գլուխը բարձրացրեց և մնաց տեղն ու տեղը սառած՝ իրանից փոքր ինչ հեռու կանգնած էր Արթօն, որը հազիւ լսելի ձայնով փսփսալ սկսեց նրա հետ:

— Թորոս-բիձա, մի մտածի՛ր, ես եմ. այսօր դու ազատուած կը լինես. քո լուսամուտի վերեւ այժմ մի ծակ կը բացուի. բարձրացի՛ր լուսամուտդ և ձեռդ մեկնի՛ր դէպի ծակը. այնտեղից քեզ դուրս կը հանեն և դու բարեկամներդ շրջանում կը լինես. զգո՛յ:

Կալանաւորը Գ... գիւղում ապրող Թորոս-բիձան էր, որի տանը իւրաքանչիւր տարի սահմանից անցնելիս, կամ այնտեղից դալիս ապաստան էին գտնուում զանազան անցորդներ: Ինչպէս տեսանք, նա ընկնելով նիւթական բարձրութիւնից, մայրաքաղաքից վերադարձաւ Բ... քաղաքը, իր հայրենիքը, սակայն Վռամի կապրիզներին չը կարողանալով դիմանալ, հեռացաւ այնտեղից և ապրում էր այդ գիւղում, կատարելով պղնձհանքի կառավարչի պաշտօնը, որի պաշտօնակատարութեան ընթացքում և բանտարկուեց:

Շուտով Թորոս-բիձայի գլխավերեւ ճիշտ որ առաստաղը ծակուեց, և սա ուրախացած իր ձեռքը մեկնեց դէպի այդ ծակը: Մի երկու րոպէ ևս, նա արդէն տանիքումն էր: Անծանօթները առաջնորդեցին նրան և Արթօյի հետ կորան խաւարի մէջ:

Մի ժամից յետոյ լսուեց գիշերապահի հրացանի պայթիւնը և հարայ տալը թէ՛ կալանաւորներից մարդ փախաւ: Սկսուեց շտեմնուած իրարանցում բանտի մէջ, բայց ինչ. գիշերապահը Արթօյի ցոյց տուած ժամանակին էր հարայ տուել. ուստի վերջինս արդէն բաւականին ճանապարհ էր կտրել, այնպէս որ այլ ևս երկիւղ չէր սպառնում նրանց: Անընդհատ արշաւելով, Արթօն երկու օրից յետոյ Թորոս-բիձայի հետ արդէն Տըրիս գիւղումն էր, ուր էին Սօնան և Վահէն անյուսալի վերաւոր դրութեան մէջ:

— Ո՛հ, ինչ լաւ բան կը լինէր, եթէ սրան էլ փրկել կարո-

ղանայի,—կրկնում էր հէքիմը, նայելով Սօնայի թուլացած դէմքին:

—Գուցէ բարին այս է, հէքիմ, չիք չարիք առանց բարեաց, —նկատեց նրան Թորոս-բիճան,—գուցէ զրա մահն է բարի. էհ, թնշ կարող ենք անել:

—Ո՛չ, ես ցաւում եմ հոգու բոլոր էութեամբ, որ այսպիսի անկեղծ սրտի տէր անհատներ շատ սակաւ են մեր դժբաղդ միջավայրում:

—Ճիշտ է:

—Խեղդել զաւակների, մարդկանց զգացմունքները, դա ծնող-ների գործ չէ, այլ հրէշների. սակայն, տարաբաղդաբար, այնպիսի հրէշներով տակաւին վիտում են մեր խաղաղ խրճիթները:

—Աւօյին, ա՛յ, հիմի պիտի էստեղ քաշ տալ, որ տեսնի իր աղջկան և հասկանայ թէ՛ ինչ է եղել իր արածը:

—Միթէ կարծում էք, որ նա կը խղճահարուի: Քանի-քանի այսպիսի օրինակներ են տեղի ունեցել. բայց մեր ծնող-զազան-ները զրեթէ սթափուելու նշաններ անգամ չեն արել: Դեռ մի տարի չի անցել, ինչ մեր գիւղի Տանձոտեանց Կարօյի աղջիկ Սանդուխտը ձգուեց իրանց ջրհորը և այնտեղ էլ իր մահը գտաւ, որովհետև հայրը նշանեց նրան առանց հարցնելու աղջկայ կամքը: Երկու տարի չի անցել, ինչ Ձ... գիւղացի Բոստանչոց Մակին պարանո՞վ խեղդամահ եղաւ, որովհետև հայրը պսակում էր նրան հասակն առած մի այրի վաշխառուի հետ: Դեռ չեմ ասում Թո-փանչոց Ծովելի, Կրճիենց Ջարդարի, Ջիթանցոց Անուշի, Դիւ-լօենց Փիւլի, Մուղսոնց Համասի մահը, որոնք միայն մեր գիւղումն են տեղի ունեցել այս քանի տարուայ մէջ և որոնց դիակ-ները հազիւ-հազ են գտել մեր լճի միջից: Բայց քանի-քանի այս-պիսի գիւղեր կան, որոնց մասին մենք տեղեկութիւն անգամ չունենք:

—Էդ թուածդ զոհերի մասին ոչինչ չը գիտեմ. բայց այս թշուառ աղջկայ կորստեան պատճառը, զրեթէ, ամբողջովին Տրաթ լամէն է եղել. եթէ՛ նա խելքահան չանէր Աւօյին, դժուար թէ էդքան անսիրտ գտնուէր դէպի իր աղջիկը: Դեռ սա մեռնում է, ազատւում է էս վերան աշխարհի դարդերից. իսկ թնշ անեն նրա այն անթիւ զոհերը, որոնք մինչև իրանց կեանքի վերջը պիտի հեծեն խեղճութեան տանջանքների բովում: Դրանցից, այդ անմեղ զոհերից, մէկն էլ ես եմ. թնշ անեմ ես. թնշ անէ իմ անբաղդ ընտանիքը. թնշ անէ վերաւոր Վահէն, որը սրա մահից յետոյ, չը գիտեմ, թնշպէս պիտի կենդանի մնայ և եթէ կենդանի էլ մնայ, միթէ կենդանութիւն կարելի կը լինի անուանել այն՝ այս անգնա-հատելի կորուստից յետոյ...

Սօսան մի քանի ջղաձգական շարժումներ գործեց. ապա ծանր-ծանր խռխուալ սկսեց. նա իր այդ ցնցումներով վերջին հրաժեշտն էր տալիս կեանքին:

—Ո՛վ, Վահէ, բուռն զգացմունքով ցանկանում էի քեզ խաչաղբէր լինել. սակայն ճակատագիրը այլ կերպ տնօրինեց քո ապագան: Վաղը թերևս Սօնայիդ հետ գերեզման ուղարկեմ քո կեանքը, քո սիրտն ու հոգին: Ինչու այդ դերը ինձ վիճակուեց, —կրկնում էր հէքիմը:

ԼԵՒՈՆ ԽԱՆՋԱԴԷ

(Կը շարունակուի)

ՏԵՐ-ԳԱՅՐԻԻԵԼ

ՊԱՏԿԱՆԵԱՆՑԸ ¹⁾

Դլուխ ԺԱ.

Ծերակուտից զործն անցնում է Կայսերական խորհրդա-
րանը, որ ի նկատի առնելով, նախ, որ Տէր-Գարրիէլ քահանա-
յի խոստովանութիւնը եղել է արտաքույ զատարանի, երկրորդ,
որ արծանագրութեան կազմելուն մասնակցել են ուրիշ անձերի
թուում և Հայկական Մագիստրատի ստրեպչի Սիմեօնովը,
առաջին դատաւոր Զէյթունեանը, որոնց զործողութիւնների
վերայ, ներքին գործոց նախարարի ասելով, Սալիբն ազդեցու-
թիւն է ունեցել, և, երրորդ, որ այն արծանագրութիւնը կազ-
մած է առանց պղպխի ակտերը կազմելու համար սահմա-
նուած ձևերի—պակասում է մեղադրեալի ստորագրութիւնը—
միւս կողմից էլ Պատկանեանցի գերեզմանոց գնալը՝ Իսմայիլ-
ցեանի հետ Կորչևսկու ուղարկած մարդուն տեսնելու համար,
վերջնականապէս հերքուած չէ, քանի որ քննութիւն կատարե-
լու ժամանակ ի նկատի առնուած չէ մի ամենակարեւոր հան-
գամանք՝ Իսմայիլցեանին խուզարկելը, որին, մեղադրեալի ասե-
լով, Կորչևսկին զրել է տոմսակներ փող ստանալու մասին,
որովհետև եթէ գտնուէր, գոնէ, մի տոմսակ, արդէն իսկ գոր-
ծը բոլորովին կփոխուէր, 1859 թուի դեկտեմբերի 7-ին իշ-
խան Օրլովի նախագահութեամբ կայացած նիստում վճռուում
է՝ փոխել ծերակոյտի զատաւիճիւր և քահանային թողնել խիստ
կասկածանքի տակ, ենթարկելով նորան իւր հոգևոր իշխանու-
թեան հսկողութեան: Եւ այս գլխաւորապէս այն հիման վերայ,
որ մէջ բերուած փաստերը մեղադրեալի դէմ բաւարար չէին,
նամանաւանդ որ օրէնքը պահանջում է, որ «Որքան ծանր լի-

1) Լուսնայ 1908 № 3—4.

նի մեղադրանքը, նոյնքան և զօրաւոր պէտք է լինին մեղադրեալի յանցաւորութեան ապացոյցները»):

Սորա հետ միասին արդարադատութեան նախարար Կոստ Պանինը ի նկատի առնելով, որ հէնց սկզբից այդ գործի մասին աեղեկացրել էին թագաւորին և Նորին Մեծութիւնը հրամայել էր Տազանրոզի քաղաքապետ Բրոնեսկու միջոցով Ռոստովի գաւառական դատարանին, որ խիստ հետեւողութիւն անեն այդ գործին և հետեւանքի մասին իսկոյն զեկուցանեն իրան, անհրաժեշտ է համարուած խորհրդարանի վճիռը ներկայացնել բարեհաճ տնօրինութեան կայսեր, որ այդ վճռի դէմ ինքն իւր ձեռքով դրուած է. «Եթէ նա այդքան ժանր յանցանքի համար մնում է խիստ կասկածանքի տակ, պէտք է, ուրեմն, ղրկուի քահանայութիւնից» (12):

1853 թիւը լինում է Խալիբի քաղաքադիւսութեան վերջին տարին. նորանից յետոյ հետեւեալ 1854, 5, 6 եռամեակի համար ընտրուում է քաղաքադիւս Մանուկ Ալաշալեանը Ալաշալը տոհմից: Դոցա նախահայրն համարուում է Ալաշալը Գրիգոր անունով մէկը, որ Դաւիթ-բէկին օգնութեան զնացած օնբաշիներից մէկն է եղել, որի թոռն Ալաշօղլու Խաչերեսը իւր ազգական Գէորգի ու Թովմասի հետ գաղթել է Ղրիմից Նախիջևան: Ալաշալեանց տոհմը յայտնի է եղել դեռ Ղրիմում, իսկ գաղթականութեան ժամանակ նա հռչակուել է իբրեւ թրշուառներին կարեկից և օգնող: Երբ գաղթականները հասել են Սամար գետի ափը և այդտեղ վերահասել է նոցա Ռուսաստանի սաստկաստուգ ծմեռը և ցուրտը և վառելիքի ու կերակրի պաշարի պակասութիւնը և գետնափոր տնակների խոնաւութիւնը յառաջացրել են գաղթողների կարաւանի մէջ պէսպէս վարակիչ հիւանդութիւններ, որոնք սաստիկ կոտորած են սկրսել անել նոցա մէջ, այդ Խաչերեսն էլ միւսների հետ շատ օգնութիւն է ցոյց տուել թշուառներին, նամանաւանդ կարեկից է եղել խեղճերին նորա կինը Խատընը, որ իւր հօր Հէքիմ Գրիգորի և Չէքեղահայ բժիկ Հէքիմ Կարապետի և նորա որդի Խաչատրի հետ միասին չի խնայել ոչ մի ջանք և աշխատանք բժշկական օգնութիւն հասցնելու հիւանդներին: Ալաշա-

լեանները Նախիջևանում յաջող առևտրական գործառնութեամբ շուտով ճոխացել են և կողմել են մի բաղձանդամ գերդաստան, մի անուանի նահապետական յաւ հայ օջախ: Նոքա պատկանել են Խալիբեան կուսակցութեան և նոցա միջից յանախ ընտրուել են հողաբարձուներ, դատաւորներ, իրար յետեից երկու քաղաքապետութեան վերոյիշեալ Մանուկ աղան և դորանից յետոյ նորա եղբայր Սիմէօն Խաչերեսեան Ալաշայեանը: Այդ վերջինի քաղաքապետութեան առաջին տարին, որ Պատկանեանցի բանտարկութեան չորրորդ տարին էր, 1857 թուի փետրուարի 13-ին, վախճանում է Ներսէսը անակնկալ մահով:

Կաթուղիկոսի մահով խորատկուում է Խալիբի յօսը՝ ապալելու և իւր միւս հակառակորդ Միքայէլ Նալբանդեանցին, որ ոչ թէ միայն իւր վարժապետի ընթացքով էր գնում, այլև պատրաստուում էր շատ աւելի առաջ անցնել նորանից և շատ աւելի յետ թողնել նորան. նա էր եղել զխաւոր պատճառ, որ Մատթէոս առաջնորդը յարուցել էր եկեղեցական գումարների հաշուետուութեան Խալիբի համար շատ անախորժ խնդիրը. նա էր, որ անդադար փորփրում էր հին, մոռացուած անցեալը և միջից ընտրում, հրապարակ նետում այնպիսի խնդիրներ, որոնք բոլորն էլ ցոյց էին տալիս հզօր ազգայի գործած բաղձադիմի ապօրինութիւնները, կամայականութիւնները և ճնշումները, ինչպէս «խօնախի» հոգեւոր իշխանութեան դարձնելու խնդիրը. նա էր, վերջապէս, որ կամաց-կամաց մօտենալով ճաշրապետեան հարուստ վանառահտնին և շրջապատելով նորան իւր ընկերներով և համախոհներով, ձգտում էր նորան դիմադիր բանակի գլուխ կանգնեցնել: Սակայն Խալիբն էլ այն մարդկանցից չէր, որ շուտով վհատէր և յետ կենար ասպարիզից: Ժիշտ է, կաթուղիկոսի մահով նորա աչ թեւը կտրուել էր, բայց նա ունէր հարստութիւն, որով կարող էր իւր կողմը քաշել թէ քաղաքացիներին և թէ իշխանաւորներին, չենք խօսում արդէն քաղաքի իշխանութեան մասին, որ գտնուելով իւր կուսակից Ալաշայեանի ձեռքին, ամեն բանում կարող էր նպաստաւոր լինել նորան: Չէնց այդպէս էլ լինում է. նա մի առ ժամանակ հեռանալով ակներև գործելու ասպարիզից և թաղ-

նուերով Ալաշալեանի յետևը, ամբողջ երեք տարի—1857, 8, 9 —պատրաստուում է և սպասում է յաշող րոպէի, մինչև որ գտնում է իրան օժանդակ Ալվաղեան Գաբրիէլ վարդապետին, որ հանգուցեալ հայրապետի ժամանակ մտել էր Հայաստանեայց եկեղեցու գիրկը, իսկ Մատթէոսի ընտրութեան տարին կարգուել էր Նախիչևանի և Բեսարաբիոյ թեմի առաջնորդութեան տեղակալ Մատթէոս Վեհապետեանի տեղը, որ կայսերական հրամանով տեղափոխուել էր Հաշտարխան: Այս անգամ ամեն բան խոստանում էր յաշողութիւն. Մատթէոս սրբազանը, Պատկանեանցի և Նալբանդեանցի գլխաւոր կուսակիցը, չկար, նորընտիր հայրապետ Մատթէոսը, որ բռնել էր Ներսէսին հաւառակ գիրքը, չուներ իւր նախորդի ոչոք, այն ինչ Ալվաղեանը վայելում էր կայսերական շնորհքը և մեծ զօրավիզն էր Խալիբին:

Ճիշդ է, Սիմէօն Ալաշալեանից յետոյ, հակախալիբեան կուսակցութիւնը այնքան զօրանում է, որ 1860, 61 և 62 թուականների համար ընտրւում է քաղաքագլուխ վերոյիշեալ չերմ Նալբանդական Կարապետ Հայրապետեանը, բայց ի՞նչ կարող էր անել նա, քանի որ գործը հասել էր ներքին գործոց նախարարութեան և տէրութիւնն անսահման հաւատ էր ընծայում Ալվաղեանին: Շատ շատ նա հիմնուելով օրէնքի և ճշմարտութեան վերայ, առաջ տանէր հաշուետեսութեան գործը, բայց աղատել կորստից Պատկանեանցին ու Նալբանդեանցին, որոնց դէմ լարել էին իւրեանց բոլոր որոգայթները Խալիբն ու Ալվաղեանը, նա չպիտի կարողանար: Երբ Ալվաղեանը դեռ 1858 թուին Պաւրիգից ժամանել էր Պետերբուրգ և Մովսէս Բուդաղեանը մեծածախ հացկերոյթ էր սարքել նորա պատուին և Ռափայէլ Պատկանեանցն այդ նաչին դրուատիք էր կարգացել նոր հաստատուած առաջնորդութեան տեղակալին, հասարակութիւնը խնդրել էր նորան Պատկանեանցի համար, և նա խոստացել էր ազատել տալ նորան բանտից: Գաբրիէլ վարդապետի այդ խոստմունքի լուրը կայծակի արագութեամբ հասել էր Նախիչևան բանտարկեալի ախանջը, և նա իւր մօտ էր հրաւիրել Հայրապետեանցին և աղաչել, որ հանդիսաւոր ընդունելութիւն տնեն

առաջնորդին և օգնեն նորան նորա ձեռնարկութիւնների մէջ: Սակայն երբ Այվազեանը հասել էր Նախիջևան և ստացել եկեղեցական գումարները Խալիբից Թէոդոսիայում զարոց բանալու համար, անակնկալ կերպով ամեն բան փոխուել էր. նա անցել էր Խալիբի կողմը և ոչ թէ միայն չէր օգնել Պատկանեանցին դուրս գալու բանտից, այլև եկեղեցում իւր քարոզի մէջ բազմադիմի գործովանք էր թափել բանտարկեալի զխին, ցոյց տալով նրան ըստ ամենայնի արժանի այն պատժին, որ կրում էր նա:

Կարապետ Հայրապետեանը, որ նշանաւոր դեր է կատարել Պատկանեանցի և դորա աշակերտ Նալբանդեանցի կեանքում, Հարա-Մարգար կամ Նաւուրցի Մարգար Հայրապետեանի որդին էր: Հայրապետեանները Ղրիմի նոր գաղթականներից էին. եկել էին նոքա թերակողզին ոչ Անիից, այլ Այրարատի Վաղարշապատից: Ժիշդ է, Շահաբբասի արշաւանքի ժամանակ զոցա նախնիքն էլ շատ ուրիշների հետ միասին տարուել էին Պարսկաստան, բայց յետոյ նոքա վերստին վերադարձել էին Հայաստան և վերաբնակուել Վաղարշապատում: Թէ ինչպէս է եղել զոցա նախկին աղգանուներ, յայտնի չէ. Հայրապետեան կամ Հայրապետական անունը ստացել է զոցա նախնիքներից մէկը Սէջմիաճնի աթոռին և նորա գահակալ հայրապետին մեծ ծանայութիւն մատուցած լինելու պատճառով: Երբ 1725 թուին լուր է տարածուում Հայաստանում Դաւիթ-Բէկի ապստամբութեան մասին, այդ Հայրապետեանի որդին Մկրտիչն էլ, որ այդ ժամանակները լինում է մի քաջ և խիզախ երիտասարդ, հաւաքելով իւր պէս մի խումբ կտրիչներ շրջակայ գիւղերից ու աւաններից, դիմում է Սիւնեաց գիւցազնի բանակը և մոտնակցում նորա մղած պատերազմներին Մահմեդականների դէմ: Սակայն Դաւթի և Մխիթարի մահից յետոյ, երբ ցրւում է բանակը և Ղրիմեցիք վերադառնալու են լինում իւրեանց երկիրը, Մկրտիչը հասկանալով, որ չպէտք է կարողանայ իւր արածներից յետոյ հանգիստ ապրել մահմեդականների իշխանութեան տակ գտնուած երկրում, միանում է իւր պատերազմակից ընկերների կարաւսին և զալիս, բնակում է Բախչիսարայում:

Այդտեղ դա մեծ չքաւորութեան մէջ է ընկնում և այնտեղն է հասնում, որ ստիպուած է լինում այգեպանութիւն անել Բարաշահանների այգիներից մէկում, երբեմն էլ սայլապանութիւն։ Սորա որդին Արաբաշի Կարապետ չայրապետեանը, որ գնած է լինում իւր համար մի այգի և իրան նուիրած այգեգործութեան, գաղթելու ժամանակ ստիպուած է լինում ծախել այգին և ինքն էլ դալ Ռուսաստան։ Այստեղ բազմի ժպտում է չայրապետեաններին և նոքա հետզհետէ առաջանում ու ճոխանում և առաջնակարգ մարդկանց շարքն են ընկնում։ Դոցա հարստութեան հիմք դնողը լինում է Կարապետի որդին Մարգարը, որ իւր երեսի թխութեան պատճառով կոչուում է եղել Ղարա Մարգար, իսկ Նաւուր աւանում երկար ժամանակ բնակուած և առեւտուր արած լինելու պատճառով, — Նաւուրցի Մարգար։

Այդ Խարա Մարգարի որդի Կարապետ չայրապետեանի քաղաքադիսութիւնը Նախիջևանի համար շատ արդիւնաւոր պիտի լինէր, եթէ չլինէին այն ինտրիգները, կազն ու կռիւր, որոնք բոյն էին դրել հասարակութեան մէջ և շլատում էին ամեն մի եռանդ, ամեն լաւ գործի սկզբնաւորութիւն։ Եւ դորա, չայրապետեանի, քաղաքադիսութեան արդիւնաւոր լինելու պատճառն այն չէր, որ ինքը չայրապետեանը մի երևելի, հասկացող և բանիմաց մարդ էր, ոչ. նա էլ Նախիջևանի աղաներից մէկն էր իւր աղաներին յատուկ պակասութիւններով ու առաւելութիւններով, այլ որովհետեւ նա ունէր այնպիսի խորհրդատուներ, ինչպիսին էին Պատկանեանցը և մանաւանդ խելօք Նալբանդեանցը, որ լաւ էր հասկացել, թէ Նախիջևանի դժբաղդութեան պատճառը տգիտութիւնն է և դորա դարմանը լուսաւորութիւնը, դպրոցը։ Նա յարուցել էր եկեղեցական դոմարների խնդիրը Նախիջևանում այդ փողերով մի մեծ և կանոնաւոր դպրոց հիմնելու վախճանական նպատակով, որ սուկայն չլաշտոյեց, և դոմարները ապարդիւն ծախսուեցին թէոդոսիայի դպրոցի վերայ, նա նոյն նպատակով նահատակութիւն լանձն առաւ և զնաց ճնդկաստան Բարաշանի գումարը բերելու, բայց արժանի չեղաւ նորա արդիւնքը տեսնելու, պատուրը, վախելու։ Ո՛րքան մեծ տարբերութիւն սորա և Այվազեանի

մէջ, որ հայութիւնից զուրկ մի խեղճ ու կրակ Թէոդոսիայում զւրոց հիմնելով և Նախիջևանի եկեղեցիների մեծաքանակ զու- մարները անիրաւաբար նորա վերայ ժախսելով, կամենում էր միաժամանակ և Աստուծուն և մամոնային ծառայել:

Հայրապետեանի քաղաքագլխութեան առաջին տարին— 1860-ին—բարեկամների ջանքով, վերջապէս, «Վարժապետը» արձակուում է բանտից, եօթ տարի փակուած մնալուց յետոյ, որ չարաչար կատաղեցնում է Խալիբին, թէ և Պատկանեանցի պղ ազատութիւնը եղել էր կարգընկէջ լինելու պայմանով: Նա միտքը դրել էր Պատկանեանցին անպատճառ աքսորել տալ Սի- բիր իբրև քրէական լանցաւորի, ուստի և չէր խնայել ոչ մի միջոց իւր նպատակին հասնելու համար: Դեռ առաջ Սիմէօն Ալաշալեանի քաղաքագլխութեան օրով, երբ Պատկանեանցը Ռոս- տովի գաւառական դատարանի և Եկատերինօսլաւի վճիռներով մի առ ժամանակ արձակուել էր բանտից, Խալիբը գործ էր դրել իւր սովորական հնարիմացութիւններից մէկը և նորան նո- րից բանտարկել տուել: Երբ Ղրիմի պատերազմի ժամանակ անդ- լիական նաւերը յայտնուել էին Տաքանրոզի առաջ, կոմս Տոլս- տոյ նահանգապետի ընտանիքը փախել, եկել էր Նախիջևան և ապաստան գտել Խալիբի տանը, իսկ Տաքանրոզի ռմբակոծու- թիւնից յետոյ, ինքը կոմսն էլ փախել, հասել էր իւր ընտանիքի մօտ: Հէնց դոյն օրերը եկել է եղել Ռոստով Եկատերինօսլաւի փոխ-նահանգապետ Հերցոգ-Բրանշուէյզը, որին և Խալիբի հետ պրցելութիւն է գնացել Տոլստոյը, և պղտել խօսք է բացուել Պատկանեանցի բանտից ազատուելու մասին, Պատկանեանցի, որի մասին նոր միայն մի նոր բողոք էր ներկայացրել Խալիբի պրի զուստը Հռիփսիմէն, որ իբրև թէ Պատկանեանցը բանտից զուրս գալուց յետոյ, վերստին ձեռնարկել է Խալիբին սպանե- լու գործին: Նա իբրև ապացոյց ներկայացրել էր և մի երկա- թի գործիք, որով իբրև թէ Պատկանեանցը կամեցել էր իւր ձեռ- նարկութիւնը կատարել և որ գտել էին Խալիբի պատուհանի տակ: Նոյն իսկ օրը Խալիբը մի ճոխ ընթրիք է պատրաստել Տոլստոյի և Հերցոգի համար իւր տանը: Երբ կերել, խմել ու հարբել են, Հռիփսիմէն ներկայացրել է պատրաստի հրաման՝ նո-

րից բանտարկելու Պատկանեանցին, և ծունկ չօքելով, աղաչե-
րու ստորագրել է տուել այդ հրամանը, որի հիման վերայ և կէս-
գիշերին կալանաւորուել է Պատկանեանը և բանտարկուել: Յե-
տոյ միայն յայտնուել է, որ Տէր-Սիմէօնի որդի Տէր-Գաբրիէլն է
այն երկաթի գործիքը Խալիլի սպասաւոր «զարաուլ Ստեփա-
նի» գիտութեամբ գրել պատուհանի տակ և Ստեփանն էլ, իր-
րե թէ զտել է, առել, տարել է ներս ու ցոյց տուել ամենքին,
ի միջի այլոց, և կոմս Տոլստոյի կնոջը, և ասել, թէ Տէր-Գաբ-
րիէլն է կամեցել այդ գործիքով խորսակել պատուհանը և մանել
ներս ու սպանել Խալիլին:

Պատկանեանցին բանտից արձակելուց առաջ, արքունի
խորհրդարանը, երբ դեռ յայտնի չէ եղել կայսեր նորա կարգըն-
կէց անելու վնիւր, հարցրել է Ալվաղեանին, թէ որտեղ յար-
մար կլինի մի չորս-հինգ տարով քահանայ կարգել Պատկանեան-
ցին—Ղլլմը, թէ Մոզգովի, Ալվաղեանն այդ հարցին մենակ չի
վստահացել պատասխանելու. նա հեռադրել է Խալիլին, որ նա
գնայ Թէոդոսիա խորհրդակցելու, և նա, չնայելով իւր անդրա-
նիկ զստեր մահամերձ հիւանդութեան, գնացել է, և զուտորը
վախճանել է: Նոքա պատասխանել են, թէ թո՛ղ նա հեռացուի
յիճակից և արգելուի մի հեռաւոր վանքի մէջ. բայց խորհրդա-
րանը, ինչպէս մենք տեսանք, արձակում է բանտից և հրամայում
է կարգընկէց անել Նորան, որ և կատարուում է չոգևոր կա-
ռավարութեան մէջ բոլոր հոգևորականների ներկայութեամբ,
Տէր-Աստուածատուր Շապուշնիկեանի ձեռքով: Պատկանեանցը
այնուհետեւ ապրում է իբրեւ աշխարհական, նա հաւաքում է
երեսխաներ և պարապում է ուսուցչութեամբ, միւսնոյն ժամա-
նակ կատարելով և քաղաքադուխ հայրապետեանցի մօտ խոր-
հրդատուի և անձնական քարտուղարի պաշտօն: Նոյն 1860
թուի Սեպտեմբերի վերջերին և հոկտեմբերի սկզբին գալիս է
Նախիջևան Ալվաղեանը և նկատելով ժողովրդի յուզմունքը, իւր
առաջին քարոզի մէջ բնաբան է ընտրում՝ «Զի՞ հալածէք զիս»
և երկրորդի մէջ՝ «Ես լոյս աշխարհ եկի, այլ գոյ է մէջ ձեր վի-
շապ, որ միով շնչմամբ կարէ շիջուցանել զամենայն զլոյս»: Այս
խօսքերի վերայ ամենքը դառնում, նայում են Պատկանեանցի

վերայ, որ աշխարհական տարազով կանգնած էր ժողովրդի մէջ, և շարժում են գլուխները ու դուրս գալիս եկեղեցուց, այնպէս որ ինքը մնում է մենակ և ստիպուած է լինում վերջացնել քարոզը:

Սակայն Սյվաղեանը գտնում է միջոց Պատկանեացին աքսորելու և այդպիսով կատարելու Խալիբի ջերմ ցանկութիւնը. նա Շապուհնիկեան Տէր-Աստուածատուր և Տէր-Եղիա հայր և որդի քահանաների ձեռքով ու միջնորդութեամբ կարողանում է կազմել տալ մի թուղթ, որի մէջ քահանաները վկայում էին, թէ Պատկանեանցի մնալը Նախիջևանում վնաս է քահանաներին, քաղաքին և ազգին: Այդ թուղթը, որ քահանաները կազմում են 1860 թուի Սեպտեմբերի 27-ին և մատուցանում «Նորին Աստուածարեալ սրբութեան Տեսուչ Տեղակալի Առաջնորդութեան վիճակիս Նախիջևանի և Բեսարաբիոյ Գաբրիէլ Ծայրագոյն վարդապետի», խնդրագրի ձև ունէր և խմբագրուած էր հետևեալ կերպով. «Ըստ Բարձրագոյն Կայսերական վճռահատութեան, և ըստ եզրակացութեան Սինօդի սրբոյ էջմիածնայ՝ զատապարտեալն արդէն վասն յանցանաց մարդասպանական գործոյ՝ զրկեալն ի քահանայութենէ Գաբրիէլ Պատկանեանց որ զաստուորեցաւ ի կարգս աշխարհականաց, գտանի այժմ աստ ի Նախիջևան քաղաքի և պարապի մանկավարժութեամբ ըստ իւրն կամաց: Մեք ի վաղուց հետէ գիտելով և հանաչելով զվատ վարս և զբարս նորա զեռ յաւուրս հանգուցեալ ներսէս կաթողիկոսի, և ի յառաջնորդութեան Մատթէոս սրբազանի, որ բազում անգամ գտեալ էր ի զանազան յանցաւորութիւնս անվայելս իւրումն կոչման թէ ի մէջ քաղաքական և թէ քրէական դործոց, և իւրով անհանգիստ բնութեամբ և խռովարար և չարարուեստ խորամանկութեամբ միշտ ապականեալ է և ապականէ զմիտս և զլսելիս պարզամիտ քրիստոնեայ ժողովրդոց՝ և միշտ հետևի հասուցանել վնաս մեզ հոգևորականաց միանգամայն և ամենից, ուստի ճանաչելով մեր զնոյն անձն վնասաբեր վասն որոյ առ ի բողոքելոյ զգայթակղութիւն ժողովրդոց՝ և ի լրգուշութիւն մեզ յապառնի վնասուց որք կարեն լինեն նովաւ՝ մնալովն այսր ի քաղաքիս: Սորին սակս այսու

մերով միաբանական խնդրադրաւ դիմեալ առ Ձերդ սրբութիւն խնդրեմք խոնարհութեամբ՝ ընկալնուլ զայս խնդիր մեր և զնել ի գործ՝ հեռացուցանելով զչիշեալ Պատկանեանցն այլուր՝ յօտար սահման, զի եթէ մնասցէ նա այդպէս ի մէջ քաղաքիս՝ խռովութիւն ի միջի ժողովրդոց և հոգեւորականաց լինելոց է անպակաս»:

«Նորին Աստուածաբեալ Սրբութիւնը», յայտնի բան է, շտապում է այդ յոյժ փափագելի խնդրագիրը «զնել ի գործ» և զորա հիման վերայ Հայրապետեանը հրաւիրուում է Եկատերինօպօլ և երկու անգամ հարցնում են հասարակութեան, թէ ի՞նչ վնաս է տալիս Պատկանեանցի մնալը քաղաքում: Թէև ոչ մի բանով չի ապացուցուում նորա վնասակարութիւնը, բայց չորս մարդ Խալիբի կուսակիցներից թուղթ են մատուցանում, թէ քաղաքի և իւր իսկ Պատկանեանցի օգուտը պահանջում է, որ նա չմնայ Նախիջևանում: Եւ այսպէս նա 1861 թուի Յուլիսին աքսորուում է Վեատկա, այնտեղից էլ դեկտեմբերին — Կոստրոմա և այդտեղից էլ, վերջապէս, 1863 թուի Օգոստոսին — Ս. Պետերբուրգ: Մեծ ցնծութիւն է լինում Խալիբեան կուսակցութեան շրջանում, որ, վերջապէս, յաղթանակը տանում են և ազատուում «վիշապի» ձեռքից, որ միով շնչմամբ շիջուցանէր զլոյս բերեալն «ի Մխիթարեան ուխտէ», իսկ բուն հեղինակը այդ գործի ինքը Ալփագեան ծայրագոյն վարդապետը այնքան հրճուում է, այնքան համը նորա բերանումն է մնում, որ մի անգամ էլ նա կամենում է նոյն հնարագիտութիւնը գործ զնել և իւր միւս հակառակորդ Հայրապետեանի վերաբերմամբ: Բարեբաղդաբար այս անգամ վարդապետի բերանի քաղցր համը անհամանում է: Առաջնորդութեան Տեղակալի դրդմամբ և ահնարկութեամբ հաւաքուած անմիտ քահանաների շրջանում գտնուում է մի նորընծայ բանիմաց քահանայ, որ ինքը չի ստորագրում խմբագրուած նոր խնդրագրին և արգելք է լինում ուրիշներին ես ստորագրելուն, որով և հոգեւոր հայրերի չար միաբանութիւնը քակտուում է ¹³):

Վեատկայում Պատկանեանցը մնում է 1861-ի Յուլիսից մինչև նոյն թուի Դեկտեմբերը և փոխադրուում է Կոստրոմա,

որտեղ մնում է մինչև 1863 թուի օգոստոսը, երբ ուղարկուում է Ս. Պետերբուրգ։ Այդ երկու տարին, որ անց է կացնում Վեաակայում և Կոստրոմայում, լինում է, զուգե, նորահանքի սմենադառն ժամանակամիջոցը, մինչև իսկ բանտարկութեան օրերից էլ դառն։ Բանտարկութեան օրերում նա, ճիշտ է, զրկուած էր ազատութիւնից, բայց, զոնէ, հեռու չէր իւր ընտանիքից, իւր բարեկամներից, որոնք յաճախ այցելում էին նորան, մխիթարում և լցուցանում նորա բոլոր պակասութիւնները, կարիքները։ Իսկ այստեղ, այս հեռաւոր անկիւնում նա կատարելապէս աչքից հեռացած, մտքից մոռացուած էր. չկար հայ բնակութիւն, որոնց շրջանում բարոյական բաւականութիւն դտնէր, չկար հայ եկեղեցի, որտեղ իւր հոգեւոր կարիքները կարողանար հոգալ, զրկուած էր իւր մերձաւորների տեսութիւնից, որոնց կարօտը հայուծաշ էր անում նորան, չենք խօսում արդէն նիւթական միջոցների սղութեան մասին, որ շատ դժուարութեամբ հոգում էին նորա աշակերտները և ծանօթները։ Ի զուր չէր, որ երջանկալիշատակ Մատթէոս կաթողիկոսը փոխարքային ուղարկած իւր խնդիրքում Պատկանեանցի մասին գրում էր, թէ նա ամբաստանութեան թշուառ զոհ է, թէ նա ապրում է Վեաակայում և Կոստրոմայում իւր հաղուադիւտ քանքարի զնահատողների և աշակերտների հասցրած օգնութեամբ, հեռու իւր ազգականներից, անծանօթ մարդկանց մէջ, զուրկ իւր դաւանութեամբ խոստովանուելու և հաղորդուելու հնարաւորութիւնից, իւր ցաւալի վախճանին սպասելու դրութեան և իւր դաւանութեան չպատկանող քահանայի ձեռքով թաղուելու վիճակի մէջ. ի զուր չէր նոյնպէս, որ կաթողիկոսը կարծում էր, որ այդ վիճակի մէջ նորա քանքարը կորչում էր ապարդիւն, որ նա զրկուած էր ընդհանրութեան օգուտ բերելու կարողութիւնից, այն ինչ եթէ նա ազատ լինէր, նա կարող էր մեծ օգուտ տալ իւր ազգայիններին իբրեւ հարտարախօս քահանայ, իբրեւ բանաստեղծ ու գրող, իբրեւ հայոց լեզուն լաւ իմացող և առհասարակ իբրեւ զիտութեան տէր մարդ (14)։

Դեռ լաւ էր, որ նորան թոյլ էին տուել առնել իւր հետ

մի քանի զրբեր ու բանտում զրած իւր զրուածները. նա ազատ ժամանակ շատ ուներ և պէտք էր մի բանով զբաղուէր: Եւ ահա նա հէնց նոյն 1861 թուին Վեստկայում ծեռնարկում է կարգի բերելու իւր բանաստեղծութիւնները, պարզագրելու իւր սեպարտիստները: Այդ ծեռնարկութեան և աշխատանքի արդիւնքը լինում է վերոյիշեալ «Հայկ-երգ»-ի, «Արամ-երգ»-ի, «Շաւարշ Ա. և Վարդենի»-ի, «Առնակ»-ի, «Կար»-ի, «Սօսիք Արագածոտան»-ի և «Վաշտակ»-ի սրբազրութիւնը և վերջնական խմբագրութիւնը, որոնցից առաջին հինգը աշխարհաբար են և զրած են ռաւանաւորով, իսկ երկու վերջինը—արծակ են և զրուած են զրաբառ: Ցաւալի է միայն, որ այդ բանաստեղծական զրուածները, որոնցից մի քանիսը շատ ընդարձակ բաներ են, ինչպէս, օրինակի համար, «Հայկ-երգ»-ը, որ բաղկացած է 1710 տողից, և «Արամ-երգ»-ը, որ բաղկացած է 2400 տողից, դեռ մինչև յայսօր տպագրուած չեն, ուստի և մեր ընթերցող հասարակութիւնը զրկուած է հնարաւորութիւնից կարդալու, ծանօթանալու և լիակատարօրէն գաղափար կազմելու Տէր-Գաբրիէլի քնարի էութեան մասին: Մենք, որ նոյնպէս միջոց չենք ունեցել կարդալու այդ զրուածները, կարծում ենք սակայն, որ դժբա էլ նոյն տեսակ բաներ պիտի լինին, ինչպիսին են նորա տպագրուած «Վարդան Մամիկոնեանը», «Շաւարշ Բ.»-ը, «Երեք ցուպք Մասիսի», «Հրաժեշտ Վարդանայ», «Զարմայր», «Վահագն», «Մրմունջք Յիսուսի» և միւսները: Այստեղ մենք տեղն ենք համարում մի անգամ էլ շեշտելու այն, ինչ որ մի երկու տարի առաջ ընդարձակ քննութեան առարկայ ենք շինել մեր մի զրուածքում, խօսելով Սերովբէ Պատկանեանցի, Ալամգուրեանի, Տէր-Գաբրիէլ Պատկանեանցի, Խորէն Նարբէլի, Խրիմեան Հայրիկի և միւս գոցա գլխակից և դոցա զպրոցին պատկանած զրաբառ կամ զրաբառախառն-աշխարհաբառով զրած ու զրող և մեր մէջ բանաստեղծ համարուած գրողների մասին (15): Նայելով դոցա բանաստեղծութիւնների վերայ այժմուայ տեսակէտից և զործ զնելով դոցա վերաբերութեամբ բանաստեղծութեան մասին մեր ունեցած զնահատուութեան այժմուայ չափն ու կշիռը, կարող ենք ասել, որ զու-

քա իսկապէս բանաստեղծներ չեն, այլ ոգևորուած ճառախօսներ, արուեստաւոր յանգակապեր, հնչուն խօսքերի ու ոճերի հաւաքաբաններ, երկարաբան, ճոռոմաբան, միտքը բառերի յորդութեան մէջ կորցնող, ախուլախով, աւաղ-եղուններով ընթերցողի միտքը յոգնեցնող, և այլն և այլն: Ի հարկէ արդարութիւնը պահանջում է ասել, որ դոցա գրուածների մէջ էլ պատահում են սողեր, հատուածներ, մինչև իսկ ամբողջ գլուխներ որոնք մաքուր ոգևորութեան, վառ երեակայութեան արդիւնք են, անարուեստ, սրտի խորքից բղխած պատկերներ և իսկական բանաստեղծութիւններ են, բայց մեր խօսքը այւսեղ հատուկօտորի մասին չէ, այլ ամբողջութեան, դոցա քնարի ընդհանուր էութեան, բնաւորութեան ու բովանդակութեան մասին: Ռուս Տրեդեակովսկու գրուածների մէջ էլ երբեմն պատահում են յաջող սողեր և կտորներ, բայց դորանով նա բանաստեղծ չի դառնում. նա միշտ եղել է և այժմ էլ շարունակում է Ֆիալ ռուս գրականութեան մէջ արհեստաւոր-յանդակապ բանաստեղծների տիպար և օրինակ:

ԵՐՈՒԱՆԴ ԶԱՅԱԶԻԶ

(Վերջը հետնեալ համարում)



ԺՈՂՈՎՐԴԻ ՄԷՋ ¹⁾

ԲՕՁԵԳԷՐԻ

Վեցերորդ կիրակի

Անցեալ անգամ կանգ առաջ աղջկայ զալու վրայ, այնպէս չէ՞:

Նրա լուսանկարը կախուած է սեղանատանդ: Դու նրան «Սիկստինեան մադոննա» ես ասում, և ճիշտ որ Բարբելը մադոննա է, միայն առանց մանուկի: Քաղաքում այսպիսի անձնաւորութիւնը աներեւակայելի է: Այնտեղ մարդկանց ազահ հայեացքները կըրկէին նրան այս անբնական հրաշագեղութիւնից և վաղուց արդէն նրա անարատ և հպարտ հոգին ստորացրած կլինէին:

Ես հեռուից ականածութեամբ նայում էի նրան, որը երեք շաբաթուայ ընթացքում երեսուն բառ անգամ չի ասել ինձ: Կարելի է արդեօք այսպիսի ուրախագին և ցնծալի գեղեցկութեան տէր լինել և այսչափ լուրջ ու ինքն իր մէջ ամփոփուած լինել: Միմիայն հիւանդ եղբոր հետ է հանաքներ անում, նրան փաղաքշում: Երբ Բարբելը եղբոր մօտ է լինում, նա նոյն իսկ իր ցաւն էլ է մոռանում, ծիծաղում և այնպիսի սիրով է նայում քրոջ երեսին, որ ինձ նոյն իսկ անախորժ է լինում տեսնել այդ: Երեկ նա չոքեց մահնակալի առաջ, շոյեց եղբոր հիւանդ ձեռքը և քաղցրութեամբ ասաց.

— Խեղճ ձեռք. առողջացիր շուտով: Մի լաւ բան կընծայեմ քեզ դորա համար:

— Իսկ զնդակը դուրս չի գալիս — հառաչեց երիտասարդը.

— Ուրեմն այդպէս էլ պէտք է: Մարդս այնքան ոսկորներ

¹⁾ Լուսնայ 1909 № 2.

ունի, որ կարող է մի փոքրիկ կտոր արճնի ներկայութիւնն էլ տանել—կատակում էր նա:

—Բայց չէ՞ որ գնդակը մարմնի մէջ չպէտք է մնայ. մի առանձին օգուտ էլ չի կարող լինել նրանից:

—Մի վրդովուի, Բօխերլ. ամեն մարդ մի անպէտք բան ունի իր մէջ: Մի վրդովուիր:

Եւ հիւանդի ցաւը աւելի թեթեւ երեւալու համար պատմում է նրան մարդկային զանազան չարչարանքների մասին:

Սակայն անցնենք ուրիշ գործերի: Օրերս, Տեառներնդառաչի տօնի օրը, բոլորեքեան ներկայ էինք հանդիսաւոր ժամերգութեան: Ուսուցիչը մօմը ձեռքին օգնում էր քահանային: Այս մարդը մի բան ունի իմ զէմ: Բայց ի՞նչ: Երբ մեր հաշեացքները հանդիպեցին իրար, ես բարեւելի, բայց նրա հայեացքը չփալեց սիրալիրութեամբ:

Տանաէրս ասում է, որ «չանասիրութեամբեմ աղօթում»։ Այն էլ ես, որ սովոր եմ երեկոները անցնել ուրախ, սանձարձակ ընկերակցութեան մէջ, պանդոկում կամ սրճարանում: Այժմ ես նոյն ժամերին պարսաւոր եմ չօքել և զիւղացիների հետ միասին աղօթքներ մըմնչալ: Փորձիր պատկերացնել քեզ այս տեսարանը: Բայց ոչ, դու չես կարող այդ անել, չափազանց աննախանձելի պատկեր է այդ: Հասարակ օրերը աղօթքը մօտաւորապէս քառասուն րոպէ է տևում. տօների նախընթաց երեկոները—համարեա ամբողջ ժամ: Եւ հաւանօրէն դորա համար կներուին ինձ իմ հին մեղքերս—իսկ նրանք քիչ չեն: Բայց ոչ աղօթքի կամ չօքելուս, այլ այն ցոփի, որ ես զօրձ եմ զնում ինձ խեղդող ծիծաղը զսպելու համար: Պատահե՞լ է քեզ լսել երբևիցէ թէ ինչպէս են աղօթում զիւղացիները: Իսկապէս այդ քրթմնչոցի մէջ կոմիքական ոչինչ չկայ. բայց քաղաքացու նման թեթեւամիտ և անհամբեր ոչոք չկայ:—Միմիայն հետզհետէ սկսեցի հասկանալ, որ հոգսերով ծանրաբեռնուած այս մարդիկ աղօթքի ժամանակ թեթեւացնում են իրանց վիրաւոր սիրտը:

Երբեքն ամենքն էլ կատարում են «աղօթիր և աշխատիր» պատուիրանը բառի բուն նշանակութեամբ, իրազործելով թէ մէկը և թէ միւսը միաժամանակ: Սաղմոս կարդալու միջոցին

հայրը ուղղում է չամբ, մայրը կերակուր է պատրաստում, Բարբելը մանում է, Ռոխերը և Փրանցելը մաքրում են լոբին, որ միւս օր ճաշին եփած կմատուցանեն: Իսկ վարձու՞րը: Նա նոյնպէս նստած է թուրքի նման, մի որևէ բան է շինում և աշխատում է ծածկել, որ լաւ չէ լիշում նոյն իսկ «հայր մեր» աղօթքի բառերը...

Բարեպաշտութեանս համար ներում է ինձ աշխատանքի անհմտութիւնը. սակայն ծերունին արդէն մի քանի անգամ բարեսրտութեամբ յանդիմանել է, որ երեսս չեմ խաշակնքում ոչ ճաշից առաջ և ոչ յետոյ, որ պատառաքաղը ծախ ձեռքին եմ պահում, որ արգանակը ընդհանուր ամանից չեմ ուտում, այլ նախօրօք առանձին ափսէի մէջ եմ վերցնում, որ ածն և հասարակ օրերին միևնոյն զգեստն եմ կրում, որ ամեն օր սապնով եմ լուացւում և մինչև անդամ ստամբներս խոզանակով եմ մաքրում: Պառաւր լուելի խիստ է վերաբերում:

— Լսիր, չանս, — ասաց ինձ այս օրերս — դու քո վատ սովորութիւններով երեսաներիս կփշացնես. չէ որ նրանց վատ օրինակ ես տալիս: Եթէ երբեիցէ Փրանցելը այդպիսի ատամի խոզանակ ձեռք բերի, կարող ես քեզ համար ուրիշ աեղ որոնել: Ես չեմ կարող տանել այդ:

Ես չեմ ուզում անբաւականութիւններ յատանառ դառնալ և կարծում եմ որ առանց ատամի խոզանակի էլ կարող եմ ապրել: Ծերունին առաւուր ստամբները մաքրում է շորով, մողերը սանրում մասներով, խմելու համար ջուրը ջրհորից հանում է գլխարկով, կամ ուղղակի խմում բռնից: Նրանց կտր ծիքով, ամեն ինչ ունին և ոչնչի պակասութիւն չեն զգում: Երբ զիւղացին կտրիքի մասին խօսեց, դա նշան է որ սովից մեռնում է: Մարդս ոչ մի պահանջ չունի, թէ բնական դրութեան և թէ քաղաքակրթութեան ամենաբարձր աատիճանի վրայ: Իսկ թէ այդ երկու աստիճանների միջև ինչ է կատարւում — Աստուած հեռու պահէ: Բարեկիրթ մարդու ամեն մի ցանկութիւնը իրադրոժուելու վայրկեանին առաջ են զայիս մի զիւժին նոր ցանկութիւններ և բոլոր այդ ցանկութիւնները հնարաւորութիւն չեն ապիս նորան զուարճանալու:

Յիշում եմ որ երբեմն գրում էի թէ ցանկութիւնների բացակայութիւնը բարբարոսութեան նշան է և թէ որքան բարձր է քաղաքակրթութիւնը, այնքան շատ են ցանկութիւնները: Այժմ ես այլ կերպ եմ մտածում: Նրանում չէ՛ կայանում արդեօք բարձր քաղաքակրթութիւնը, որ մարդս գիտէ զուարճանալ և զրկանքներ չի զգում. որ նա կարողանում է այնպէս կարգաւորել իր ցանկութիւնները, որ առանց հոգու հանգստութիւնը կորցնելու և ոչժի չափազանց լարուծի կարողանում է բաւարարութիւն ստանալ: Արուեստգիտութիւնից առաջացած անբնական ցանկութիւնները անբաւարարութիւն են առաջ բերում: Ինչու համար են մարդուս զանազան սպաւորութիւններ ընդունելու հազարաւոր զգայարաններ, զուարճութիւնների համար հազարաւոր սրտեր, երբ միշտ բաւական է երկու ձեռք աշխատելու և մէկ սիրտ զուարճանալու համար: Կատարեալ մարդը ոչինչ չունի, սակայն ամեն ինչ նրան զուարճացնում է: Ով կարող է հոնգստանալ ամեն մի գերանի կամ գետնի վրայ, ինչպէս զահաւորակի վրայ, նրա համար ամբողջ աշխարհը լիքն է զահաւորակներով: Ով աղբիւրի ջուրը խմում է նոյնպիսի բերկրանքով, ինչպէս և ամենաբնաւոր Եօհաննէսբերգեր, այդպիսի մարդու համար ամեն սարից բէյնվէյն է բղխում:

Եւ այս ամենը քեզ ասում եմ ես—մի մարդ, որ ներկայ ընդէին ճոխութեամբ չէ շրջապատուած, այլ ծանր զրկանքներ է կրում: Երեկ, սարսափելի գիշեր անցնելով, մտադրւում էի արդէն իրերս կապել և փախուստի դիմել, բայց երբ սոյն նպատակով մօտեցայ դրան, մտածեցի որ այդ միշտ էլ կարելի է հեշտութեամբ անել: Կարող եմ դնալ հէնց այս բապէիս, կամ մի ժամից յետոյ, վաղը, միւս օր: Եթէ ինձ ստիպէին մնալ, այս կեանքը ես չէի կարող տօհել: Բայց ինքնաջօժար կամքով, հասկանալով իմ ազատութիւնը— այդ ուրիշ խնդր է: Եւ իմ կպոցը դարձեալ պահարան դնաց: Հանաք բան չէ աշխատանքը:

ՀԱՆԱ

Եօթներորդ կիրակի

Ինչ ես անում դու զիշերուայ ժամը երեքին: Ենթադրում

եմ որ այդ ժամին տուն ես վերադառնում պարահանդէսից, կամ հիւրանոցում բերեարդ ես խաղում. եթէ ոչ պառկած ես լինում անկողնում և որևէ յայտնի հեղինակի մտքի արատ-դրութեան օգնութեամբ պատրաստում ես քաղցր քնելու: Իսկ ինձ այդ ժամին տանտէրը փայտով բաղխում է պատը թէ ժամանակ է վերկենալու: Սկզբներում շատ տրագիքական կերպով էի վերաբերում դրան և այնպէս էի վերցատկում յարդէ անկողնիցս, կարծես հրդեհի լինէի շտապելիս: Այժմ թողնում եմ բարի Ադամին զարնելու երկու, երեք և երեք անգամ: Երեկ նոյն խնձայն տուեց նա «Հանգել, արդէն վաղուց ժամանակ է վերկենալու»:

Ժամացոյցս չորսի քառորդն էր ցոյց տալիս:

Ցրաին ամենևին ուշադրութիւն չեն դարձնում: Տաք արգանակ (ղեղջկական սուրճ) տալիս են միմիայն Ադամի, պառաւի և Բարբելի հետ ամբողջ երեք ժամ վարսակ կալսելուց յետոյ: Այդ աշխատանքը համեմատաբար աւելի թեթեւ է նախկին թղթակցիդ համար:

Բարբելը կարող էր գոռոզութիւնը մի կողմը թողնել. երշմարիտ է ես խեղճ, եկոտոր վարձկան եմ, բայց չէ՞ որ եթէ ինձ անունով կանչէր, անմիջապէս սէր չէի խոստովանի նրան: Նկատում ես, որ դրիչս անընդհատ միևնոյն հարցին է դառնում: Մի՞թէ վէպի սկիզբ է սա: Ի՞նչ կասես:

Դատարկ բաներ են, ժամը վեցին Ռոխերլը շուացնում է նախանաչի հրաւիրելով մեզ: Որովհետեւ նա կալսել չի կարող, մեզ համար տանը սուրճ է պատրաստում. այսինքն բոված հատիկները եփում է ջրի մէջ, աւելացնելով իւղ և չաման: Իսկական սուրճ երազում էլ չեն տեսել: Գուցէ դու կարծում ես թէ թարմ կաթ եմ ստանում այստեղ: Այդպէս չէ. էլի փառք Սատժու, եթէ մի ամբողջ շաբաթ ներքնատանը ֆաշաճ և երեսը քաշած կաթ տեսնեմ:

Նախանաչից յետոյ ես գնում եմ եզների մօտ, Բարբելը կովերի, իսկ Ռոխերլը ոչխարների մօտ: Տաւարը կերակրում են օրը երկու անգամ. ջրի համար տանում են ջրհորը, որի երեսի սառույցը ձերը նախօրօք մաքրում է: Պառաւը կրտսեր որդուն զալրոց է ուղարկում: Այնուհետև մին-

չև ճաշ շարունակ կախում ենք: Ծաշք՝ բաղկացած է լինում՝ վերևը յիշած կաթնով պատրաստած հացի արգանակից, մանրացրած կաղամբ ճարպից, հաճարինկանակից ապխտած մսով: Առողջարար կերակուր է. իսկ ինչ խոհարարական արհեստի է վերաբերում... բայց լաւ չէ մարդկանց ետևից բամբասել: Բոլորեքեան դանդաղ և համեստութեամբ գզայները իջեցնում են ընդհանուր տմանի մէջ. ոչ ոք չի աշխատում ուրիշից աւելի ստանալ: Ամեն տեղ գիւղացիների մէջ նկատել եմ այդ սովորութիւնը: Վատ չէր լինի եթէ նրանցից օրինակ առնէինք:

Ծաշից յետոյ—դարձեալ կախել, պէտք է մինչև պատր վերջացնել: Վարսակով տէրը կերակրում է խոզերին, կամ ծախում, կամ թէ պահում ապագայի համար: Երեկոյեան Բարբէլը զնում է կովերի մօտ և փարախից լսում է թէ ինչպէս է կաթը թափւում կաթսայի մէջ: Երեկոյեան բոլորեքեան հաւաքւում են օջախի շուրջը և զանազան մանր աշխատանքներով դրօշկւում: Ես պէտք է նորոգեմ յարպէ աթոռների ոտները, ուղղեմ և սրեմ դանակները, կարեմ փոխը, կարգի բերեմ դռան կոթերը և այլն: Ամաչում եմ անդործ նստել, երբ միւսները աշխատում են: Առաջ, զինուորական ծառայութեանս ժամանակ, կամ խմբադրատանը, ես երբէք չեմ ամաչել... Այնուհետև գալիս է ընթրիքը—գեանախնձոր, շաղգամ, ալիւրէ սպաս. յետոյ աղօթքը, իսկ ութը ժամին, երբ քաղաքի բնակիչները նոր են սկսում շարժուել, մենք պարկում ենք քնելու: Կիրակի օրերը, անասուններին կերակրելուց յետոյ ամենքը զնում են եկեղեցի, իսկ ես կամ շրջակայքումս եմ թափառում և կամ քեզ գրում:

Գեղջուկը աշխատանքի մէջ ազնիւ է, բայց առւտուրի մէջ, ինչպէս օրինակ անասունների վաճառման ժամանակ, գիւղացիները (որոնց թւում և իմ Աղամբը) աշխատում են ամեն կերպ իրար խաբել: Սյս չպէտք է մեզ զարմացնէ, որովհետև ամեն տեղ էլ այդպէս է լինում: Իսկ զարմանալին ահա թէ ինչն է. սարի ծեր գիւղացիները չդիտեն թէ աշխարհիս երեսին ինչ է կատարւում: Բայց և այնպէս չօյղենդօրֆի պանդոկում վիճաբանում են քաղաքական խնդիրների մասին: Օրինակ, ռուսները գալիս են մեզ վրայ, նրանք մեծ քաղաքները տանել չեն

կարող և ուզում են այրել այնպէս, ինչպէս երբեմն այրել են իրանց մայրաքաղաք Մոսկովան. հրէաներին կը շարդեն, իսկ նրանց փողերը կբաժանեն աղքատ գիւղացիներին: Զինացիներին էլ կկոտորեն. նրանց մազերից Պրուսիայի կայսրը մտրակներ շինել կտայ յեղափոխականներին ծեծելու համար: Սակայն հռոմի պապը արգելել է պատերազմել: Եթէ մի տէրութիւն պատերազմ յայտարարի, միւս բոլոր տէրութիւնները կմիանան նրա դէմ: Գիւղացիները սաստիկ առում են «մեծ աւազակ» Նապոլեօնին: Իրանց ամբողջ յոյսը Յովսէփ II կայսրն է, որ քնած է քարայրի մէջ և որ կարթնանայ երբ կեռասենին նոր տաւրութեան ծաղկի: Ալմզայի բնակիչները աւելի հետաքրքրուում են նոր գիւտերով և յայտնութիւններով: Հեռադրաթելը նրանք երեւակայում են հասարակ զանգակի ծեով, եթէ զանգը Զայցբուրգում քաշեն, ծայնը Վեննայում կլսուի: Շանթարգելը մազնիս է և կայծակները դէպի իրան է քաշում: Քաղաքներում կայծակները շանթարգելով քաշում են մի մեծ շինութեան մէջ, որից ստացւում է ելեքտրական ուժը: Կան և արագընթաց գնացքներ, որոնք «կայծակ» են կոչւում, նրանց կայծակները քաշում են իրանց ետեւից, սրանք ելեքտրական գնացքներն են: Ամերիկայում շատ ոսկի կայ, բայց այնտեղ կարելի է գնալ միայն շոգենաւով: Շոգենաւերը երկաթից են, բայց չեն խորասուզւում, որովհետեւ գոլորշին նրանց ջրի երեսին է պահում: Ահա թէ ինչեր են անցնում մտքով, երբ ձեռքերն աշխատում են: Դէպի ունեւորները մինչև այժմ ոչ մի թշնամութիւն չեն նկատել, թէպէտ և նրանց մասին շատ են խօսում:

Բայց քունս տանում է և հրաժեշտի փոխարէն «բարի առաւօտ» եմ ցանկանում քեզ:

ՔՈ ՅԱՆՍ

Ուժերորդ կիրակի

Ուրախ եմ, որ նամակներս բաւականութիւն են պատճառում քեզ: Գրում ես որ բաւական նոր և խրատական բաներ եմ հաղորդում, որ անկեղծ հետաքրքրութեամբ պատրաստ ես ամբողջ տարի լսել սրախ զեղմունքը և խոստանում ես միշտ

հաւատարիմ ընկեր լինել ինձ: Եթէ զիտենաս, բարեկամ, թէ որքան արիութիւն է տալիս ինձ այդ ամենը: Ճարագրի զգացումը շատ սակաւ եմ զգում այժմ, թէպէտ բարկութիւնս զէպի «Կոնտինենտալ փոստի» հրատարակիչը և աշխատակիցները աւելի և աւելի մեծանում է: Բայց չէ՞ որ ոխն էլ ոյժ է: Երեւակայել ես երբևիցէ, որ ոխը, զայրոյթը և ատելութիւնը աւելի շատ բարիք են ծնում քան սէրը:

Անցեալ շաբաթ մի ծանր օր անցրի: Պէտք էր ծառ կրտրելու համար անտառ գնալ, որովհետեւ փայտերս քչացել էին: Ուրբաթ օր էր. ժերը գնաց չրադաց, իսկ ես Բարբելի հետ պէտք է անտառ գնայի: Բոխերը չի՞ ուղեկցի մեզ, հարցրի ես երկչոտութեամբ.

— Իսկ ինչի համար է պէտք ձեզ Բոխերը, կուղենայի իմանալ.— կտրուկ կերպով պատասխանեց մայրը— մենակ էլ լաւ կարող էք մի երկու ծառ կտրել:

Գնացինք: Ես տանում էի կացինը, սեւը, իսկ աղջիկը— երկու կոթով լայն սղոց: Զիւնը խորն էր, մինչև ծնկները մտնում էինք նրա մէջ: Ես գնում էի առաջից, Բարբելը ետևից: Ոչ մի խօսք չէինք ասում: Մեր շորերը կպչում էին թփերին, որոնցից ծիւնը թափւում էր երեսներին: Ծառի վրայ կանչում էր չարթը:

Գնում ենք տափարակ տեղ, ուր կանգնած են ծառերի մերկ բները, որոնց գազաթները և ճիւղերը անցեալ ծմեռ կրտրել են չորացնելու համար: Այսպիսի ծառերից մէկին մօտեցնում ենք սղոցը, ես բռնել եմ մէկ կոթից, նա միւսից: Բայց զործր առաջ չի գնում. նա բացատրում է թէ ինչպէս պէտք է բռնել սղոցը, ինչպէս սղոցել, բայց իզուր պողպատէ ատամնաւոր ծողը տեղից չի շարժւում: Փորձում եմ հանաքներ անել, բայց այդ էլ չի օգնում: Նա մի անգամ էլ հանդարտութեամբ բացատրում է թէ ինչպէս պէտք է անել:

— Շատ հասարակ կերպով,— ասում է նա— փոքրիկ Փրանցելի հետ ամենամեծ ծառեր էլ ենք կտրել, դու մի քիչ դանդաղ ես, հանգել, բայց ոչինչ:

Ոհ, ընկեր, ինչպէս ամաչում էի: Մասնագիտական ուսումս,

նոյն իսկ ֆրանսիերէն լեզուն ուրախութեամբ կտայի միայն թէ սլոցել զիտենայի:

— Ամենևին հարկաւոր էլ չէ այս անպիտան սլոցը — ստում եմ ես: Կացնով էլ լաւ կկտրեմ ծառը:

Վսեմաշուք կերպով բարձրացնում եմ կացինը, ինչպէս հին դերմանացին Տևտօբուրգեան տնտառում, և այնպիսի ոչոժով զարնում ծառի բնին, որ Բարբելը պէտք է լետ թռչի, այլապէս տաշեղները կդիպչեն նրա երեսին: Թող տեսնի թէ ինչպիսի նախնական մարդ է թաղնուած իմ մէջ:

Բայց յանկարծ չարաններն սկսում է ծիծաղել: Նա ծիծաղում է ինչպէս արծաթէ զանգակը, եթէ միայն իհարկէ արծաթէ զանգակը կարող է ծիծաղել:

— Եթէ սպասելու լինենք, որ դու կացնով՝ վառարան վարելու համար փայտ կտրես, ջուրը կսառի կաթսայի մէջ, և մի քիթերի տակ պաղլուկներ կգոյանան:

— Ինչ է որ, պատասխանեցի. ես արդէն վարժուել եմ ցրտին. կան մարդիկ, որոնք ստաք վառարանի մօտ կտրող են մարդիկ սառցներ:

Նա յուզուած նայում է ինձ, չգիտենալով ինչպէս բացատրել խօսքերս. իսկ ես հետզհետէ համոզւում եմ, որ սոճի ծառը դէպի միջուկը աւելի և աւելի է ամրապնդւում:

— Մի անգամ էլ փորձենք սլոցել — առաջարկում է նա. դարձեալ երևում է որ անկարող եմ այդ գործը կատարել...

— Գիտես ինչ, Հանդել, — յանկարծ ասում է նա — կարծում եմ որ աւելի լաւ կլինի թողնենք այս և վերադառնանք տուն:

Խնդրում եմ, սիրելի բնկեր, այրիք այս նամակը:

Յիշեալ անյաջողութիւնից յետոյ ամբողջ դիշեր և օրուայ կէսը անբաղդ էի զգում ինձ: Սակայն բաւ է, աւելի լաւ է ուրիշ դէպքի մասին պատմեմ:

Առաւօտեան ծերունին մտաւ դոմր և բացականչեց.

— Հանգել, ա՛յս ինչ է: Ո՞րտեղից է այս օտար անասունը փարախ մտել:

— Օտար անասուն, ի՞նչպէս:

— Ահա այնտեղ մի խայտաբղէտ ցուլ է կանգնած: Տէր

Աստուած, ո՞ւր է մեր դեղին մողին: Ո՞րտեղ է եղը, չանգէլ:

Հապտերը ծեռիս մօտեցայ և տեսայ բոլորովին օտար՝ մէջքին սև բծերով մի մողի:

— Իսկ դեղին մողին անյայտացել է: Երկար ժամանակ է տնտեսութեամբ եմ պարապում, բայց երբէք այդպիսի բան ինձ չի պատահել: Եթէ այսքան էլ չի կարելի քեզ վստահանալ, որ աչքիդ առաջիցդ կարող են անասուններ գողանալ...

Ծերունին չվերջացրեց, չուզենալով վիրաւորել ինձ: Յանկարծ այդ վայրկենին հասկացայ թէ բանն ինչու՞ն էր:

— Փարախում, դուրս ցցուած տեղը թանաք եմ պահում, որ չսառի: Երևի գիշերը կատուն կամ մուկը շուռ են տուել դեղին ցուլի մէջքին:

— Ասում ես թանաք է այս, — ասաց Ադամը: Յիմար բաներ մի ասի. ո՞րտեղից կարող է թանաքը փարախն ընկնել:

Արդէն ստիպուած էի խոստովանուել, որ նամակներ եմ գրում:

— Նամակներ ես գրում: Մի՞թէ պառաւ մայր, կամ մի որևէ մէկը ունիս:

— Տանտէր, ասացի ես, — այժմ զնանք մողին լողացնենք:

Ամբողջ առաւօտ լուանում էինք մողին տաք ջրով և մոխրաջրով, մինչև որ բծերը մաքրուեցան:

Թանաքն արգելուած է գիւղական ընտանիքներում: Տպարանական թանաքի դէմ էլ հալածանք կայ: Ասում են՝ աղքատութիւն և սով է տիրում այնտեղ, ուր սկսում են քիթը գրքերի մէջ կոխել...

Իններորդ կիրակի

Երեկ ճաշից չետոյ տանտիկինը պարզապէս հասկացրեց, որ կարող է ինձ արծակել:

Բայց ոչ թէ դեղին մողիները խայտաբղէտ դարձնելու համար, այլ նրա համար որ միրուքս երկարացրել եմ: Եթէ չեմ կարող քրիստոնեայի պէս օրինաւոր պահել ինձ, տւելի լաւ է ասեմ թէ որքան է հասնում ինձ մի քանի շաբաթուայ աշխատանքիս համար: Արդէն գարուն է սկսում և հեշտութեամբ կարելի է ուրիշ տեղ գտնել:

Ուղում էի ասել թէ վարժատրութեան մասին խօսք չի կարող լինել: Եթէ ծրի հարկաւոր չէի, ի՞նչքան պէտք է վճարէի նրանց մօտ վարժուոր մնալու համար: Բերանս արդէն բացել էի, երբ լանկարծ սթափուեցի.— այդ խօսքերով միայն կասկած կյարուցանէի և գործը աւելի կփչացնէի: Պէտք էր ստրուկի պէս հնազանդուել:

Եւ վարժուոր չանդելը խոնարհութեամբ ասաց, թէ ոչ մկրատ ունի և ոչ էլ ածելի և թէ՛ ոչ խուզել զիտէ և ոչ ածիլել: Եթէ երկար մաղերս դուր չեն գալիս տանտիկնոջ, թող ինքը պոկէ:

Նա ծիծաղեց. անկարելի է սրա վրայ բարկանալ. միշտ զուարճալի հանաքներ գիտէ անել: Հայր, երեկոյեան եթէ ազատ լինես, կտրիր չանգելի այդ բուրդը. ոչխարների և խոզերի մկրատով կարելի է այդ անել...

Լսում ես, փրիստփայ:

Երեկոյեան մարմնական պատժի ենթարկուեցայ: Յոյս ունէի, որ ծերի շնչարգելութիւնը կսկսուի, բայց իզուր: Պէտք է նստէի ցածր եռոտանու վրայ: Իմ դեղեցիկ, բարակ, շագանակագոյն մաղերը, որ դու անցեալները մինչև անգամ երգեցիր բանաստեղծութեանդ մէջ, շուտով ընկան բարբարոսի ոտերի մօտ: Պառաւր հաւաքեց և պահեց կտուրի տակ: Ասում են որ սա նշան է և սրանով մարդ լաւ յիշողութիւն է ունենում:

Հերթը հասաւ միրուքին. ժանդոտուած մկրատը պոկում և չարչարում էր միրուքս, իսկ գլուխս ծերունին ամուր պահել էր իր ոսկրոտ ծնկների մէջ:

— Չանդել,— ասաց լանկարծ ծերը բեղերիս մի ծայրը բռնելով,— ամառը, երբ հունձի ժամանակը գայ, կմնամ մեզ մօտ: Ասա, չե՞ս գնա:

Չանդիսաւոր կերպով խոստացայ մնալ:

— Լաւ, այդ դէպքում բեղերդ կթողնեմ:

Այսպէս ուրեմն միրուքովս երգուեցի, որ այս փորձառութիւնը մինչև վերջը կը տանեմ...

Երբ մաղերիս խուզելը վերջացաւ, բաց արի դէպի խրճիթի

ղերսը բացուող պատուհաններից մէկը, որի ապակու ետեւը սև պատ կար: Այստեղի հայելին է սա: Եւ ես ինքս ինձանից վախեցայ: Չես կարող երևակայել թէ ինչի նման եմ դուռել: Երբէք չէի կարծի, որ գեղեցիկ միրուքս, այսպիսի դաղրելի դէմք է ծածկում...

«Ա՛յ քեզ բան, մտածեցի ես: Ի՞նչպէս երևամ այժմ նրան: Դէմքս այնպիսի չուսահատութիւն էր արտայայտում, որ հայրը վախեցաւ: Բոխերը զիլ ծիծաղեց.

—Մի՛ ծիծաղէք, թողէք վերջացնեմ — ասաց ծերը: Այժմ պէտք է տեղը ողորկ դարձնել: Այն ժամանակ ճանդերը դարձեալ կգեղեցկանայ:

Եւ նա կրկին ծեռք առաւ ինձ: Երեսս սապնեց կոշտ սապնով և մինչև այդ շաղախը կցամաքէր՝ ածելին սրեց կաշուէ անդրափարտիկի վրայ և առաջին անգամ իր պաշտօնը կատարող դահնի պէս, ահարկու վճռականութեամբ պատրաստուեց պատժել ինձ: Ուղղում էի գոչել ամբողջ աշխարհին, որ անմեղ եմ—բայց նա արդէն սկսել էր քերել: Միրուքս մաքրելով տեսաւ որ բեղերս էլ անհաւաստր են, պէտք եղաւ այն էլ վերցնել: Այժմ արդէն կատարեալ աքսորականի նմանուեցի... նոր շղթաներ կապեցին ինձ գիւղական տարրի հետ—վասն զի այսպիսի դէմքով ի՞նչպէս վերադառնամ քաղաք...

Այսօր, կիրակուայ տօնի պատճառով, առաւօտը չէին արթնացրել ինձ թրխկոցով: Սակայն տանտէրս ինքը եկաւ մօտս:

—Այդ լաւ է, ճանդել, որ հանգստանում ես,— ասաց նա —այսօր հանգստութեան օր է: Բայց պարտաւոր եմ ասել, որ յետոյ եկեղեցի պիտի գնաս: Ես պտտասխանատու եմ բոլոր իմայինների համար—նրանց հաւատի համար: Աշխարհիս վրայ մենք միասին ենք ապրում, պէտք է որ երկնքումն էլ միասին լինենք: Այսպէս չէ՞, ճանդել:

Այդ ինձ զայրացրեց, ինչ դործ ունի նա իմ դաւաճանքի հետ. բայց միւսնոյն ժամանակ էլ ուրախացրեց—թէպէտ և երկինքը ես ամենեւին այլ կերպ եմ երևակայում, քան Ադամի և Նրա ընտանիքի մէջ լինելը. —ուրախացրեց այն պատճառով,

ուով, որ հայրը չիրաւի խօսում էր ամբողջ ընտանիքի կողմից, որոնց թւում և կանանցից փոքրի կողմից:

Դորա համար էլ, այսօր ես ոչ կանգնած և ոչ պառկած էի, այլ նստած էի եկեղեցու նստարանի վրայ:

Այնուհետեւ Ալամը հարցրեց զարմանքով— այս ի՞նչ թրդ-թեր են: Նա բարձիս տակ նկատեց «Կոնտինենտալ փոստի» մի քանի համարները: Գիտե՞ս, Հանգել, զբանց վրայ անյարմար է պառկել: Լրագիրներ հօ չեն:

— Ոչ, ճշմարիտ որ չէ, խաբեցի ես և վերմակով ծածկեցի թերթերը:

Իսկ ծերունին....

Բայց լսպտերս հանդաւ:

Տասներորդ կիրակի

Սիրելի ընկեր.

Անցեալ անգամ զրեցի թէ ծերունին մօտս լրագիրներ տեսաւ:

— Մի՞թէ լրագիր է այս.— ասաց նա վերմակի տակից թերթերը դուրս քաշելով:

— Ա՛յ քեզ բան: Վաղուց արդէն քո մէջ ինչ որ նկատում եմ. այժմ հասկանալի է, որ կարգին խորհել չես կարող, քանի որ զլուխդ վանազան չիմար բաներով ես լցնում: Ուրիշ ոչնչից չեմ կարող դանդաւորել. աշխատասէր ես, կենցաղավար ես, քչով բաւականացող: Ասենք մեզ մօտ չես էլ կարող քէֆ անել... բայց ամառը այստեղ սարերի վրայ ուրախ կլինի:

— Այո, այո, ես էլ ուրախ եմ, որ ամառը մօտեցել է...

Նա շարունակեց. բայց եթէ լրագիրներ կարդաս... մեղ պէտք չէ այդպիսի վարձուոր: Ուրախ եղիր, որ պատուաւոր դասակարգումն ես ծնունդ, որ ոչ մի յարաբերութիւն չունի նման բաների հետ: Եթէ կարդալ ես ուզում, վերցրու Թիսուս Բրիստոսի կեանքի մասին գիրքը, սրբերի կենսադրութիւնը և կամ թէ աղօթգիրքը:

Այստեղ վարձուորը համեստութեամբ հարցրեց.

— Բայց ինչո՞ւ համար չէք սիրում լրագիրները:

— Մի՞թէ չգիտես, Հանգել, որ բոլոր լրագրողները հեթանոսներ են, նոյնիսկ և հրէաներ:

— Լսել եմ, հայր, լսել եմ:

— Եւ որ լրագիրը գիւղացու համար թոյն է: Նայիր չօյղենդօրֆի Նանսինին: Նրա միակ գործը լրագիր կարդալն է: Ժշմարիտ է միշտ մեզանից աւելի է գիտենում. գիտէ թէ ինչ է կատարւում Պրուսիայում և գիւղացիների մէջ... բայց իր տունը կառավարել չգիտէ: Լրագիրներում փառաբանուած զանազան իրեր է գնում թանկ գներով. առաւ մինչև անգամ սերմնացան գործիքը, կարծես թէ ծեռներ չունէր որ ցանէր... ուզում էր նոր մեքենայով ցանել, բայց հատիկները արդէն հատել էին... դորանից յետոյ առաւ... և ծեր Ադամը սկսեց ծիծաղել:

— Ի՞նչ առաւ.

— Հա, հա. շատախօսի տեղ մի դնի ինձ, Հանս, ուրիշներն էլ նոյնը կասեն: Գնեց պարարտանիւթ: Այն Նանսինը, որ կարող էր ուզածի չափ անասուններ ունենալ: Բայց նա արուեստական պարարտանիւթ էր փողով առնում:

Որովհետև տեղիցս չեմ շարժւում, Ադամը կամաց կամաց մօտենում է անկողնիս:

— Մտածիր, Հանգել, մի գիւղացի, որ պարարտութիւնը փողով է առնում:

— Ինչո՞ւ չառնել. — ասացի ես — պարարտութիւնը անհրաժեշտ է գիւղացու համար:

Ծերունին այլևս չպատասխանեց: Նախաճաշի ժամանակ պառաւը նկատում է, որ իմ և ծերունու միջև ինչոր պատահել է:

— Ժշմարիտ, Հանգել, ասում է նա, քեզ կարելի է սիրել: Բայց հաւատ ընծայել քեզ չեմ կարող: Ինչոր ծածկում ես մարդկանցից: Ծածկիր որքան կամենաս, երևի ոչինչ վատ բան չի լինի հողուղ մէջ. իսկ մինչև որ ոչ մի վատ բան չգիտենք քո մասին, կացի՛ր մեզ մօտ: Զգիտեմ որն է աւելի անհրաժեշտ միւսին — դու մեզ, թէ մենք քեզ:

Ահա քեզ զեղչկուհի:

Արդար են արդեօք նրանք. ինչ որ լինի նրանց կարծիքները հաստատ են և այդ ուրախացնում է ինձ. պատասխանի փոխարեն ես միայն ուսերս վեր քաշեցի: Տանտէրս պէտք է սուտ խօսէր. խոստացել էի, որ այլևս ինձ մօտ երբէք լրագիրներ չի տեսնի: Հոյզենդորֆի ուսուցչի օգնութեամբ աւելի լաւ պէտք է գաղտնի պահել: Ինչպէս որ լինի ծերունուն կոպտահովացնեմ, իսկ լրագրից զրկուելը ոչ ժիցս վեր է: Աքսորանքի մէջ էլի քառասուններկու կիրակի պիտի անցնեմ: Նախկին ընկերակիցներին հետ դադարել եմ գրագրելուց և ամեն օր լրագիր կարդալով համոզուում եմ, որ հետզհետէ հեռանում եմ նրանցից: Բայց պէտք է զգուշ լինել: Որքան մեզանից հեռու է լրագրական մամուլը, այնքան հակամէտ ենք հաւատալ նրանց: Ասենք նա ինքն էլ չի պահանջում, որ հաւատանք իրան: Պէտք է միայն կարգաւ տողերի մէջ և այն ժամանակ կկարդաս այն, ինչ որ պէտք է: Գիտե՞ս, բարեկամ, ես ատում եմ ձեր աշխարհը: Բայց այդ ատելութիւնը սիրոյ յատկանիշ է. հասկանում ես:

Առ այժմ թողնենք այդ և դառնանք խոնարհ ծառայիչ, որը ուղում է հին լրագիրները վառարան տծել, բայց մայրը վախենում է, որ ծուխ և վատ հոտ կկանգնի...

Պաս է: Բարեկենդանի մասին մեզ մօտ խօսք էլ չի եղել, միայն Ադամը մի խոզ մորթեց: Ես օգնում էի նրան: Երբ մորթած կենդանու մաղերը մաքրում էինք, Ադամը հարցրեց. «Գիտե՞ս, չանգել, խոզի պոչը ինչու է ոլորած: Զգիտե՞ս: Պատմիր սորան, Բոխերը»:

Եւ Բոխերը սկսեց պատմել. «Երբ հրէաները Եգիպտոս էին, Փարաւոն կայսեր խոզապանը ուզում էր խոնկորներ զգել նրանց Նեղոս գետի վրայով և այսպիսով գաղանի առևտուր անել: Բայց Նեղոսը լայն է և բոլոր խոնկորները ջուրն ընկան: Եկաւ սատանան և ասաց. «խոզարած, դու այդ չես կարող անել, խոզերի պոչը պէտք է օղակի նման կապես, որ կարելի լինի բռնել նրանից»: Եւ վերցրեց խոնկորներից մէկն ու զգեց զէպի միւս ափը: Բայց Մովսէսը հրէաներին ասաց, ոչ, սիրելիներս, մենք չենք ուսի սատանայի ձեռքով մեզ ձգած միսը: Ահա թէ ինչու համար է խոզերի պոչը ոլորած և թէ ինչ պատճառով հրէաները խոզի միս չեն ուտում:

Անցեալ նամակում մտատանջութեամբ հարցնում էիր թէ որպիսի ամանեղէնի մէջ են ճաշ ուտում Ադամի տանեցիք և ուրիշ նման մանր բաներ: Փայտէ գգալներ և անթթներ արդէն վաղուց չեն գործածւում: Տանտէրս պահած ունի նախնի-

ներից քնացած մի քանի ոսկրէ գդալներ և պատառաքաղներ։ Այժմ ուտում են եղջիւրէ գդալներով, որոնք մեծ բերաններ են պահանջում և այնքան էլ յարմար չեն թղթակցի համար, բայց շատ գեղեցիկ են և սաղափի են նմանում։ Վերջին ժամանակները դրանք էլ փոխարինում են թիթեղեայ գդալներով։ Մայրը ճաշը պատրաստում է թիթեղեայ թաւանների և կաւէ տմանների մէջ։ Շատ կուգենար չուգունէ պղինձ ունենալ, բայց միջոցները չեն ներում։ Երբ ստանամ քսաննչորս հազար կրօնը, բոլոր ցանկութիւններդ իրազործուած կլինեն, մայր։ Մաքրութեան ծարաւը երբեք ուղղակի փորձանքի է հասցնում։ Երեկոները, երբ բոլորեքեան պարկում են քնելու, պառաւը դեռ ժամեր շարունակ մաքրում և լուանում է. իսկ շաբաթ օրերը սենեակ մտնել չի լինի։ Սեղանը, արկղները, տաշտակները, թաւանները—ամենն էլ ջրով են ծածկուած, կարծես շրհեղեղի ժամանակ լինի. միայն դանակները, գդալներն ու պատառաքաղները չեն լուանում, այլ ամեն անգամ գործածութիւնից յետոյ մաքրում են սփռոցով։ Ներքնակներն անգամ եփում, խաշում և թափ են տրւում հիմնաւորապէս. թէ ինչի համար է այդ, դու, միկնոյն է, չես հասկանայ, այնպէս որ աւելի լաւ է իսկի մի էլ մտածի դորս մասին։

Այստեղ օրական հարցը— Լանդտագի բնտրութիւնն է։ Մինչև անգամ Ադամս էլ չկարողացաւ բնդհանուր յուզմունքից իրան հեռու պահել։ Այսօր ժամից վերադառնալով՝ ասաց.

—Քահանան խոստովանանքից առաջ համոզում էր, որ քուէս մի որևէ անիշխանականի, շրջմոլիկի կամ մի ինչ որ կարծեմ սոցիալ դեմոկրատի չտամ։ Ի՞նչ է նշանակում այս ամենը, չանգել։

Սկսեցի բացատրել նրանց, թէ ինչ է նշանակում սոցիալ դեմոկրատ. մինչև իսկ խորհուրդ տուի սոցիալ դեմոկրատին ծայն տալ. բայց չհասկացաւ ինձ։

—Այ թէ ի՞նչ։ Կարելի է այդպէս էլ է, միայն ես չեմ բմբռնում ասածդ. իսկ քուէն մենք գեղջուկին կտանք։

Լաւ ենք, ինչ հարկաւոր է ասել, ես էլ, քահանան էլ։ Մէկս մէկ կողմն ենք քաշում բնտրողին, միւսը միւս կողմը։ Իսկ ո՞րն է մեզանից արդարը, եւ դեռ այս ազատ բնտրութիւն է կոչւում։

Թարգմ. օր. Ն. ԱՂԱՆԵԱՆՅ

(Կը շարունակուի)

ՄՈՒՐԱՅԱՆԻ ՅԻՋԱՏԱԿԻՆ

Թարմ ուժերդ նուիրեցիր
Հայ գրական վսեմ գործին.
Դու խաւարից լոյս հանեցիր
«Ռուզանը» եւ Մարգարէսունին.
Լաւ օրերդ զոհ բերեցիր
Դու կրեստսի բարդ գործերին
Երսուն սարի ծառայեցիր
Ոսկի հորթի անկուօժ փորին.
Բայց ի՞նչ տւին քեզ երախտի,
Թէ կրեստսդ թէ հայրենիք.—
Մինը ձգեց քեզ ինչպէս լաթ,
Միւսը՝ ծծեց ուղեդդ առաս.
Վերջին օրերդ վշի ծովում
Դու յուսահատ եւ չարաչար
Տանջում էիր հոգիդ սրտում,
Վերջը մեռար անմխիթար.
Շէնդ քաղում եւ պսակներ
Մի քանի էլ փնուն նառեր.
Թողիր որդիքդ անխնամ
Ահա հայի տուած ընծան:

Մ. ԵՆԳԻԲԱՐԵԱՆ

ՄԱՏԵՆԱԽՕՍԱԿԱՆ

Մանկական գրականութիւն

Մտքի բարգաւաճման ամենամեծ և ամենաանհրաժեշտ պայմաններից միինն է գրագիտութիւնն ու գրական դաստիարակութիւնը, որոնց զարգացումը հայոց մէջ ցոյց են տալի նոր լոյս տեսնող դասագրքերը և այն ձգտումը դէպի ընթերցանութիւնը, որ նկատելի է ներկայ հայ կեանքում: «Լուծայի» մի աշխատակից բողոքել էր, որ հայ հասարակութիւնը շատ անտարբեր է դէպի ազգային գրականութիւնը, և հայը քիչ ընթերցող ունի: Այժմ մենք չենք կարող նոյնը ասել. բայց և այնպէս, որքան էլ քիչ է ընթերցողների թիւը, պէտք է նկատել, որ գրագիտութիւնն ու դաստիարակութիւնը արագ կերպով նուաճում է հայերի մէջ իրեն պատկանելի տեղը: Սրան ապացոյց պիտի լինին հայ մանկական ամսագիրները և զարգացող մանկական հայ գրականութիւնը:

Ոչ շատ առաջ «մանկական գրականութիւն» ասելով հասկացւում էին գլխաւորապէս հէքիաթներ, որոնք ղուրկ չէին կրթական տեղեկեցիայից, բայց և այնպէս խիստ սահմանափակ—գիւցաղնական աշխարհ էին տանում մանկան միտքը, հեռացնում նրան դրական աշխարհից: Այժմ այս ամսագիրների մէջ հէքիաթներից դուրս կան և շատ գեղեցիկ պատկերներ, որոնց նիւթը մանկան առօրեայ կեանքի երևոյթներն են ներկայացնում. նոր զարգացող միտքը սկսում է գործել, կարող է ըմբռնել և դատել շրջապատող երևոյթները և այսպիսով առատ մտաւոր նիւթ ստանալով բարդաւաճել, ձեռք բերել կեանքի հմտութիւն և քննական ոգի:

Ռուսահայերի մէջ լոյս են տեսնում երկու մանկական ամսաթերթեր՝ «Հասկեր» և «Աղբիւր». երկուսն էլ ունին անցեալ, երկուսն էլ ունին իրենց նշանակութիւնը կեանքի մէջ: Այս երկու ամսագիրներից «Հասկերը» կարելի է համարել աւելի փոքրահասակների համար, իսկ «Աղբիւրը» մեծահասակների: Համապատասխան նիւթ մատակարարել մանուկներին, ապրել նրանց

Ֆեանքով և նրանց զգացմունքով—այս պիտի լինի մանկական ամսագիր հրատարակողի նպատակը:

«Հասկերի» այս թուի № 3-ը կազմուած է ճոխ և հետաքրքիր: Այս ամսագիրը կատարեալ բաւարարութիւն է տալի այն պահանջին, որի մասին վերը ասինք: Կան պատմուածքներ, որոնք կարգացուած են մեծ հետաքրքրութեամբ: Նոյնը կարելի է ասել և նոյն թուի «Աղբիւրի» № 3-ի մասին, միմիայն վերը յիշած զանազանութեամբ, այսինքն որ «Հասկերը» աշխատում է փոքրերին համապատասխան նիւթ տալ, «Աղբիւրը» անում է ընդհակառակը:

Բուն ամսագիրները մի կողմը թողնելով, որովհետեւ մի մի համարի մասին մանրակրկիտ գրելու անհրաժեշտութիւն չը վայ, մենք կգտնանք այս երկու ամսագիրների յաւելուածներին, որոնք թէ բնորոշում են ամսագիրների ուղղութիւնը և թէ ճշտում մեր վերը ասածը հասակի մասին: «Հասկերի» այս համարի հետ բաժանորդներին ուղարկուած է Ս. Լիսիցեանի մի գունատիպ հէքիաթ: Այս հէքիաթը բառիս բուն նշանակութեամբ մանուկների համար է. աւելի հասակով տղայք այն հետաքրքրութեամբ չեն կարդայ այս հէքիաթը, ինչ հետաքրքրութիւն նա առաջ կբերէ փոքրահասակ մանուկների մէջ: Սա մի պատմուածք է, ինչպէս աքլօրը, ղօչն ու էշը, ձանձրանալով, թողնում են իրենց տիրոջը և փախչում ազատ ապրելու: Գազանների ուրախութեան չափ չկայ, բայց երբ կասկած է յայտնւում, որ եկած կենդանիների հետ կայ և մարդը, դրութիւնը փոխում է. ուղարկում են գայլին իմանալու իրերի իսկական դրութիւնը, լինում է գիշեր. գայլը վախից գնում է տուն պահուելու: Աքլօրը, ղօչն ու էշը պատահմամբ ընկնում են գայլի քարայրը. երբ գայլը տուն է գալիս և դուռը բաց անում, որ մտնի—այնտեղ եղողները հարայ-հրոց են գցում. գայլը լեղապատառ խաբար է տանում իւր ընկերներին թէ «ողջ անտառը պատել են մարդիկ, մեր բոլոր տները կալել են». սարսափած գազանները տուն տեղ մոռացած ահից դէս ու դէն են փախչում:—Ահա հէքիաթի ամբողջ բովանդակութիւնը: Ինչպէս տեսանք ամենապարզ փոքր մանուկներին մատչելի, Ֆարուլա: Ծիշտ հակապատկերն է ներկայացնում «Աղբիւրի» թարգմանական յաւելուած Գեղափնջիկը— Մեղանչիկ եմ, Կլաւդիա Լուկաշևիչի.— առհասարակ պէտք է ասել որ «Աղբիւրը» ինքնուրոյնի հետ տալիս է նաև թարգմանական նիւթեր և այդ բոլորովին հասկանալի է: Ամեն գրականութեան մէջ կայ լաւ բան, աւելի լաւ քան շատ ազգային հէքիաթներ:

Այս փոքրիկ պատկերը ուսական կեանքից է և այն 1905

թուից յետոյ: Ռուս-եապոնական պատերազմի ժամանակ Ջ. գիւղի մի ընտանիքից պատերազմ են ուղարկուած երկու պատանի: Սրանցից մէկի ծերունի հայրը, որ ինքը կարդալ չէր իմանում, փափագելով նոր լուրեր իմանալ կարդալ իմացողներին, խնդրում է իրեն լրագիր կարդալ: Ծերունու մէջ փափագ կայ կարդալ սովորելու և բաւական է լինում նրան այդ միտքը տալ և նա ուրախութեամբ սկսում է իւր գոռոզ և խստապահանջ կնոջից ծածուկ սովորել և այդ մեծ դժուարութեամբ, բայց նորան յաջողում է: Ոչ նախատինքը, ոչ անէծքը և ոչ մի այլ հանգամանք չի կարողանում արգելել ծերուկին իրագործել իւր ցանկութիւնը և նա երջանիկ է, երբ քաղաքից վերադառնալով բերում է իւրայիններին մասին տեղեկութիւն պարունակող մի լրագիր և ինքը կարդում բոլոր գիւղացիներին:

Այս պատմութեամբ ուսուցանող տէնդէնցիա է պարունակում իւր մէջ և այս տենդենցիան կարող է ըմբռնել միմիայն պատանին, որը ունի այնքան զարգացում, որ կարող է զատել շրջապատող իրականութիւնը: Այս երկու յաւելուածների բաղդատութիւնը արդարացնում է մեր վերը ընդգծած զանազանութիւնը և մենք պէտք է ցանկանք, որ այդ երկու ամսագիրների խմբագրութիւնները ջանան մատնանշած զանազանութիւնը աւելի ըմբռնելի աւելի, զարգացնել ամեն մէկը իւր մասը, և այդպիսով թէ մանկական գրականութեան շրջաններն ամփոփել և թէ իրար չխանգարեն դաստիարակութեան գործի առաջխաղացութեան մէջ:

Մանկական գրականութեան մասին խօսելիս չի կարելի անտես անել այն հրատարակութիւնները, որոնք վերջին ժամանակները սկսել են ճոխացնել մանկական գրականութիւնը: Գրական շուկան սկսում է հարստանալ այս տեսակի նորագոյն հրատարակութիւններով:

Մի կողմը թողնելով պատանեկան ընթերցանութեան գրքերը, պէտք է ասել, որ «Հրատ. Ընկերութեան» գործունէութեան դադարումից յետոյ մի առ ժամանակ դադարեց և մանկական գրականութեան հրատարակչական գործը: Շուտով սկսուեց հրատարակուել «նուէր մանուկներին» սէրիան, որը մինչև օրս էլ շարունակում է, բայց մանկական գրութեան գունաւոր պատկերազարդ հրատարակութիւնը վերսկսուել է միմիայն նոր. հրատարակում են մի քանի նման սէրիաներ, որոնց թւում և «Մանկական գրադարան» խորագիրը կրող հրատարակութիւնը: Մի գեղեցիկ ձեռնարկութիւն: Սէրիայի № 3, որ վերջերս է լոյս տեսնեց

Յ. Թումանյանի «Գառնիկ ախպէր» հէքիաթն է՝ մի վարիանտ մի ժամանակ «Հրատ. Ընկերութ.» տպած հէքիաթի: Յ. Թումանյանն այս հէքիաթը վերածել է ոտանաւոր ձևի: Ինչ վերաբերում է գրքոյկի նկարներին, պէտք է ասել, որ դրանք շատ անբաւարար են, որոնք աւելի գունատիպ էսքիզի ձև են կրում քան պատկերի: Կան նկարներ, ուր պակասում է մասերի համաչափութիւնը, եթէ մի կողմը թողնէք այն, որ թագաւորին խնջոյքի ժամանակ մի սպասաւոր մատուցանում է իբրև կերակուր կենդանի ֆասիան: Բոլորովին անհամապատասխան է և չորրորդ երեսի ամբողջ նկարը. «Երբ խեղճ Մանուշը վայ է տալիս, լալիս, լալիս», կսկծի նշոյլ անգամ չկայ նրա երեսին, իսկ եթէ պատկերը ներկայացնում է այն վայրկեանը, երբ «Երկու որբեր, քուր ու ախպէր, գառն ու աղջիկ մոլորուած, գնում գնում են կորած», ինչ է արտայայտում քոջ պարզած ձեռքը, երբ հոգեպէս ընկճուած մոլորուած աղջիկը ամբողջապէս պէտք է գերի դառնար իւր անսպասելի ծանր վշտի: Իսկ նկարը, ի նկատի առնելով աղջկայ ձեռքին ունեցած խոտը, պատկերացնում է անկասկած երկրորդ վայրկեանը:

Մանկան մէջ էստէտիկայի զարգացումն ի նկատի առնելով՝ ցանկալի կլինէր, որ նման հրատարակութիւններ պատկերազարդուէին աւելի հմուտ կերպով: Եւ այս իրագործելու հնարաւորութիւնը տրուած է միայն հրատարակիչներին և սրանք չպէտք է զլանան ամեն ջանք գործ դնել այդ թերին լրացնելու համար:

Բայց և այնպէս մենք այս հրատարակութիւնը ևս ի թիւս միւսների առաջարկում ենք ծնողներին իբրև ընթերցանութեան գիրք իրենց մանուկների համար:

Գ. Ենգիբարեան. Մատենախօսութիւն.

Վերջերս լոյս տեսած Գ. Ենգիբարեանի «Մատենախօսութիւն»-ների հատորը, պարունակում է իւր մէջ այդ բազմաշխատ հայ հեղինակի գրուած քննական յօդուածները:

Քննական ոգին կհանքի մէջ այժմ հասել է իւր գագաթնակէտին ամեն մի երևոյթ, ամեն մի գրական աշխատութիւն կրիտիկայի է ենթարկւում. կրիտիկան է ուղղում արժանիքը ու յատկութիւնները, սա է ընդգծում մտքի արտադրութիւնների նշանակութիւնը կեանքի մէջ և նրանց գեղեցկութեան կամ ճշմարտութեան աստիճանը: Ամեն մի ժողովրդի կեանքում ամեն մի ստեղծագործութեան շրջանին հետևում է և քննական կրիտիկան:

Օրինակ Շիլլերը, Գեթեին, Բայրընը և ուրիշ արոպական հանճարներ ունին մի քանի՝ տասնհակ քննադատներ:

Գրական կրիտիկան սկիզբ առել հին Յունաստանում: Եւ այդ ժամանակից սկսած մտածողները չեն դադարում գրական կրիտիկայի և գեղարուեստի մասին հետազոտութիւններ կատարել: Գեղեցկի գնահատութիւնը զանազան ժամանակներ և զանազան երկրներում կրել է իւր վրայ որոշ ուղղութեան դրոշմ: Կրիտիկան Ռուսիայում սկիզբ է առել նոյնպէս վաղ: Բելինսկու գործունէութիւնը, որ պատկանում է 40-ական թուականներին, ռուս կրիտիկայի զարգացման վերին աստիճանն է: Ռուսահայերի մէջ կրիտիկան լայն մտքով սկսուել է նոյնպէս վաղ, իսկ գրական գործերի քննադատութիւնը սկիզբ է առնում միմիայն 80-ական թուականներին: Ահա այդ ժամանակներին էլ պատկանում են Գ. Ենգիբարեանի առաջին քննական յօդուածները: Բացի փոքր բացառութիւնից, որ կազմում են Ա. Չօպանեան և Մ. Բերբերեան, Գ. Ենգիբարեանը համալսարանական և կատարեալ պատրաստութիւն ունեցող միակ անձն է եղել, որ դեռ 80-ական թուականներից սկսած տուել է իւր արձագանքը ժամանակակից հայ գրական կեանքին և ղեկավարական մամուլի մէջ այն յօդուածները, որ մենք այսօր գտնում ենք ամփոփած մի ստուար հատորի մէջ: Այս հատորի մէջ առանձին ուշադրութեան արժանի են Ռաֆֆու, Սունդուկեանի, Յովհ. Յովհաննիսեանի, Յովհ. Թումանեանի, Պոռչեանի յօդուածները, որոնց մասին մենք այստեղ չենք երկարացնում, հետաքրքրուողներին ուղարկում ենք գրքի դիմել, ուր ամեն ոք կարող է առանձին գրուածքների մասին գտնել ամփոփ տեղեկութիւններ:

Այս գիրքը մենք առաջարկում ենք մանաւանդ ուսանողներին, որոնց մեծ ծառայութիւն կարող է մատուցանել իրրեւ ձեռնարկ հայոց գրականութեան պատմութիւնն անցնելիս: Այս հրատարակութեամբ լրանում է թէպէտ և շատ փոքր չափով այն պակասը, որ զգացւում էր հայոց գրականութեան պատմութեան մէջ:

Գրքին կից է նաեւ Լէսհաֆթի «գլորոցական տիպեր» գործը — անտրոպոլոգիական նկատողութիւններ. ընտանեկան կրթութիւնը և նրա նշանակութիւնը:— Ամեն մի ծնողի պարտականութիւնն է մտածել ապագայ սերնդի առողջութեան և առողջ դաստիարակութեան մասին և այս տեսակէտով Լեսհաւտի այս գեղեցիկ գործը մեծ օգուտ կարող է բերել շատ մայրերին, որոնց համար թանկ է իրենց զաւակների կրթութեան գործը:

Այս ամենի հետ չենք կարող չցանկալ, որ յարգելի կրիտիկոսը մի անգամ ևս նոր տպագրութիւնից առաջ սրբագրէ մի

քանի անհարթութիւնները, որոնք մուտ են գործել ներկայ հրատարակութեան մէջ: Ցանկալի էր նաև այս գրքի էթանագին հրատարակութիւնը ունենալ:

Կրօնների պատմութիւնը. Երուանդ վ. Տէր-Մինասեանց.

Մեր գրականութիւնը աղքատ է ամեն տեսակ ուսումնասիրութիւններով և չի կարելի չողջունել ամեն մի նոր ձգտում հաստացնել հայրենի գրականութիւնը նորանոր ուսումնասիրութիւններով թէպէտ և ոչ ինքնուրոյն:—Երուանդ վ. Տէր Մինասեանի հրատարակած «Կրօնների պատմութիւն» դասագիրքը լաւ ընթերցանութեան գիրք կարող է լինել ամեն մէկի համար, ով ուզում է ծանօթանալ հին ազգերի կուլտի ու պաշտամունքների հետ: Այս պատմութիւնը մի հիւսուածք է յայտնի և բոլորակաւ գիտնականների ուսումնասիրութեանց և մեր կարծիքով այս պատճառով աւելի մեծ արժէք ունի:

Այս հիւսուածքը տալիս կրօնի էվօլիցիայի ընդհանուր պատկերը և քննելով առանձին առանձին նախնական եգիպտական, ասորա-բաբելական, իրանական, հնդկական, չինական-ճապոնական, գերմանցիների, յոյն և հռոմայեցիների և իսլամի կրօնը, հասնում է Իսրայէլի կրօնի պատմութեան, որին նուիրուած է աւելի ընդարձակ տեղ և իւր տեսութիւնը աւարտում է «Կրօնի և կրօնի գիտութեան էութեան» տեսութիւնով, որ մի հայեացք է կրօնի պրօբլէմների և նրանց լուծման նորագոյն գիտութեան տեսակէտից:

Երուանդ վարդապետը նորաւարտ երիտասարդ վարդապետ է, ունի բաւականաչափ աշխատութիւններ և իբրև գործունեայ մարդ կարող է, մի քանի ուրիշների հետ, լաւագոյն օրինակ լինել Էջմիածնի բարոյապէս քայքայուած միաբանութեան համար:

ՊԱՐՈՅՐ

ԱՄՍՈՒԱՅ ՏԵՍՈՒԹԻՒՆ

ՎԵՀԱՓԱՌ Տ. Տ. ՄԱՏԹԷՈՍ II

Իզմիրլեանը հաստատուած Ամենայն Հայոց Կաթողիկոս

Հեռագիրը ամսոյս 8-ից հաղորդում է Ս. Պետերբուրգից, որ Թագաւոր Կայսրը բարեհաճել է բարձրագոյնս հաստատել Ազգից ընտրուած Տ. Տ. Մատթէոս արքեպիսկոպոսին Ամենայն Հայոց Կաթողիկոս:

Վերջապէս Լուսաւորչի Աթոռը մի և կէս տարի թափուր մնալուց և բաղդի ձեռքին խաղալիք լինելուց յետոյ՝ ստացաւ իւր արժանաւոր գահակալը և Հայոց եկեղեցին իւր Ծայրագոյն պետը:

Ողջունելով նորընտիր Հայրապետի հաստատութիւնը, մաղթում ենք նորին Սրբութեան բարի գալուստ և լիովին առողջութիւն՝ ընդ երկայն աւուրս բարերջանկութեամբ հովուելու Հայաստանեայց ս. եկեղեցին ու նորա բազմակարօտ հօտը:

ԵՒՐՈՊԱՆ ԹԻՒՐԳԻԱՅՈՒՄ

Մինչդեռ մեր լրագիրների պոռոտախօս թղթակիցները Պոլսից գրում էին, որ Թիւրքիայում հին կարգերը շարունակւում են և Հայերը ինքնավարութիւն չեն ստացել, թէպէտ քաղաքական գործերի հետ ծանօթ ամեն մէկը պիտի լաւ իմանար, որ Թիւրքիայի յեղափոխութիւնը չէր կարող մի ակնթարթում արմատապէս փոփոխել հին կարգերը, ահա Պոլսի վերջին հեռագիրները գալիս են ապացուցանելու վերոյիշեալի ճշմարտութիւնը:

Պօլսից հեռագրում են որ Կ. Պօլսի զօրաբանակի մի մասը պաշարել է պարլամենտը և պահանջում է Հիլմի փաշայի անկումը յանուն շարիաթի և ուղղափառ Իսլամի, բայց Պօլսի և Վեննայի հեռագիրների մէջ մի քանի ակնարկներ կան, որոնք պարզում են կատարուող իրողութիւնների իսկական իմաստը: Չարմանալի է, որ յանուն Իսլամի և շարիաթի գործող բանակը խօսում է ազատական միութեան անունից. ուրեմն ինչու մն է խնդիրը, եթէ բանակը պահանջում է Ահմէդ Րիզայի և Հիլմի փաշայի անկումը յանուն ազատական միութեան, ուրեմն ինչ գործունին այստեղ շարիաթը և սօթթաները: Հասկանալի է, որ պաշտօնական հեռագիրները ձգտում են քողարկելու կատարուող իրողութիւնների իսկական գոյնը և իմաստը:

Խնդրի իսկական էութիւնը այս է. Թիւրքիան, որպէս և միւս արեւելեան թուլացած պետութիւնները վաղուց է որ խաղալիք են երոպական զօրեղ պետութիւնների ձեռքում. կատարին է մեծի օրերից սկսած Թիւրքիան կորցրեց իւր նախնական վիթխարի ոյժը և իւր գոյութիւնը մինչև այժմ պահպանում է միմիայն զանազան պետութիւնների հետ յաջող յարաբերութիւն պահպանելու շնորհիւ: Մինչև վերջին ոռու տաճկական պատերազմը Թիւրքիան իւր գոյութիւնը պահում էր Անգլիայի զօրեղ հովանու տակ. և այս հովանաւորութեան շնորհիւ էր, որ Բերլինի դաշնադրութիւնը պահեց Թիւրքիայի գոյութիւնը և յետ կասեցրեց ոռու յաղթական զօրքը Պօլսի մտնելուց: Այնուհետև Գերմանիան շատ շուտով կարողացաւ իրան հնթարկել Ռուսիայի քաղաքականութիւնը, ինչպէս և առաջ և ապա չեղոքացնելով Ռուսիային Թիւրքիայում, բոլորովին դուրս վանեց Անգլիայի ազդեցութիւնը այդ երկրից:

Ապացոյց սորան, որ սորանից յետոյ սուլթանը սկսեց երիտասարդ թիւրքեր ուղարկեց Գերմանիա ղինուորական կրթութիւն ստանալու, Գերմանիան ստացաւ բազմաթիւ կօնցէսիաներ, և սորա փոխարէն քրիստոնեայ Վիլհէլմի բարեհաճ թոյլտուութեամբ սուլթան Աբդուլ Համիդը մի քանի անգամ կոտորեց Հայերին:

Անգլիան տեսնում էր այս ամենը և սպասում էր մինչև որ Ռուսիան կփոխէր իւր քաղաքական ընթացքը:

Կասկած չկայ, որ երիտասարդ թիւրքերը Գերմանիայում չէին պատրաստել իրանց ազատական ծրագիրները, այլ Անգլիայի դաշնակից Ֆրանսիայում: Երբ որ Ռուսաստանում սահմանադրութիւն ստեղծուեց և Անգլիան Ֆրանսիայի միջոցով կարողացաւ մի փոքր խելքի բերել Ռուսիայի քաղաքագէտներին և համաձայ-

նութեան գալ Ռուսիայի հետ արեւելեան գործերի վերաբերութեամբ՝ անմիջապէս տեղի ունեցաւ երիտասարդ թիւրքերի ապստամբութիւնը և յաղթանակը և ստեղծուեց սահմանադրութիւնը:

Սակայն սուլթանը և Վիլհելմը իբրև հին բարեկամներ և հմուտ քաղաքագէտներ չէին կարող վերջնապէս տեղի տալ և շատ շուտով երիտասարդ թիւրքերի Ահմէդ Ռիզային իրանց կողմը քաշեցին, իսկական սահմանադրութեան կուսակից անգլիասէր Քեամիլ փաշային գլորեցին և առաջին նախարար նշանակուեց մեծ վէզիր Հիւմի փաշան, որ Անգլիայի կուսակից է:

Վերջին հեռագիրները ապացուցանում են, որ Անգլիան որոշել է թոյլ չտալ Վիլհելմին և Աբդուլ Համիդին երկրորդ անգամ ոչնչացնելու տաճկական սահմանադրութիւնը:

Սրանով պէտք է բացատրել, որ երիտասարդ թիւրքերի մէջ շատ շուտ երկպառակութիւն սկսուեց և ստեղծուեց ազատական կուսակցութիւն, որ այժմ պաշարել է պարլամէնտը և պահանջում է Հիւմի փաշայի անկումը:

Պէտք է կարծիք, որ Կ. Պոլսում կատարուող իրողութիւնները ներքին կապ ունին Եւրոպայում կատարուող իրողութիւնների հետ և այժմ մեծ հաւանականութիւն կայ, որ թիւրքիան կանգնած է մեծ դէպքերի նախօրեկին և եթէ թիւրքիան չհետևի Անգլիայի խորհրդներին՝ հեշտութեամբ կարող է տեղի ունենալ այն, ինչ որ պիտի տեղի ունենար հարիւր տարի սրանից առաջ, այն է թիւրքիայի վերջնական քայքայումը:

ՆՈՒՇԻՐՎԱՆ

ԴԱՐՁԵԱԼ ՃԵՄՍԻՄԱՆ

«Լուծայի» անցեալ համարում մենք ասել էինք, թէ ճեմարանը հայկական դժբաղդ իրականութեան ամբողջացումն է: Եւ ի՞նչոք ճեմարանի հարցը դեռ հրապարակի վրայ է: Չեն դադարում վիճել և զրել այդ հարցի մասին: Վերջերս մինչև անգամ մամուլի մէջ ճեմարանի գոյութեան խնդիրը հրապարակի վրայ դրուեց և գտնուեցին մարդիկ, որոնք առաջարկում էին փակել ճեմարանի մի մասը, և այս միջոցի մէջ էին գտնում ելքը: Այս հարցը, մանաւանդ երբ արդէն հրապարակի վրայ է դրուած, արժանի է առանձին ուշադրութեան և մենք այդ հարցի վրայ մի փոքր կանգ կառնենք:

Մի ազգի քաղաքակրթութեան և զարգացման աստիճանը չափւում է այդ ազգի անդամների զարգացման ծաւալով: Այս

պատճառով էլ ամեն մի ազգ եւրոպացի թէ ասիացի ձգտում է մեծ գիտութիւն ձեռք բերել, մեծաքանակ զարգացած անդամներ ունենալ: Մեծ պայքար են մղում ընդհանուր պարտադիր ուսում մտցնելու, եղած դիտնական հաստատութիւններ և ամեն տեսակի դպրոցներ բարեկարգել ու ապահովել, որպէս զի այդպիսով ազգի ձեռք բերած առաջադիմութիւնը անխախտ մնայ և կամ ձեռք բերուի այդպիսին, եթէ ժամանակի ընթացքում այլ և այլ պայմաններից դրդուած կորցրել է ազգը իւր անխախտ վիճակը:

Rollin-ը ասում է. «Նայելով գիտութիւնը յարգուած է թէ ճշդուած, նրանք ստորացնում են կամ վսեմացնում պետութիւնները»:

Դեռ Տաճկական Սահմանադրութեան լուրը թերահաւատութիւն էր ներշնչում, երբ Տաճկաստանի այս և այն անկիւնից լուրեր հասան միջնակարգ և բարձրագոյն դպրոցներ բանալու մասին, որոնց համար արդէն որոշ գումարներ էին յատկացրած: Եւրոպայում ամեն մի գիւղ իւր դպրոցն ունի (միջնակարգ թէ բարձրագոյն): Մեծ պետութիւններից օրինակ Անգլիան ունի 19,500-ից աւելի սկզբնական դպրոց $5\frac{1}{2}$ միլիօն երեխայի համար, 400 գիմնալիա, 40 բարձրագոյն դպրոց, 80 աստուածաբանական սեմինարիա և բազմաթիւ ուրիշ մասնագիտական դպրոցներ. փոքր ազգերից վերցնենք, օրինակ, Բուլղարիան, որ ունի ընդամենը մօտ 3,300,000 բնակիչ, ուրեմն հայերի քանակից շատ աւելի պակաս, իսկ միայն բուլղարների թիւը հաւասար է $2\frac{1}{2}$ միլիօնի: Այս փոքրիկ ազգը ունի 18 զանազան տիպի գիմնադիօն և ոէալ դպրոց, 4 ուսուցչական ինստիտուտ, 2 գիւղատնտեսական դպրոց և նաև մի «բարձրագոյն դըպրոց», որ ժամանակի ընթացքում վերածւում է համալսարանի: Եւ այս դպրոցների քանակը բուլղարացիք աշխատում են շատացնել նորագոյն դպրոցներով: Իսկ հայոց ազգը, որ ունի մօտ $4\frac{1}{2}$ միլիօն անդամ, որոնցից միայն 1 միլիօնի չափ կարող է սփռուած լինել երկրագնդի զանազան անկիւններ, ուրեմն համալսմբուած են $3\frac{1}{2}$ միլիօնի չափ, պէտք է որ կրթական գործում բուլղարացիներից շատ յետ մնացած չլինեն. քաղաքական հանգամանքները չեն կարող արգարացուցիչ հանգամանք լինել հայերի համար, որովհետև բուլղարացիք նոյն ճշդումներն են կրել ինչ որ հայերը. 14 դարուց սկսած, երբ բուլղարացիք կորցրին իրենց ինքնուրոյնութիւնը, Բուլղարիան մինչև XVIII դարու վերջը մնաց տաճիկների հպատակ և կառավարւում էր Բէգլէր Բէյով (զենեալ-գուբերնատօր): Այս երկար դարերի ընթացքում թուրքերի քաղաքականութիւնը օտար ազգերի վերաբերմամբ

անկասկած նույնն էր, և բուլղարացիք նույն ճնշումներն էին կրում ինչ և հայերը, այն զանազանութեամբ միայն, որ բուլղար եկեղեցիին սկսեց կառավարուել Կ. Պօլսի պատրիարքութեամբ, իսկ հայերը պահպանեցին էջմիածինը, որ մի ուժեղ զէնք էր հայոց ազգը կործանելու ամեն մի ձգտումի դէմ: Յայտնի է Բուլղարիայի 1876 թուի սոսկալի հրկիզումներն ու կոտորածը, որ կատարեցին թուրքերը և որ հայկական կոտորածից ոչնչով պահաս չէր:

Մինչդեռ Բուլղարիան իւր վիճակում կարողացել է ամբողջ եռանդն ու կեանքը ազգային բարգաւաճման ծառայեցնել, հայերը իրենց ամբողջ եռանդը ու կեանքը տուել են ոչոքին օգուտ չտուող անձնական հաշիւներին, փոխադարձ հալածանքի, անասելի փառասիրութեան և այլն: Ծիշոտ է, հղիլ են երկաթի կամքի տէր մարդիկ, որոնք ամեն ճիշդ գործ են դրել բարելաւելու հայկական կեանքը, նպաստել հայոց քաղաքակրթութեան զարգացման, որը արտայայտուել է գլխաւորապէս դպրոցներ բանալում, բայց այդ անձերի մահից յետ հայ գործիչները գիտակցաբար թէ անգիտակցութեամբ քանդել են այն ամենը, ինչ որ նախորդներին յաջողել է ձեռք բերել մեծ դժուարութիւններով:

Ամբողջ հայկական իրականութիւնը ներկայացնում է մի ընդհանուր տեսարան լի նման արարքներով: Հայկական հաստատութիւններից էջմիածնի ճեմարանը: Ինչպէս ասինք, այդ կեանքի միաւորումն է և դառել է այժմ մամուլի առարկայ և ամբողջ հայոց կեանքի առհասարակ և դպրոցականի մասնաւորապէս վերանորոգումը այժմ աւելի քան դառել է ժամանակի անհրաժեշտ պահանջը:

1874 թուին Գէորգ IV կաթողիկոսը ըմբռնելով ժամանակի պահանջը և գիտակցելով ազգի բարգաւաճման նպաստող միջոցները, էջմիածնում բացեց մի ճեմարան, որ պէտք է ծառայէր հայոց ազգին իբրև բարձրագոյն դպրոց: Յայտնի է, որ դեռ 1840-ական թուականներից Մակար եպիսկոպոսը եղել է էջմիածնի ձեմարանի տեսուչ և հայկաբանութեան ուսուցիչ, իսկ հնում Վաղարշապատ մայրաքաղաքում գրեթէ միշտ գոյութիւն է ունեցել «Մայր դպրոցը», որի անկասկած շարունակութիւն են կազմում թէ յիշուած 1840-ական թուերի ճեմարանը և թէ Գէորգ IV կաթողիկոսի բաց արած «Գէորգեան» ճեմարանը:

Ուրեմն ճեմարան կամ այլ խօսքերով բարձրագոյն դպրոց ժամանակի հասկացողութեան համեմատ գոյութիւն է ունեցել հարիւրաւոր տարիներ էջմիածնում և ժամանակ առ ժամանակ

հանգամանքների բերմամբ դադարեցնելով իւր գոյութիւնը միշտ վերսկսել է և շարունակել իւր գործունէութիւնը:

Եւ այժմ XX դարում, երբ ամբողջ քաղաքակիրթ ժողովուրդը դիմում է դէպի կրթութիւն, ուստի հատիկ բարձրագոյն դպրոցի շուրջը մի մթնոլորտ են ստեղծում, որը առաջ կրել է դպրոցի փակում, իսկ գտնուեց նաև մի թերթ, որ առաջարկեց փակել մի կրթական հաստատութիւն և այն էլ այս ամայութեան ժամանակ, երբ հարկւրաւոր տղաներ մնում են դպրոցի պատերից դուրս և զուր օգնութիւն հայցում:

Իսկ այնտեղ՝ սուրբ Էջմիածնում բուն է դրել կեդրոտ ինտրիզը և մարդիկ մոռացած խիղճն ու ինքնասիրութիւնը՝ փորում են կաղնու բունը, անկարող վեր նայել ու ըմբռնել իրենց գոյութեան իմաստը:

Դատապարտում ենք և մի խումբ գիտնական և նոյն ճեմարանի սան վարդապետներին, որոնք սառնարիւնութեամբ տանում են այն ամենը, ինչ որ կատարւում է նրանց աչքի առաջ և դանդաղում են բարձրացնել իրենց ուժեղ ձայնը կատարուող բարբարոսութեան ու տգիտութեան դէմ:

Կարծում ենք ժամանակ է:

Ժամանակ է հասկացնել, որ ճեմարանը մի կեդրոն է, որը նուիրական պիտի լինի ամեն մի հայ մարդու համար և ուր պիտի կենդրոնանայ հայկական ամբողջ գիտութիւնը, հայկական գրականութիւնը: Դա պիտի վերածուի հայկական համալսարանի իւր նախակրթական բաժնով, որը և լուսաւորութեան կեդրոն պէտք է լինի ամբողջ հայութեան համար: «Տգիտութիւնը լուսաւորութեան ամենամեծ թշնամին է» և Էջմիածնի գիտուն մարդկանց պարտաւորութիւնն է մաքրել ճեմարանը տգիտութեան ոտնձգութիւններից և այդ հաստատութիւնը դնել հարկաւոր և անհրաժեշտ բարձրութեան վրայ:

ԼՈՒՐԵՐ

Կ. Պօլսի վերջին խոսվութիւններն անդրադարձան գաւառները և ինչպէս քանիցս գուշակել էինք մենք, անդրանիկ գոհը դարձեալ անպաշտպան հայերն եղան: Վերջին հեռագիրները դուժում են, որ Ադանայում, Մարաշում և շրջակայքում մոլեռանդ ամբոխն սկսել է հայերին ջարդել, որոնցից առ այժմ յայտնի է, սպանուած են 400 հոգի, թէպէտ մի այլ հեռագիր այդ թիւն հասցնում է 5000 հոգու: Հայկական ջարդ է հղել նաև Բաղէշի Խանկաձոտ գիւղում, ուր սպանուած են 14 հոգի: Տաճկաստանի դաշադան անկիւններից անհանգստացնող լուրեր են տեղում լրագիրներին նաև Բաքերդի, Մշի և միւս տեղերի հայերի դրութեան վերաբերմամբ, երկիւղ են կրում նորանոր ջարդերի: Իսկ Կ. Պօլսի ճրճոտն սահմանադրութեան երջանիկ անդամները հրճուած են իրանց գործունէութեամբ: Իսկ Կ. Պօլսի հայ լրագիրները քիչ է մնում միմեանց դատարան քարշ տան:

Տաճկաստանի վերջին խոսվութիւնների պատճառով, ինչպէս հեռագիրները հազորդում են, սուլթանը մտադիր է հրաժարուել իւր զահից:

Ղուկասեան մրցանակաբաշխութիւնը յետաձգուած է Չամսով, ներկայացուած աշխատութեանց քննադատութիւնների ուշանալու պատճառով:

Русское знамя լրագիրը յայտարարելով, որ հայերն ուզում են անջատուել Ռուսիայից և ի դէմս Կորիւն վարդապետի վերագրելով այն հայ վարդապետներին, առաջարկում է՝ հայ մութ ոյժի դէմ դնել մի ուրիշ մութ ոյժ—թուրքերին: Հետաքրքրական է՝ մտածո՞ւմ են արդեօք հայերը պատասխանել այդ միջնադարեան լրագրին թէ ոչ:

ԽՄԲԱԳՐՈՒԹԵԱՆ ՊԱՏԱՍ ԽԱՆՆԵՐ

Երևան. Մ. Ենգ.—Ձեր նամակը ուշ ստացանք. կտպուի հետեւալ համարում:

Սմրղանդ. Mars-ին.—Ձեր նամակին կպտտասխանենք:

Կ. Պօլս. Մ. Ա. Օ.—Խնդրում ենք ուղարկել շարունակութիւնը:

Վենետիկ. «Բազմավէպի» խմբ.— Ստացանք «Մուրացանի» յօդուածը: Ձեզ առանձին նամակ գրեցինք:

ԱՊՁԱՐԵԱՆ ՃԵՄԱՐԱՆԻ ՈՐԵՒԵԼԵԱՆ ԼԵՁՈՒՄՑ

Արքեպիսկոպոս Սարգիս Հասան Զալախանցի զրամագլխի հաշիւը
1908 թ.

0/0 թղթ.

րուբ.

ՄՈՒՏՔ

Առձեռն դրամ

Մնում էր ց 1 յունուարի 1908 թ. 108872.22

1174 ռ. 27 կ.

1908 թուի ընթացքում մտել է . . 2374.77

4278 ռ. 52 ».

ԾԱԽՔ

Երկու դնուած 0/0 արժէթղթերին

Վճարուած է 2177 ռ. 37 կ. և զրամագլխի

1907 թ. հաշիւը տպագրելուն 31 ռ. 50 կ. ընդ. 2208 ռ. 87 կ.

Յ 1-ն յունուարի 1909 թ. առձեռն պատրաստ

կայ 111246.99 3243 ռ. 92 կ.

Ծանոթութիւն. Դրամագլուխը գտնուում է Մոսկուայի նահանգական գանձարանում և պէտք է շահեցնուի՝ 1883 թուից սկսած՝ 125 տարուան ընթացքում մինչև 12 միլիոն բուրլու հասնելը, այնուհետև պիտի յատկացնուի զոհաբերողի անունով ուսումնաբանների և թոշակների:

Բացուած է 1909 թ. բաժանորդագրութիւնը

(ԶՈՐՐՈՐԴ ՏԱՐԻ)

Հ Ա Ս Կ Ե Ր

մանկական պատկերազարդ ամսագրի

Ամսագիրը լոյս է տեսնում Թիֆլիսում 32—48 երեսանոց

մեծադիր գրքոյկներով նախկին ընդարձակ ծրագրով

Մշտական աշխատակցութեամբ ՅՈՎՀ. ԹՈՒՄԱՆԵՆԱԻ ԵՒ ՍՏ. ԼԻՍԻՑԵԱՆԻ

Ամսագիրը ունինաւ ՄԱՆԿԱՎԱՐԺԱԿԱՆ ԳՐԱԴԱՐԱՆ, ուր շօշափուում են ընտանեկան կրթութեան վերաբերեալ կարևորագոյն

հարցեր:

ԲԱԺԱՆՈՐԴԱԳԻՆՆ Է ՀԱՆՍՊԱՐՀԱԾԱԽՍՈՎ

Տարեկան ՀԱՍԿԵՐ, մանկ. բաժին 3 ա. մանկավարժ. բաժ. 4 ա.

Կէս տարուանը . . . 1 ա. 80 կ. . . 2 ա. 10 կ.

Մէկ ամսուանը . . . — 30 կ. . . — 35 կ.

Պարսկաստանում . . . 3 ա. 50 կ. . . 4 ա. 50 կ.

Արտասահմանում տարեկան ԻՆԸ ՓՐ. ՏԱՍՆԵՐԿՈՒ Ֆ կ.

Հրատարակութեան սկզբից մինչև 1909 թ. վերջը 11 ա. 15 ա.

Խմբագրատան հասցէն՝ Թիֆլիս, Բեհրութեան փող. 25
(Тифлисъ, Редакция журнала «Аскеръ» Tiflis (Caucase) Rédaction du journ. «Hasker».)

Խմբագիր-Հրատարակիչ՝ Կատ. Լիսիցեան

Լ ՈՒՄ Ա Յ

ՀՐԱՏԱՐԱԿՈՒԹԵԱՆ 14 ՏԱՐԻ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳԻՐ

1909 թուին Լուման լոյս կտեսնի իւր նախկին դիրքով ավեն ամսի 20-ից յետոյ, բաղկացած 48—80 երեսներից: Ինչպէս միշտ, հարկաւոր դէպքերում, կտրուեն պատկերներ հասարակական երևոյթների առթիւ:

ՊԱՅՄԱՆՆԵՐ

1. Նիւթերը պիտի գրուած լինին պարզ, մի էջի վրայ և ոչ աւել քան 32 տպ. երես:
2. Արտատպութիւն ոչ մի դէպքում չի տրւում:
3. Նիւթերը չեն վերադարձնւում. յետ ստանալ ցանկացողները պիտի ուղարկեն փոստի ծախք:
4. Չտպուող նիւթերի մասին ծանուցում է տրւում ամսագրի մէջ պատասխանների բաժնում:
5. Թարգմանական նիւթեր ընդունւում են շատ կարճ և ընտիր հեղինակների:

ԲԱԺՆԷԳԻՆՆ Է տարեկան 6ռ., կէս տ. 4ռ.,
Արտասահման „ 8 „ „ 5 „

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.

ՄԱՄՈՒԼԻ ՏԱԿ Է

ՆԱՄԱԿԱՍԳԻՐՔ

Երկրորդ ճորագրած տպագրութիւն

Продолжается подписка до конца 1909 года

— На газету —

„Тифлисскій Листокъ“

ПОДПИСНАЯ ЦѢНА

Съ 1-го февраля до конца года.

Съ доставкой въ Тифлисъ 4 р. 75 к.

Съ пересылкой для иногородныхъ 6 р. 50 к.

Подписка принимается: на любой срокъ но только съ 1 числа каждаго мѣсяца, исключительно въ конторѣ изданія, Головинскій проспектъ № 15.